

ରମିୟ ମଣ୍ଡଳୀ ନିମନ୍ତେ ପାଠଲଙ୍କ ଲିଖିତ ପତ୍ର ରମିୟ କୁଲମିକି ପାଞ୍ଚୁଲ ରାଢ଼ାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାର୍ସା ବିତ୍ତା ପାଣ୍ଡୁଆଡ଼ି ପାଞ୍ଚୁଲ ରାଢ଼ାମାଚେସି ଇଞ୍ଜିଁ ଇନେରି □ ପାଞ୍ଚୁଲ ରମିତା ହାନି ନକେଏ ଜୀହୁଦି ଅଡ଼େ ଜୀହୁଦିଆଆଡ଼ି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଢ଼ାମାଚେସି □ ବାରେ କୂଡ଼ାତି ଲକୁ ଏନିକିଁ ଜୀସୁ କ୍ରୀସ୍ତୁଇଁ ନାମିନେରି ଇଞ୍ଜା ମାନି କିନେରି ୧୭:୨୭ ଏଡ଼ାଆଁତାକି ପାଞ୍ଚୁଲ କରଡ଼ି ଗାଡ଼ାତା ମାଚାଟି ରମିତା ମାନି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଢ଼ାମାଚେସି □

ବାରେ ଟାୟୁଡ଼ି ବାରେ ବେଲାଡ଼ି କ୍ରୀସ୍ତାନା ଲକୁତାକି ରମିୟ ର ଲଡ଼ାମାନି ପତି, ଏଡ଼ାଆଁତାକି ଇଚିହିଁ ମାର ଏନିକିଁ ଜୀସୁ କ୍ରୀସ୍ତ ତାଣାଟି ଗେଲ୍ପି ଆହାଲି ଆଡ଼ିନାୟି, ପାଞ୍ଚୁଲ ଅଜିକିହିଁ ରଚାଣି ପିହୁଆନାହାଁ ତେଲ୍ହି କିହାମାନେସି □ ପାଞ୍ଚୁଲ ପୁଃଇ ମେରାଡ଼ି ଜୀସୁ କ୍ରୀସ୍ତୁତି ନେହିଁ ବଲୁ ତଲେ ଆଡ଼ହାମାନେସି □ ଇ ପତିତି ୧-୧୭ ପତୁଡ଼ି ହାଡ଼େକା ବୁଦିଗାଟାରି ନେହିଁ କିଁ ଅଣ୍ପାନା ଝେସାମାନେରି, ଇ ବଲୁ ମାଦିତାୟି □ ଇମ୍ପାଆଁ ଝେସ୍ପି ଆହାମାନେ, “ନାନୁ ନେହିଁ ବଲୁ ଝେକ୍ହାଲି ଲାଜା ଆଅଁ ଏଡ଼ାଆଁତାକି ଇଚିହିଁ ଆମିନି ଗାଟାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୁୟୁ □ ନକେଏ ଜୀହୁଦି ଲକୁକି ତାୟୁ ଜୀହୁଦିଆଆଡ଼ି ଲକୁତାକି ଜିକେଏ □”

ମୂଲୁ ବାଗା ୧-୧୭ ହାଡ଼େକା ମାହାପୁରୁତି କାତା ଅଡ଼େ ଅର ବାଗା ୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି କାତା ଜାପିନାୟି ମାନେ □

ପତିତା ମାନାୟି

- ୧ ପାଞ୍ଚଲ ତାନି କାତା ପୁଣ୍ଠି କିହାନା, ଆମ୍ବାଆରକି ଆକୁ ରାଡ଼ିମାଚେସି ଏଦାଆଁ ଖେସାନା ଆକୁ ରାଡ଼ିନାୟି □ ୧:୧-୧୫
- ୨ ମାଣସି କୃତାତି ରାକି ଅଡ଼େ ଜୀସୁ କ୍ରୀସୁ ତାଣାଟି ଗେଲପି ଆନାୟି □ ୧:୧୬-୧୧:୩୭
- ୩ କ୍ରୀସ୍ତାନା ଲକୁ ଏନିକିହିଁ ନୀଡ଼ିନାୟି ଏ କାତା ହାରେକା ଜାପୁହାମାନେସି □ ୧୨:୧-୧୫:୧୩
- ୪ ରମ୍ପତା ମାନି କୁଲମିକାଣି ଜହରା କିହାନା ରାପୁନାୟି □ ୧୬

ପାଞ୍ଚଲତି ଜହରା ଖେହନି କାତା

୧ କ୍ରୀସୁ ଜୀସୁତି ହରେଏସି ଅଡ଼େ ମାହାପୁରୁ ହୀହାମାନି ନେହିଁ ବଲୁ ଖେକହାଲି ପାଣ୍ଡୁଓ ଆହାଁ ଆଚାନା ହାଟ୍‌କି ଆହାମାନି ସୀସୁ ପାଞ୍ଚଲତି ଆକୁ □

୨ ଦାମ୍‌ ସାପ୍‌ସ୍ତେରିତା ରାସକି ଆହାମାନି ଲେହେଁ ଇ ନେହିଁ କାବୁତି କାତା ତଲି କାଲଟିଏ ମାହାପୁରୁ ଅଣ୍‌ପୁତି ବଲୁ ଖେହନାରି ତାଣାଟି ଆଞ୍ଜାମାଚେସି □

୩ ଇଦି ମାହାପୁରୁ ମୀରଏଣାତି କାତା, ମା ପ୍ରବୁ ଜୀସୁ କ୍ରୀସୁ ମାଣସି ଆହାଁ ଏଞ୍ଜାସି ଦାଞ୍ଜୁଦ କୃତାତା ଜାର୍‌ନା ଆଡ଼େସି □

୪ ସାମା ତାନି ଲାକପୁରୁତି ସୁଦୁଜୀଞ୍ଜୁ ତାକି, କାଜା ହାକିଟି ନିଙ୍ଗାନା ଏଞ୍ଜାସି ବାଡ଼ୁଡୁ ତଲେ ଜୀସୁ ମାହାପୁରୁତି ମୀରଏସି ମସିହା* ଇଞ୍ଜିଁ ଖେଙ୍ଗିଡେସି,

୫ କ୍ରୀସୁ ତାକି, ମାହାପୁରୁ ନାଙ୍ଗେ ପାଣ୍ଡୁଓଆହାମାନି ସୀସୁ ଲେହେଁ ହାଟାନା, ବାରେ କୃତାତି ଲକୁତାଣା ନେହିଁ ବଲୁ ଖେକହାଲି ପାରୁ ହୀହାମାଞ୍ଜାନେସି, ଏନିକିହିଁ ଏଞ୍ଜାରି କ୍ରୀସୁ ଜୀସୁ ତାଣା ନାମାନା ତାଙ୍ଗେ ମାନଞ୍ଜି ଆହାନା ଡ଼ୟିନେରି □

୬ ରମ୍‌ ଗାଡ଼ାତା ବାସାଆହାମାନି ଲକୁଡେରି, ମୀରୁ ଜିକେଏ ଜୀସୁ କ୍ରୀସୁତି ଲକୁ ଆହାଲି ହାଟ୍‌କି ଆହାମାଞ୍ଜେରି □

୭ ରମ୍‌ତି ଆମିନି ଲକୁଣି ମାହାପୁରୁ ଜୀଞ୍ଜୁ ନହାମାନେସି ଇଞ୍ଜାଁ ତାନି ଲକୁ ଆହାଲିତାକି ହାଟାମାନେସି, ଏ ବାରେ ଲକୁତାକି ନାନୁ ଇ ଆକୁ

* ୧:୪ ୧:୪ କ୍ରୀସୁ

ରାତିମାଙ୍କ, ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି ମିଜେ କାର୍ମାମେହନାୟି ଅଡ଼େ ହିଡ଼ଡ଼ି ଆୟାପେ □

ଜହରା କିନି ପ୍ରାତାନା

୮ ମୂଲୁଏ, ମୀ ନାମୁତି ନେହ୍ ହାଡ଼ା ବାରେ ଦାରତିତା ଝେଙ୍ଗିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ କ୍ରୀସ୍ତ ତାଣାଟି ନା ମାହାପୁରୁଙ୍କ ଜହରା କିହିମାଙ୍କ □

୯ ନା ବାରେ ହିୟାଁ ଜୀସୁତଲେ ନାନୁ ଆମିନି ମାହାପୁରୁତି ସେବା କିହିମାଙ୍କ ଇଞ୍ଜା ଆମିନି ମାହାପୁରୁତି ମୀରଏଣାତି ନେହ୍ କାରୁ ଝେକ୍‌ହିମାଙ୍କ, ଏ ମାହାପୁରୁ ନା ସାକି □

୧୦ ପ୍ରାତାନା କିନାଟି ନାନୁ କାଲେଏ ମିଜେ ଅଣ୍‌ପାଙ୍କ ଇଞ୍ଜା ମୀ ତାଣା ଖାହାଲି ନାଜେ ପାରୁ ହିୟାନି ମାହାପୁରୁ ତାଣା ବାତିମାଲିମାଙ୍କ □

୧୧ ଇଚିହ୍ ନାନୁ ମିଜେ ଆଣ୍‌ଲି ହାରେକା ମନ କିହିମାଙ୍କ, ଇଞ୍ଜା ମିଜେ ର ଜୀସୁତି ବର ହିୟାଙ୍କ, ଏନିକିଁ ମୀରୁ ତାରିଆହାନା ମାଞ୍ଜେରି □

୧୨ ଇଦାଆଁ ତଲେ ମାର ରଅତଝି ରଅଣା ନାମୁତି ଆର୍‌ଝା କିହାଲି ଆଡ଼ିନାୟି □

୧୩ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ମୀ ତାଣା ଖାହାଲି ତାକି ନାନୁ ହାରେକା ଦେବା ଅଣ୍‌ପାମାଙ୍କ, ସାମା ହାରେକା ବାଦା ବେଟାଆତାକି, ନୀଏଁ ପାତେକା ଖାହାଲି ଆଡ଼ାଆତେଏଁ □ ଏଟକା କୁଡ଼ାତି ଲକୁତାଣା ଜିକେଏ ବଲୁ ଝେକ୍‌ହାନା ଏନିକିହ୍ ପାଡ଼େୟି ବେଟାଆହାମାଙ୍କ, ମୀ ତାଣା ଜିକେଏ ଏଲେକିହାଲି ନା ଅଣ୍‌ପୁ □☆

୧୪ ଏନାଆଁତାକି ଇଚିହ୍ ବୁଦିଗାଗାରି† ଅଡ଼େ ପାଙ୍ଗାତାରି‡ ଜାପିତାରି ଅଡ଼େ ଜାପାଆତି ଲକୁ ବାରେ ଗତିତି ଲକୁତାକି ନା ଦାୟିପତି ମାନେ □

୧୫ ଏଦାଆଁତାକି ରମ୍ ଗାଡ଼ା ତାତେରି ମୀରୁ, ମୀ ତାଣା ଜିକେଏ ନେହ୍ ବଲୁ ଝେକ୍‌ହାଲି ନା ଅଣ୍‌ପୁ □

☆ ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ ‡ ୧:୧୪ ୧:୧୪ ବୁଦି ହିଲିଆ ଗାଗାରି,

ନେହଁ କାବୁତି ବାଡ଼ୁୟୁ

୧୭ ଇତିହଁ ନାନୁ ନେହଁ କାବୁ ଝେକ୍‌ହାଲି ଲାଜା ଆଅଁ, ଏଦି ନାମିନାମି ବାରେ ଲକ୍ଷୁତାକି ଗେଲ୍‌ପି ଆହାଲିତାକି ମାହାପୁରୁତି ବାଡ଼ୁୟୁ, ମୂଲୁଏ ଜୀହୁଦି ଅଡ଼େ ତାୟୁ ଜୀହୁଦିଆଆତି ନାମିତି ଲକ୍ଷୁତାକି □☆

୧୭ ମାଣସି ଏନିକିହଁ ମାହାପୁରୁ ନକିତା ଦାମ୍‌ଗାଟାସି ଇଞ୍ଜଁ ତଞ୍ଜାଆନେସି, ଏ ଉପେୟି ଏମ୍‌ଆଁ ତସ୍‌ପି ଆହାମାନେ □ ମୂଲୁଟିଏ ରାନ୍ତି ପାତେକା ଗେଲ୍‌ପିଆନାଣି ବେଟାଆନ୍ତି ଉପେୟି ନାମ୍‌ □ ଦାମ୍‌ ସାସ୍ତେରିତା ରାସ୍‌କି ଆହାମାନେ, “ଦାମ୍‌ଗାଟାସି ନାମୁତଲେ ନୀଡିନେସି □”☆

ପାପୁ ତାକି ମାହାପୁରୁତି କାରବି

୧୮ ଆମିନି ଲକ୍ଷୁ ବାରେ ଲାଗେଏ କାମାଟି ସାତାଲ୍ ଆକ୍‌ମାନେରି, ଏଞ୍ଜାରି କପାଟି ଲାକପୁରୁଟି ମାହାପୁରୁତି କାରବି ତଞ୍ଜା ଆହାମାନେ □

୧୯ ଏନାଆଁତାକି ଇତିହଁ ମାହାପୁରୁତି କାତା ଏନାଆଁ ପୁନାୟି ମାତେ, ଏଦାଆଁ ଏଞ୍ଜାରି ପୁଞ୍ଜାମାନେରି, ମାହାପୁରୁ ଏଞ୍ଜାରି ନକିତା ଏଦାଆଁ ଝେସାମାନେସି □

୨୦ ମାହାପୁରୁ ଦାରତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍‌ୟାଁ, ତାନି ରାଆଗାଟି ବାଡ଼ୁୟୁ ଅଡ଼େ ଲାକପୁରୁତି ଗୁଣ୍‌ ନେହଁ କଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଞ୍ଜାଆଁ ମେସାଲି ଆଡିନାୟି □ ଏଦାଆଁତାକି ଏଞ୍ଜାରି ପୁଞ୍ଜାହିଲଅମି ଇଞ୍ଜଁ ଇଞ୍ଜାଲି ଆଡ଼ଅରି □

୨୧ ☆ଏଞ୍ଜାରି ମାହାପୁରୁଇଁ ପୁଞ୍ଜା ଜିକେଏ ଏଞ୍ଜାଣାଇଁ ଗାଞ୍ଜୁରମି କିଆତେରି କି ଏଞ୍ଜାଣାଇଁ ଜହରା କିଆତେରି □ ସାମା ଏଞ୍ଜାରି ଅଣ୍‌ପୁ ବାରେ ଉଜେଏତି ଅଣ୍‌ପୁ ଅଡ଼େ ଏଞ୍ଜାରି ତେଲ୍‌ହାଆଗାଟି ମନ ଆନ୍ଦେରି ଆହାମାନେ □☆

☆ ୧:୧୭ ୧:୧୭ ମାର୍କ ୮:୩୮ ☆ ୧:୧୭ ୧:୧୭ ଏବି ୨:୪ ☆ ୧:୨୧ ୧:୨୧ ଏପିସି ୪:୧୭,୧୮ ☆ ୧:୨୧ ୧:୨୧ ଏପିସି ୪:୧୭,୧୮

୨୨ ଏଞ୍ଜର ଜାହାରାଙ୍କୁ ବୁଦିଗାଟାତମି ଇଞ୍ଜିଁ ଇନେରି, ସାମା ସାତା ତଲେ ଏଞ୍ଜରି ବୁଦି ହିଲାଆ ଗାଟାରି;

୨୩ ଅଡ଼େ ନାସା ଆଆଗାଟି ମାହାପୁରୁତି ଗାଞ୍ଜୁରମିତି ନାସା ଆନି ମାଣ୍ଠି, ସାରିଗଟା କତାୟାଁ ଗାଟି ଜନ୍ତୁ, ପଟାୟାଁ ଅଡ଼େ ରାସ୍କା କୃତାତି ବମାୟାଁ କିହାନା ଏଞ୍ଜାଆଁତି ପୂଜା କିହିମାନେରି □☆

୨୪ ଏଦାଆଁତାକି ମାହାପୁରୁ ଏଞ୍ଜରି ହିୟାଁତି ଲାଗେଏତି ଜୁପକାତାକି ଏଞ୍ଜରାଙ୍କୁ ଲାଗେଏତି ତାଣା ହେରପିତେସି, ଏନିକିହଁ ଏଞ୍ଜରି ଆଜ୍ଞା ରଅସି ରଅଣି ତଲେ ଲାଜାଗାଟି କାମା କିହିମାନେରି □

୨୫ ଏଞ୍ଜରି ମାହାପୁରୁ କାତାତି ସାତା ପିସାନା ମିଚିତି ବାସୁଁ କିହିମାନେରି □ ଗାଡ଼ିକିତି ମାହାପୁରୁଙ୍କୁ ପୂଜା କିଆନା, ଗାଡ଼ିଆଡ଼ି ଦିଣ୍ଠୁ ପୂଜା କିହିମାନେରି; ଏ ଗାଡ଼ି କିତାଣାଙ୍କୁ କାଲାକାଲାତାକି ଜହରା □ ଆମେନ □

୨୬ ଏଞ୍ଜରି ଏଲେକିତାକି ମାହାପୁରୁ ଏଞ୍ଜରାଙ୍କୁ ଲାଜାଗାଟି ପାପୁ କାମାତା ହେରପିତେସି, ଇତିହଁ ଏଞ୍ଜରି ତକ୍ରିସିକା ତକ୍ରିୟାଁ ତଲେ କୃତାଲି ପିସାନା ଏଞ୍ଜି ତାମ୍ନୁ ତାମ୍ନୁସୁ କିଆଗାଟି ଲାଜା କାମାୟାଁ କିତୁ

୨୭ ଏଲେକିହଁ ଏ ଆବାୟାଁ ଜିକେଏ ଜାହାରା ତକ୍ରି ତଲେ କୃତାଆନା ଜାହା ଜାହାରା ବିତ୍ରା ଲାଗେଏତି କାମା କିତେରି □ ଆବା ଆବାୟାଁ ତଲେ ଲାଜା ଆନି କାମା କିତେରି, ଏଦାଆଁତାକି ଏଞ୍ଜରି ଲାଗେଏ କାମାତି ତଣ୍ଡୁ ବେଟା ଆହିମାନେରି □

୨୮ ଅଡ଼େ ଏନିକିଁ ଏଞ୍ଜରି ମାହାପୁରୁତି ବୁଦିତି କୃହାଲିଏ, ଏଲେକିହଁ ଏ ମାହାପୁରୁ କିଆଗାଟି କାମା କିହାଲି ଏଞ୍ଜରାଙ୍କୁ ଲାଗେଏତି ଅଣ୍ଡପୁତା ହେରପିତେସି □

୨୯ ଏଞ୍ଜରି ଦାମ୍ବୁଁ ହିଲାଆଗାଟାୟି, ଲାଗେଏ ପଲେଏ, ଜୁପକା ଅଡ଼େ ଇରସା, ଲକୁଙ୍କୁ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜାମାନେ;

୩୦ ଏଞ୍ଜରି ଉଡୁପାତି, ନିନ୍ଦା କିନାରି, ମାହାପୁରୁଙ୍କୁ ଅପାଆଗାଟାୟି, ଲାଗେଏତି କାମା କିନାୟି, ଏଞ୍ଜରି ଲାଗେଏ କାମା କିହାଲି ପାରୁ ପାରିନେରି; ଏଞ୍ଜରି ତାଲି ତାଞ୍ଜିଙ୍କୁ ମାନି କିଆଗାଟାରି,

☆ ୧:୨୩ ୧:୨୩ ଖେ ମେରା ୪:୧୭-୧୮

୩୧ ଏଞ୍ଜାରି ବୁଦି ହିଲୀଆ ଗାଟାରି, ଜାହାରା ହାତିକାତା ଆହୁଅରି
□ ଇଞ୍ଜା ଏଟକାତାରାକି ଇଟାଣି କାର୍ମା ହିଲେଏ □

୩୨ ଏଞ୍ଜାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି
ଲକୁ ହାନି ତଣ୍ଡ ପାଣ୍ଡନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଞ୍ଜାରି
ଏଲେକିହିଁଏ ଲାଗେଏତି କାମା କିହେମାନେରି, ଅଡେ ଏଲେତି
କାମା କିହିମାନି ଲକୁତଲେ ରାହାତଲେ ଆଣ୍ଡିନେରି □

୨

ମାହାପୁରୁତି ନାହାଁୟି

୧ ☆ଏ ତାୟି ଅଡେ ତାଜ୍ଜି, ମୀମ୍ ଏନାଆଁ ଏଟକା ଲକୁଣି ନାହାଁୟି
କିହିମାଞ୍ଜେରି ? ମୀରୁ ଆମ୍ବାଆତେରି ଆଡିଜିକେଏ, ଇଲେ କିନାୟି
ମିଙ୍ଗେ ତାକି ନେହେଁ ଆଏ, ଏଟକା ଲକୁଣି ଦହ ଦସାନା ମୀମ୍‌ସୁ
ଏଲେତି କାମା କିହାନା ଏମ୍ବାଟି ମୀରୁଏ ଦହ କିହିମାଞ୍ଜେରି □☆

୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି
ଲକୁଣି ସାତା ତଲେ ନାହାଁୟି କିନେସି, ଇଦାଆଁ ମୀମ୍ ପୁଞ୍ଜାମାନମି □

୩ ଏ ତାୟି ଅଡେ ତାଜ୍ଜି, ଆମିନି ଗାଟାରି ଲାଗେଏତି କାମା
କିନେରି, ଏଞ୍ଜାରାଇଁ ନାହାଁୟି କିହାନା, ମୀମ୍‌ସୁ ଏଲେତି କାମା
କିହିମାଞ୍ଜେରି, ମୀରୁ ମାହାପୁରୁତି ନାହାଁୟିଟି ଜୀଣା ଆନାୟି ଇଞ୍ଜା
ଅଣ୍ଡିମାଞ୍ଜେରି କି ?

୪ ଆଆତ, ମାହାପୁରୁତି ହାରେକା କାର୍ମାମେହ୍‌ନାୟି ମୀ ହିୟାଁ
ବାଦଲି କିନି ଖାକି ଅହାଲି ଅଣ୍ଡିପନେ, ଇଦାଆଁ ପୁନାଆନା ମୀରୁ କି
ତାନି କାର୍ମାମେହ୍‌ନାଣି, ସାସା, ଅର୍‌ହାନା ଡୟିନି ଲେହେଁତି ଦନ୍‌ଇଁ
ଅପିହିଲଅତେରି କି ?

୫ ସାମା ମୀରୁ ମୀ ଆଟ୍‌ଞ୍ଜା ଅଡେ ବାଦଲ୍‌ଞ୍ଜି ଆଆଗାଟି ହିୟାଁ
ଲେହେଁ, ଆମିନି ଦିନା ମାହାପୁରୁତି ନାହାଁୟି ତଞ୍ଜାଆନେ, ଏ
କାର୍‌ବିତି ଦିନାତାକି ଜାହାରାତାକି କାର୍‌ବି କୁଡି କିହିମାଞ୍ଜେରି;

୬ ଏଞ୍ଜାସି ବାରେ ଲକୁତାକି ତାମି କିହାମାନି କାମାତି ପାଡେୟି
ହୀନେସି;☆

☆ ୨:୧ ୨:୧ ମାତି ୭:୧; ଲୁକ ୬:୩୭ ☆ ୨:୧ ୨:୧ ମାତି ୭:୧; ଲୁକ ୬:୩୭ ☆ ୨:୭
୨:୭ ପାରୁ ୭୨:୧୨

୭ ଆମିନି ଗାଟାରି ସାସାତଲେ ନେହୁଁ କାମା କିହାନା ଗାଝୁରମି, ମାନି ଇଞ୍ଜା ହାଆଗାଟାଣି ପାରିନେରି, ଏଝାରାକି କାଲାକାଲାତି ଜୀଝୁ ହୀନେସି,

୮ ଆମ୍ବାଆରି ଝାରଇ ତାମ୍ବେ ଅଣପିନେରି, ଇଞ୍ଜା ସାତାତି ମାନଝି ଆଅରି, ସାମା ଲାଗେଏତାଣି ମାନଝି ଆନେରି; ଏଝାରାକି କାର୍ବି ଅଡ଼େ କପା ଝାନେ,

୯ ଆମ୍ବାଆରି ଲାଗେଏତି କାମା କିହିମାନେରି ଏଝାରାକି କାକୁଲି ଅଡ଼େ କସ୍ତତି ଦିନା ଝାହିମାନେ, ମୂଲୁଏ ଜୀହୁଦି ଲକୁତାକି ଇଞ୍ଜା ତାୟୁ ଜୀହୁଦିଆଆତି ଲକୁତାକି ଆନେ □

୧୦ ସାମା ମୂଲୁଏ ଜୀହୁଦି ଲକୁକି ଅଡ଼େ ଜିକେଏ ଜୀହୁଦିଆଆତି ଲକୁତାକି, ନେହୁଁ କାମା କିହାମାନି ବାରେଜାଣା ତାକି ଗାଝୁରମି, ମାନି ଇଞ୍ଜା ହିଡ଼ଡ଼ି ହିୟାନେସି □

୧୧ ଇତିହୁଁ ମାହାପୁରୁ ତାଣା ପାରଡ଼ା ବାଟି କିନାୟି ହିଲେଏ □☆

୧୨ ଜୀହୁଦିଆଆତି ଲକୁକି ମସାତି ମେରା ହିଲାଆନା ପାପୁ କିହାମାନେରି; ଏଝାରି ଜିକେଏ ମସାତି ମେରା ହିଲାଆନା ନାସା ଆନେରି, ଅଡ଼େ ଏତେକା ଜୀହୁଦି ଲକୁକି ମସାତି ମେରା ପୁଞ୍ଜାମାନାକି; ଏଝାରି ପାପୁ କିହାମାନେରି ଅଡ଼େ ଏ ମେରା ତଲେ ନୀହାୟି କିଝିଆନେରି □

୧୩ ଇତିହୁଁ ମେରାତି ଝେଞ୍ଜାନା ଲକୁ ମାହାପୁରୁ ନକିତା ଦାମ୍ବୁଗାଟାରି ଆଅରି, ସାମା ମେରାତି ମାନଝି ଆଡ଼ିସାରେ ଦାମ୍ବୁଗାଟାରି ଆନେରି □

୧୪ ଜୀହୁଦିଆଆତି ଲକୁକି ମେରା ହିଲାଆତିହୁଁ ଜିକେଏ ଏତିବେଲା ଏଝାରି ମେରାତା ମାନି ଲେହେଁ କାମା କିନେରି, ଏତିବେଲା ଏଝାରି ମେରା ବେଟା ଆଆତିହୁଁ ଜିକେଏ ତାମ୍ବେ ମେରା ଲେହେଁ ଆନେ;

୧୫ ଏଝାରି କିହିମାନି କାମାଟି ଇଦି ନେହୁଁତଲେ ତଞ୍ଜା ଆହିମାନେ, ମେରାତି ମାନି ଏଝାରି ହିୟାତା ରାସ୍‌କି ଆହାମାନେ □ ଇ କାତାତି ସାତା ଏଝାରି ଅଣପୁତା ଜିକେଏ ପାରମାଣା ସାତା ତଲେ ଅଣପିନାଟି ଅଣପିନି ଅଣପୁ ଏଝାରି କାତାତା ରାଜି ଆହିମାନେ, ସାତା

☆ ୨:୧୧ ୨:୧୧ ଝେ ମେରା ୧୦:୧୭

ଅଶ୍ୱପୁ ଅଶ୍ୱପିନାଟି ଅଶ୍ୱପୁ ଏଞ୍ଜରାଲ୍ ନେହ୍ନି କିନେ, ଲାଗେଏତି
ଅଶ୍ୱପୁ ଅଶ୍ୱପିନାଟି ଦହ୍ କିହିମାନେ □

୧୭ ଏମିନି ଦିନା ମାହାପୁରୁ କ୍ରୀସ୍ତ ଜୀସୁ ତାଣାଟି ମାଣସିତି ତ୍ୱଗୁମାନି
କାତା ବାରେ ନୀହ୍ନାୟି କିନେସି, ଏ ଦିନା ନାନୁ ଝେକ୍‌ହିମାନି ନେହ୍ନି
କାରୁ ଲେହ୍ନି ଈ ବାରେ ଆଡନ □

ଜୀହୁଦି ଲକୁ ଅଡେ ମେରା

୧୭ ମୀରୁ ଜାହାରାଲ୍ ଜୀହୁଦିତମି ଇଞ୍ଜା କଡିମାଞ୍ଜେରି; ମେରାତି
ବାର୍ସୁ ଇଟାମାଞ୍ଜେରି ଅଡେ ମାହାପୁରୁ ତାଣା ବଡପଣ କିହିମାଞ୍ଜେରି;

୧୮ ଅଡେ ମସାତି ମେରାଟି ଜାପାନା ଏଞ୍ଜାଣି ଅଶ୍ୱପୁ ପୁଞ୍ଜାମାଞ୍ଜେରି,
ଇଞ୍ଜା ନେହ୍ନାଣି ଲାଗେଏତାଣି ବାଟି କିହିମାଞ୍ଜେରି,

୧୯ ସାତେଏ ମୀରୁ ନେହ୍ନି କିହି ପୁଞ୍ଜାମାଞ୍ଜେରି, ମୀରୁ
କାଣାୟାଣି ଜିରୁ ତହ୍‌ନାତେରି, ଆନ୍ଦେରିତା ମାନି ଲକୁତାକି ଉଜେଡି
ଲେହ୍ନି,

୨୦ ବୁଦି ହିଲାଆ ଲକୁଣି ଝେହ୍‌ନାତେରି, ପୁନାଆତି ଲକୁଣି
ଜାପ୍‌ନାତେରି □ ମୀ ନାମ୍, ମେରାଟି ମୀରୁ ସାତା ଅଡେ ବୁଦି ମେଡା
ଆହାମାଞ୍ଜେରି □

୨୧ ମୀରୁ ଏଟ୍‌କାତି ଲକୁଣି ଜାପ୍‌ହି ମାଞ୍ଜେରି, ସାମା ଜାହାରାଲ୍
ଏନାଆଁତାକି ଜାପ୍‌ହି ହିଲଅତେରି ? ସରୁ କିଆଦୁ ଇଞ୍ଜା ଜାପ୍‌ହାନା
ମୀରୁଏ ଏନାଆଁତାକି ସରୁ କିହିମାଞ୍ଜେରି ?

୨୨ ଦାରି କିଆଦୁ ଇଞ୍ଜା ଇଞ୍ଜାନା ମୀରୁଏ ଦାରି କିହିମାଞ୍ଜେରି ?
ମୀରୁ ପେଣକା ବମାୟା ପୂଜା ଅପାଆନା ଦେଝୁଡିକାତି ଦିଶ୍‌ସୁ ମାଣ୍ଡି
ହିଲଅତେରି କି ?

୨୩ ମୀରୁ ମାହାପୁରୁତି ମେରା ବେଟା ଆହାମାନମି ଇଞ୍ଜା ବଡପଣ
ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଲ୍ ଲାଜା
ପାଣ୍ଡି କିହିମାଞ୍ଜେରି କି ?

୨୪ ସାପ୍‌ସେରିତା ରାସ୍‌କି ଆହାମାନେ, “ମିଙ୍ଗେ ତାକି ଜୀହୁଦିଆଆତି
ଲକୁତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ □”☆

☆ ୨:୨୪ ୨:୨୪ ଜିସା ୫୨:୫

୨୫ ମୀରୁ ଦେରାତି ମାନି କିହିମାତିସାରେ, ମୀ ତଲୁ ଦାଫିଆନାୟି ଲାବା ମାନେ □ ସାମା ଦେରାତି ମାନି କିଆସାରେ, ମୀ ତଲୁ ଦାଫି ଆଡାୟି ତଲୁ ଦାଫିଆଆତି ଲକୁତଲେ ସମାନା □

୨୬ ର ଜୀହୁଦିଆଆତି ଲକୁ ଦେରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାଫି ଆଡାସି ଲେହେଁ ଇନଅସି କି ?

୨୭ ଏଦାଆଁତାକି ଆଜ୍ଞା ତଲେ ତଲୁ ଦାଫିଆଆତି, ଆମିନି ଜୀହୁଦିଆଆତାରି ମସାତି ଦେରା ମାନି କିନେରି, ଆତିହୁଁ ମସା ରାଡିତି ଦେରା ଅଡେ ତଲୁ ଦାଫି ଆଡିଜିକେଏ ଦେରା ମାନି କିହିହିଲଅଡେରି, ଏଞ୍ଜାରି ମିଜେ ବିଚାରା କିୟାନେରି □

୨୮ ଖାରୁଇ ଆଜ୍ଞା ତଲେ ତଲୁ ଦାଫି ଆହାନା ପାଜ୍ଞାତା ଜୀହୁଦି ଇଞ୍ଜିହୁଁ ତସାକଡିମାନି ଲକୁ ଜୀହୁଦି ଆଏ □

୨୯ ଆମ୍ବାଆସି ହିୟାଁ ବିତ୍ରା ଜୀହୁଦି, ଏଞ୍ଜାସି ସାତା ତଲେ ଜୀହୁଦି, ଅଜ୍ଞରି ତଲେ ଆଏ, ଜୀହୁ ଅଡେ ହିୟାଁ ତଲେ ଆମ୍ବାଆସି ତଲୁ ଦାଫି ଆଡାସି, ଏଡି ସାତା ତଲୁ ଦାଫି ଆନାୟି □ ଏଲେତି ଲକୁ ମାଣ୍ଡସି ତାଣାଟି ମାନି ବେଟାଆଅସି, ସାମା ମାହାପୁରୁ ତାଣାଟି ମାନି ବେଟା ଆନେସି □

୩

୧ ଆତିହୁଁ ଜୀହୁଦିଆଆତି ଲକୁ କିହାଁ ଜୀହୁଦି ଲକୁକି ଏନାୟି ଗାତି ଲାବା ମାନେ ? ତଲୁ ଦାଃନାୟି ଏନି ଲଡାମାନେ ?

୨ ହାରେକାତି, ମୂଲୁଏ ମାହାପୁରୁ ତାନି ନେହୁଁ କାରୁ ଝେକ୍‌ହାଲି ଦାୟିପତି ଜୀହୁଦି ଲକୁକି ହେରପିଡେସି □

୩ ଆତିହୁଁ ଏନାୟି ? ଜୀହୁଦିଜ୍ଞା ତାଣାଟି ଏତରଜାଣା ନାମାଆସାରେ, ଏଞ୍ଜାରି ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ ?

୪ ଏଲେଆହୁଁ ଆଆପେ, ଲକୁ ବାରେଜାଣା ମିଚିତାରି ଆତିହୁଁ ଜିକେଏ ମାହାପୁରୁ ସାତା □ ସାସ୍ତେରିତା ରାସ୍‌କି ଆହାମାନେ;

“ନୀ ବଲୁ ତଲେ ନୀନୁ ଦାମ୍‌ ଗାଟାତି ଇଞ୍ଜିଁ ଝେଜ୍‌ଦି,
ନୀହାୟି ଆନି ବେଲାତା ନୀନୁ ଜୀଣା ଆଡି □” ☆

୫ ମା. ଲାଗେଏତି କାମା ମାହାପୁରୁତି ନେହୁଁ କାମାତି ପାରମାଣା କିନେ, ଆତିହୁଁ ମାର ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ଡଣ୍ଡ ହାନେସି, ଏଞ୍ଜସି କି ଦାମ୍ବୁ ହିଲୀଆଗାଟାସି ? ନାନୁ ମାଣ୍ଡସିଲେହେଁ ଝେସିମାଲ୍ ।

୬ ଏଲେଆହୁଁ ଆଏ । ମାହାପୁରୁ ଦାମ୍ବୁଗାଟାସି ଆଆତିହୁଁ, ଏଞ୍ଜସି ଏନିକିହୁଁ ଦାର୍ତ୍ତିତି ନୀହାୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଞ୍ଜୁରମି ତାକି ହାରେକା ଗାତି ଆଡେ, ଆତିହୁଁ ନାନୁ ପାପୁ ଗାଟାତେଏଁ ଇଞ୍ଜୁ ଏନାଆଁତାକି ନୀହାୟି କିଞ୍ଜି ଆଲ୍ ?

୮ ମାର ଏନାଆଁତାକି ଏଲେଇନାଆୟି, “ଞ୍ଜାଦୁ ମାର ଲାଗେଏତି କାମା କିନ, ଆତିହୁଁ ମାଞ୍ଜେତାକି ନେହେଁ ଆଡେ ?” ନାନୁ ଇଲେତି କାତା ଝେସିମାନାକି ଦାଞ୍ଜା କିହାନା ଏଚେକା ଲକୁ ନାଞ୍ଜେ ନିନ୍ଦା କିହିମାଞ୍ଜାନେରି, ଏଞ୍ଜାରି ଇଦାଆଁତାକି ଆମିନି ଡଣ୍ଡ ପାଣ୍ଡନାୟି ମାନେ, ସାତାତଲେ ବେଟାଆଡେରି ।

ଦାମ୍ବୁଗାଟାସି ଆମ୍ବାଆସି ହିଲଅସି

୯ ଆତିହୁଁ ଜୀହୁଦି ଲକୁ ଜୀହୁଦିଆଆତି ଲକୁ କିହାଁ ହାରେକା ନେହାଁରି ମାନେରି ? ଏଚେଲାଞ୍ଜା ଆଏ, ନାନୁ ନକେଏ ଝେସାମାଞ୍ଜାଇଁ ଜୀହୁଦି ଅଡେ ଜୀହୁଦିଆଆତି ଲକୁ ପାପୁତି ବାଡ଼ୁୟିତା ମାନେରି,

୧୦ ଦାମ୍ବୁ ସାସ୍ତେରିତା ରାସ୍ତକି ଆହାମାନେ;

“ଦାମ୍ବୁଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି, ☆

୧୧ ରଅସି ଜିକେଏ ବୁଦିଗାଟାସି ହିଲଅସି;

କି ମାହାପୁରୁଇଁ ପାରିନାସି ହିଲଅସି ।

୧୨ ଏଞ୍ଜାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଞ୍ଜାରି ବାରେଜାଣା ଲାଗେଏ ଜିରୁତା ହାଜାମାନେରି;

ଆମ୍ବାଆସି ଜିକେଏ ରଅସି ସାତାପାଣାତି କାମାକିନାସି ହିଲଅସି

।

୧୩ ଏଞ୍ଜାରି ହାଡା ଦେପିଆଡ଼ି ମାଡ଼ହା ମୁହ୍ନି ଟାୟୁ,

ଏଞ୍ଜାରି ଗୁଡିଟି ମିତି କାତା ହଡ଼ିମାନେ,

☆ ୩:୧୦ ୩:୧୦ ପାରୁ ୧୪:୧-୩; ୫୩:୧-୩

ଲୁଡ଼ା ଡ଼କ ଅଟୁ କାଚାମାନି ରାଚୁତି ବାସାମାନେ □☆

୧୪ ଏଞ୍ଜାରି ଗୁଡ଼ିତି କାତା କାମ୍ବେଲି ଗାଟାୟି ଇଞ୍ଜା ବାକା ତଲେ
ନେଞ୍ଜାମାନେ □ ☆

୧୫ ଏଞ୍ଜାରି ଇରହାଲି ଅଡ଼େ ପାୟାଲି ଦେବୁଣିଏ ହନେରି □☆

୧୬ ଏଞ୍ଜାରି ଆମ୍ବିୟାଞ୍ଜାକି ହାନେରି, ଏମ୍ବାଆଁ ନାସା ଇଞ୍ଜା ସାସ୍ତି
ବେଟାଆନେରି □

୧୭ ଏଞ୍ଜାରି ହିଡ଼ିତି ଜିରୁ ପୁଞ୍ଜାହିଲଅରି,

୧୮ ମାହାପୁରୁଇଁ ଆଜିନାୟି ଏଞ୍ଜାରି ନକିତା ହିଲେଏ □”☆

୧୯ ମାର ପୁଞ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ
ହୁକୁମିଇଁ ଏଞ୍ଜାରି ମାନି କିନାୟିମାନେ □ ମାହାପୁରୁ ଏତିବେଲା
ବାରେ ଦାରୁତିତି ବିଚାରା କିନେସି, ମେରାତି ମାନି କିଆଗାଟି ଲକୁ
ଜାହାରାଇଁ ଦହ ହିଲାଆ ଗାଟାତମି ଇଞ୍ଜା ଇଞ୍ଜାଲି ଆଡ଼ଅରି □

୨୦ ☆ସାମା ମେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ
ମାହାପୁରୁ ନକିତା ଦାମ୍ବୁଗାଟାସି ଆହାଲି ଆଡ଼ଅସି □ ଇତିହ
ମେରାଟି ମାଣ୍ଠସି ଖାରଇ ପାପୁତି ପୁଞ୍ଜାଲି ଆଡ଼ିମାନେସି □☆

ନାମୁତଲେ ଦାମ୍ବୁଗାଟି ଲକୁ ଆନାୟି

୨୧ ମାହାପୁରୁ ମାଣ୍ଠସିଇଁ ତାନିତଲେ ନେହଁକଁ ଆଣ୍ଠାଲି ତାକି
ମେରା ପିସ୍ପେ ଏନାଆଁ କିହାମାନେସି, ଏଡ଼ି ନୀଏଁ ତଞ୍ଜା ଆହିମାନେ
□ ଏ କାତା ମସାତି ମେରା ଇଞ୍ଜା ମାହାପୁରୁ ଅଣ୍ଠପୁତି ବଲୁ ଷ୍ଠେହନାରି
ଜିକେଏ ସାକି ହାହାମାନେରି □

୨୨ ☆ଖାରଇ ଜୀସୁ କ୍ରୀସ୍ତ ତାଣା ନାମିତାକି ଲକୁ ମାହାପୁରୁ ନକିତା
ଦାମ୍ବୁଗାଟାରି ଆନେରି □ ମାହାପୁରୁ ଆମ୍ବାଆରାଇଁ ପାରଡ଼ା ବାଟି
କିଆନା କ୍ରୀସ୍ତଇଁ ନାମିତି ବାରେ ଜାଣାକି ର ପାରୁ ହାନେସି □☆

୨୩ ବାରେଜାଣା ପାପୁ କିହାମାନେରି ଅଡ଼େ ମାହାପୁରୁତି
ଗାଞ୍ଜୁରମିଟି ହେକ ଆହାମାନେରି □

☆ ୩:୧୩ ୩:୧୩ ପାରୁ ୫:୯; ୧୪୦:୩ ☆ ୩:୧୪ ୩:୧୪ ପାରୁ ୧୦:୭ ☆ ୩:୧୫ ୩:୧୫
ଜିସା ୫୯:୭,୮ ☆ ୩:୧୮ ୩:୧୮ ପାରୁ ୩୭:୧ ☆ ୩:୨୦ ୩:୨୦ ଗାଲା ୨:୧୭ ☆ ୩:୨୦
୩:୨୦ ପାରୁ ୧୪୩:୨; ଗାଲା ୨:୧୭ ☆ ୩:୨୨ ୩:୨୨ ଗାଲା ୨:୧୭ ☆ ୩:୨୨ ୩:୨୨
ଗାଲା ୨:୧୭

୨୪ ସାମା, ଏଞ୍ଜାରି ଉଜେଏ ମାହାପୁରୁତି କାର୍ମାମେହନି ଦାନା ତଲେ କ୍ରୀସ୍ତୁ ଜୀସୁ ତାଣା ଆମିନି ଗେଲ୍‌ପି ଆନାୟି ମାନେ, ଏଦାଆଁ ତଲେ ଦାର୍ମୁଗାଟାରି ଆନେରି □

୨୫ ମାହାପୁରୁ ଜୀସୁଇଁ ଦାନା ହୀତେସି, ଏନିକ୍‌ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକୁତାକି ପାପୁ ମେଣ୍‌ଜିନି ଉପେୟି ଆନେ □ ମାହାପୁରୁ ଅରହାନା ଲକୁ କିହାମାନି ତଲିତି ପାପୁତି ତସାହିଲଅସି □

୨୬ ସାମା ନୀଏଁ ଏଞ୍ଜାସି ଜାହାରା ଦାର୍ମୁ ଗାଟାଣି ତସାଲି ତାକି ପାପୁ ମ୍ବେକ୍‌ନି ମେରା କିହାମାନେସି □ ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାନୁଏ ଦାର୍ମୁଗାଟାସି ଇଞ୍ଜା ଆମ୍ବାଆସି ଜୀସୁ ତାଣା ନାମିନେସି, ଏଞ୍ଜାସି ବାରେଜାଣାତି ଦାର୍ମୁ ଗାଟାରିଲେହେଁ ଆବିନେସି □

୨୭ ଆତିହ୍‌ ଆମିନି କାତାତା ମାର ବତପଣ ଆନାୟି ଆଏ, ଏଲେତି କାତା ଏନାୟି ହିଲେଏ □ ବତପଣ ଆହାଲିତାକି ମା ତାଣା ଏନାୟି ମାନେ ? ମାର ବାରେ ହୁକୁମି ମାନଞ୍ଜି ଆହିମାନାୟି ଇଞ୍ଜିହ୍‌ କି ? ଆଏ, ଝାରୁଇ ନାମୁଏ ମା ବତପଣ ଆନେ □

୨୮ ମାର ନେହ୍‌ କ୍‌ ତେଲ୍‌ହାଲି ଆଡିନାୟି ରଅସି ଝାରୁଇ ତାନି ନାମୁତଲେ ମାହାପୁରୁ ନକିତା ଦାର୍ମୁଗାଟାସି ଇଞ୍ଜିଁ ଝେଜିନେସି, ମେରାତି ମାନି କିତିସାରେ ଆଏ □

୨୯ ମାହାପୁରୁ ଝାରୁଇ ଜୀହୁଦି ଲକୁତି ମାହାପୁରୁକି ? ଏଞ୍ଜାସି ଜୀହୁଦିଆଆତି ଲକୁତି ମାହାପୁରୁ ଆଏକି ? ସାତେଏ ଏଞ୍ଜାସି ବାରେ ଲକୁତି ମାହାପୁରୁ □

୩୦ ଏନାଆଁତାକି ଇତିହ୍‌, ମାହାପୁରୁ ରଅସିଏ, ଅଡେ ଏଞ୍ଜାସି ଜୀହୁଦି ଇଞ୍ଜା ଜୀହୁଦିଆଆତି ଲକୁତି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାର୍ମୁ ଗାଟାରିଲେହେଁ ଆବିନେସି □☆

୩୧ ଆତିହ୍‌, ମାର କି ନାମୁତଲେ ମସାତି ମେରା ମ୍ବେକ୍‌ହି ମାନାୟି ? ଏଡି ଏରେଲା ଜିକେଏ ଆଆପେ, ସାମା ମାର ନାମୁତଲେ ମସାତି ମେରାଇଁ ଜାଣେ ତୀରି କିହିମାନାୟି □

☆ ୩:୩୦ ୩:୩୦ ଝେ ମେରା ୬:୪; ଗାଲା ୩:୨୦

୪

ଅବ୍ରାହାମ ଠି ମାଣ୍ଡଳି

୧ ଆଡିହୁ ଆଜ୍ଞା ତଲେ ମା. ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହୁ ମାର ଏଲେଇନାୟି ?

୨ ଅବ୍ରାହାମ ତାନି ଜାହାରା କାମାଟି ମାହାପୁରୁ ତାଣା ଦାମ୍ବୁଗାଟାସି ଆହା ମାଟିହୁ ମା, ଏଝାଣାକି ବତପଣ କିନି କାତା ମାଟେ □ ସାମା ମାହାପୁରୁ ଝାକିଟି ଏଡି ଆହାହିଲାଆଟେ □

୩ ✨ଦାମ୍ବୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡେ ଏ ନାମୁତାକି ମାହାପୁରୁ ଏଝାଣାଇଁ ଦାମ୍ବୁ ଗାଟାଣି ଲେହେଁ ଅପିତେସି □”

୪ ଆମ୍ବାଆସି କାମା କିନେସି, ଏଝାଣାକି ତାନି କୁଲି ମେଡାଆନେ, ଏଡି ଦାନା ହାନାୟି ଆହାଲି ଆଡେଏ, ଏଡି କାମାଟି ପାଡେୟି ଇଞ୍ଜି ଇଣ୍ଡି ଆନେ □

୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ବୁ ହିଲାଆଗାଟାଣାଇଁ ଏମିନି ମାହାପୁରୁ ଦାମ୍ବୁଗାଟାସି ଇଞ୍ଜି ଆବିନେସି, ଏଝାଣି ତାଣା ନାମିନେସି, ଏଝାଣି ନକିତା ଏଝାଣି ନାମୁ ଦାମ୍ବୁଗାଟାୟି ଇଞ୍ଜି ଝେଜିନେ □

୬ ଆମିନି ଲକୁଇଁ କାମା ଲଡାତି ସିନି କିଆନା ମାହାପୁରୁ ଏଝାଣାଇଁ ଦାମ୍ବୁଗାଟାସି ଇଞ୍ଜି ଆବିନେସି, ଏଝାଣାଇଁ ନେହାଁସି ଇଞ୍ଜି ଦାଝୁଦ ଏଲେଇଞ୍ଜା ମାନେସି;

୭ ✨“ଆମ୍ବାଆରି ଦହ ମେଣ୍ଡି କିଝିଆହାମାନେ, ଆମ୍ବାଆରି ପାପୁ ମେଣ୍ଡି କିଝିଆହାମାନେ, ଏଝାରାକି ନେହେଁ □

୮ ପୁରୁ ଆମ୍ବାଆରି ପାପୁ ଆହୁଅସି, ଏଝାଣାକି ନେହେଁ □”

୯ ଇମ୍ବାଆଁ ଦାଝୁଦ ଆମ୍ବାଆରାଇଁ ନେହେଁ ଇଞ୍ଜି ଝେସାମାନେସି, ଏଝାରି କି ଝାରଇ ତଲୁ ଦାପି ଆଡି ଲକୁ ମାଟେରି ? କି, ତଲୁ ଦାପିଆଆଡି ଲକୁ ଜିକେଏ ନେହାଁରି ଆହାଲି ଆଡିନେରି □ ମାର

ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ବୁଗାଟାସି ଇଞ୍ଜିଁ
ଝେଙ୍ଗାତେସି □”

୧୦ ଆଡିହୁଁ ଏଦି ଏରେଲା ଆହାମାରେ ? ଅବ୍ରାହାମ ତଲୁ ଦାପି
ଆଡି ତାୟୁ କି, ତାନି ନକେଏ ? ତଲୁ ଦାପି ଆଆନକେଏ, ତାୟୁ
ଆଏ □

୧୧ ତଲୁ ଦାପି ଆଡି ନକେଏ ଅବ୍ରାହାମ ନାମୁ ତାକି ମାହାପୁରୁ
ଏଝାଣାଇଁ ଦାମ୍ବୁ ଗାଟାଣା ଲେହେଁ ଆବା ମାରେସି □ ଇଦାଆଁ ପୁଣ୍ଡି
କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆନି ନେରା
ବେଟାଆହା ମାରେସି, ଇଚିହୁଁ, ଆମିନି ଗାଟାରି ତଲୁ ଦାପି ଆଆନା
ଜିକେଏ ମାହାପୁରୁ ତାଣାଟି ଦାମ୍ବୁଗାଟାସି ଇଞ୍ଜିହୁଁ ଆବିତାସି, ସୁଦୁ
ମାଣକିଟି ଅବ୍ରାହାମ ଏଝାରି ତାଞ୍ଜି □☆

୧୨ ଆବା ଅବ୍ରାହାମ ତଲୁ ଦାପି ଆଡି ନକେଏଟିଏ ଆମିନି ନାମୁତି
କାତା ତସାମାରେସି, ତଲୁ ଦାପିଆଆଡି ଲକୁ ଜାହାରା ଜୀଝୁତା
ଏଲେତି ନାମୁ ତସାଲି ଆଡିସାରେ, ଅବ୍ରାହାମ ଏଝାରାକି ଜିକେଏ
ତାଞ୍ଜି ଆନେସି □

ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ ☆ଅବ୍ରାହାମ ନେରାତି ମାନି କିହାମାନାକି ଆଏ □ ଝାରଇ ତାନି
ନାମୁ ତାକି ମାହାପୁରୁ ତାଣାଟି ଦାମ୍ବୁଗାଟାସି ଇଞ୍ଜିଁ ଝେଙ୍ଗାମାରେସି
ଇଞ୍ଜା ଏଦାଆଁତାକି ତାନି ମୀରକା ମାସ୍କା ଦାରତିତି ଅଦିକାରା
ବେଟାଆନେରି ଇଞ୍ଜିଁ ମାହାପୁରୁ ଆଞ୍ଜାମାରେସି □☆

୧୪ ☆ଆମ୍ବାଆରି ନେରାତି ମାନି କିନାରି, ଝାରଇ ଏଝାରି
ମାହାପୁରୁତି ଦାନା ବେଟାଆନେରି ଇତିସାରେ, ମାଣ୍ଡିତି ନାମୁ
ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ ଉଜେଏତାୟି ଆନେ □☆

୧୫ ଇଚିହୁଁ ମସାତି ନେରା ଉରିନି ତାଣାଟି ମାହାପୁରୁତି କାରବି
ଗାଟାସି ଆନେସି, ସାମା ଆମ୍ବିୟା ନେରା ହିଲେଏ, ଏମ୍ବାଆଁ ନେରା
ଉରିନି କାତା ହିଲେଏ □

୧୬ ☆ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ ଅଡେ କାର୍ମାତି

☆ ୪:୧୧ ୪:୧୧ ମୂଲୁ ୧୭:୧୦ ☆ ୪:୧୩ ୪:୧୩ ଗାଲା ୩:୨୯ ☆ ୪:୧୩ ୪:୧୩ ମୂଲୁ
୧୭:୪-୭; ୨୨:୧୭,୧୮; ଗାଲା ୩:୨୯ ☆ ୪:୧୪ ୪:୧୪ ଗାଲା ୩:୧୮ ☆ ୪:୧୪ ୪:୧୪
ଗାଲା ୩:୧୮ ☆ ୪:୧୭ ୪:୧୭ ଗାଲା ୩:୭

ଲୀକ ଇଟକି ଆହାମାନେ □ ଆମିନି ଗାଗାରି ମେରାତି ମାନି କିନେରି, ୱାରୁଇ ଏଞ୍ଜାରକିଦେହେଁ ମାହାପୁରୁତି ଆଞ୍ଜାମାନାୟି ଆଏ □ ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏନାଆଁତାକି ଇତିହାସ ଅବ୍ରାହାମ ଏଞ୍ଜାରି ସୁଦୁ ମାଣ୍ଡକିତି ତାଞ୍ଜି;*

୧୭ ଆମିନି ମାହାପୁରୁଇଁ ଅବ୍ରାହାମ ନାମିମାରେସି, ଆମ୍ବାଆସି ହାଡ଼ାରାଇଁ ୱେଣ୍ଡେ ଜୀଝୁ କିନେସି, ଅଡ଼େ ହିଲାଆଗାଟି ଦିଶ୍‌ସୁତି ମାନି ଲେହେଁ ହାଡ଼ିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି, ଇ କାତା ଦାମ୍ବୁ ସାସ୍ତେରିତା ରାସ୍‌କି ଆହାମାନେ, “ନିଙ୍ଗେ ହାଡ଼େକା କୁଡ଼ାତି ଲକୁତି ତାଞ୍ଜି କିହାମାଞ୍ଜାନମି □”*

୧୮ ଆସା କିନାୟି ଏନାୟି ହିଲାଆତି ଜିକେଏ ଅବ୍ରାହାମ ନାମିତେସି ଇଞ୍ଜା ଆସା ଇଟିତେସି, ଏଦାଆଁତାକି “ହାଡ଼େକା କୁଡ଼ାତି ତାଞ୍ଜି” ଆଡ଼େସି □ ଦାମ୍ବୁ ସାସ୍ତେରିତା ରାସ୍‌କି ଆହାମାନେ, “ନୀ କୁଡ଼ା ହୁକାୟି ଲେହେଁ ଏପାଆନେରି □”*

୧୯ ଏଞ୍ଜାଣାକି ଏଟିବେଲା ପାସାକଡ଼ି ବାସୀ ଆହାମାଟାକି ଏଞ୍ଜାସି ତାନି ଆଙ୍ଗାତି ହାଡ଼ାୟି ଇଞ୍ଜା ସାରା ଅଡ଼େ କକାରି ପଦାଁ ଆନି ଗାରା ଜିକେଏ ହାଡ଼ାୟି ଇଞ୍ଜା ଅଶ୍‌ପିତି ଜିକେଏ ନାମୁତା ଉଣା ଆଆତେସି □ *

୨୦ ଏଞ୍ଜାସି ତାନି ନାମୁ ପିହ୍‌ଆତେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆତେସି □ ଏଞ୍ଜାସି ନାମୁତା ବାଡ଼୍‌ମୁ ଆଡ଼େସି ଇଞ୍ଜା ମାହାପୁରୁଇଁ ଜହରା କିତେସି □

୨୧ ମାହାପୁରୁ ଏନାଆଁ ଆଞ୍ଜାମାରେସି, ଏଞ୍ଜାସି ଏଦାଆଁ ମାନି କିନେସି ଇଞ୍ଜା ଏଞ୍ଜାଣାକି ଜାଣ୍ଡେ ନାମୁ ମାତେ □

୨୨ ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ବୁଗାଟାସି ଆହାମାରେସି □”*

୨୩ “ଅବ୍ରାହାମ ଦାମ୍ବୁଗାଟାସି ଇଞ୍ଜା ୱେଙ୍ଗାମାଟି” କାତା ୱାରୁଇ ଏଞ୍ଜାଣି ତାକିଏଦେଁ ରାସ୍‌କି ଆହାହିଲେଏ □

୨୪ ସାମା ଇ କାତା ମାଙ୍ଗେତାକି ଜିକେଏ ରାସ୍‌କି ଆହାମାନେ;

☆ ୪:୧୭ ୪:୧୭ ଗାଲା ୩:୭ ☆ ୪:୧୭ ୪:୧୭ ମୂଲୁ ୧୭:୫ ☆ ୪:୧୮ ୪:୧୮ ମୂଲୁ ୧୫:୫ ☆ ୪:୧୯ ୪:୧୯ ମୂଲୁ ୧୭:୧୭ ☆ ୪:୨୨ ୪:୨୨ ମୂଲୁ ୧୫:୭

ଇତିହାସ ଆମ୍ଭାଆସି ମା. ପ୍ରଭୁ ଜୀସୁଙ୍କୁ ହାତାରି ତାଣାଟି ନିକହାମାନେସି, ଏଞ୍ଜାଣି ତାଣା ମାର ନାମିମାନାୟି, ମାଜେତାକି ଜିକେଏ ଏଡି ଆରେନ □

୨୫ ଏ. ପ୍ରଭୁ ଜୀସୁ ମା. ପାପୁତି ବାଦୁଲି ହାହାଲି ହେରପିଆହା ମାରେସି ଇଞ୍ଜା ମାହାପୁରୁ ନକିତା ମାଜେ ଦାମ୍ଭୁ ଗାଟାତାୟି କିହାଲି ଖେଣ୍ଡେ ନିଜାତେସି □☆

୫

ମାହାପୁରୁ ନକିତା ନେହୁଁ ତଞ୍ଜା ଆନାୟି

୧ ନୀର୍ଦ୍ଦେଶ ନାମୁତଲେ ମାର ମାହାପୁରୁ ନକିତା ଦାମ୍ଭୁ ଗାଟାତାୟି ଆହାମାନାୟି ଇଞ୍ଜା ପ୍ରଭୁ ଜୀସୁ କ୍ରୀସ୍ତ ତାଣାଟି ମାହାପୁରୁ ତଲେ ମାର ହିଡ଼ି ତଲେ ମାନାୟି;

୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣାଟି ନାମୁତା ଜିକେଏ ମାନାୟି; ଇଞ୍ଜା ମାର ମାହାପୁରୁଟି ଗାଞ୍ଜୁରମିତି ବାସ୍ତୁତା ବତପଣ କିହିମାନାୟି □

୩ ଖାରଇ ଏଡି ଆଏ, ବାରେ ଦୁକୁ କସ୍ତା ଜିକେଏ ମାର ରାହୁଁ କିହିମାନାୟି, ଇତିହାସ କସ୍ତା ସାସା ଖାନେ,

୪ ସାସାଟି ବାଡ଼ୁ ମାଣକି ଖାନେ ଇଞ୍ଜା ବାଡ଼ୁ ମାଣକିଟି ବାସ୍ତୁ ଖାନେ □

୫ ବାସ୍ତୁ ମାଜେ ହାଣି ଆହାଲି ହିୟେଏ, ଏନାଆଁତାକି ଇତିହାସ ମାହାପୁରୁ ମାଜେ ସୁଦୁଜାସୁ ହାହାନା ମା ହିୟାଁତା ତାନି ଜୀସୁ ନନାଣି ହାହାମାଞ୍ଜାନେସି □

୬ ଏଟିବେଲାତା ମାର ଏନି ଉପେୟି ହିଲାଆଗାଟାତାୟି ମାଟାୟି, ଏଟିବେଲା ମାହାପୁରୁ ତାରି କିହାମାଟି ବେଲାତା କ୍ରୀସ୍ତ ପାପୁ ଲକୁତାକି ହାଡେସି □

୭ ଦାମ୍ଭୁଟି ଲକୁତାକି ଆମ୍ଭାଆସି ଜିକେଏ ହାଅସି, ନେହୁଁ ଲକୁତାକି ଆମ୍ଭାଆସି ଜୀସୁ ହାହାଲି ଅଣ୍ଡିନେସି □

☆ ୪:୨୫ ୪:୨୫ ଜିସା ୫୩:୪,୫

୮ ସାମା ମାର ପାପୁଗାଟି ଲକୁ ମାଟାଟି ଜିକେଏ କ୍ରୀସ୍ତ ମା ଡାକି ତାନି ଜୀଞ୍ଜୁ ହାତେସି, ଇଦାଆଁ ତଲେ ମାହାପୁରୁ ମାଜେ ଏଚେକା ଜୀଞ୍ଜୁନହୁଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି □

୯ ଏଦାଆଁତାକି ଇ କାତା ସାତା, ମାର ନୀଏଁ ଏଞ୍ଜାଣି ନେତେରି ତଲେ ଦାମ୍ବୁ ଗାଗାତଞ୍ଜି ଆହାମାନାକି ଏଞ୍ଜାଣି ତାଣାଟି ମାହାପୁରୁ କପାଟି ଗେଲ୍ପି ଆହାଲି ଆଡ଼ିନାୟି □

୧୦ ମାର ମାହାପୁରୁତି ସାତୁୟାଁ ମାଟାୟି, ସାମା ମାର ତାନି ମୀର୍ଏଣା ହାକିଟି ତାନିତଲେ ଆଣ୍ଡିତାୟି, ନୀଏଁ ମାର ମାହାପୁରୁ ତଲେ ଆଣ୍ଡାନା କ୍ରୀସ୍ତତି ଜୀଞ୍ଜୁତଲେ ଗେଲ୍ପି ଆନାୟି □

୧୧ ଖାରଇ ଏଚେକା ଆଏ, ସାମା ପ୍ରବୁ ଜୀସୁ କ୍ରୀସ୍ତ ତାକି ମାର ନୀଏଁ ମାହାପୁରୁ ତଲେ ଆଣ୍ଡାମାନାୟି; ଏଞ୍ଜାଣି ତାଣାଟି ମାର ମାହାପୁରୁ ତାଣା ବଡପଣ ଜିକେଏ ଆହୁମାନାୟି □

ଆଦମ ଅଡ଼େ କ୍ରୀସ୍ତ

୧୨ ରଅଣି ତାଣାଟି ପାପୁ ଦାର୍ଡିତା ଖାଡ଼େ ଅଡ଼େ ପାପୁ ତଲେ ହାକି ଖାଡ଼େ, ବାରେଜାଣା ପାପୁ କିତାକି ହାକି ବାରେ ମାଣ୍ଡିତାକି ଖାଡ଼େ, ଇଞ୍ଜା ବାରେଜାଣା ପାପୁ କିତେରି □☆

୧୩ ମେରା ହୀପକି ଆଡ଼ି ନକେଏ ଦାର୍ଡିତା ପାପୁ ମାତେ; ସାମା ମେରା ହିଲାଆଟି ପାପୁତି ଏଜିକିଞ୍ଜି ଆହି ହିଲାଆତେ □

୧୪ ଆଦମ ତାଣାଟିଏ ମସା ପାତେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ କିହାହିଲାଆତେ ଜିକେଏ ବାରେଜାଣା ହାକିତି ଡ଼ଇ ମାତେରି; ଆମିନିଗାଟାସି ଖାନାୟି ମାତେ, ଆଦମ ଏଞ୍ଜାଣି ର ଖାଣା □

୧୫ ସାମା ଦହ ଏନିକେଁ, ମାହାପୁରୁତି କାର୍ମା ଜିକେଏ ଏଲେକେଁ, ଏଦି ଆଏ, ଇଚିହୁଁ ରଅଣି ଦହ ତାକି ହାରେକା ଲକୁତି ହାକି ଆଡ଼େ, ଆତିହୁଁ ମାହାପୁରୁତି କାର୍ମା ଅଡ଼େ ର ମାଣ୍ଡି ଇଚିହୁଁ ଜୀସୁ କ୍ରୀସ୍ତ ହୀତି କାର୍ମାତି ଦାନା ହାରେକା ଲକୁତାକି ହାରେକା ଗାଡ଼ି ଆଡ଼େ □

୧୬ ର ମାଣ୍ଡି ପାପୁ କିତାକି ଏନିକେଁ ପାଡ଼େୟି ଆଡ଼େ, ଇ ଦାନାତି ପାଡ଼େୟି ଏଲେକେଁ ଆଏ, ଇଚିହୁଁ ରଅଣି ତାକି ଏମିନି ନୀହାୟି,

☆ ୫:୧୭ ୫:୧୭ ମୂଲୁ ୩:୭

ଏମ୍ବାତି ପାଡ଼େୟି ତଣ୍ଡ ଆଡେ, ସାମା ହାରେକା ଲକ୍ଷୁତି ଦହ୍ ତାକି ଏମିନି କାର୍ମାତି ଦାନା, ଏମ୍ବାତି ପାଡ଼େୟି ଦହ୍ ହିଲୀଆଗାଟାୟି ଆଡେ □

୧୭ ର ମାଣ୍ଡସିତି ପାପୁ ତାକି, ହାକି ସାଲ୍ଲୁଝି କିତେ; ସାମା ଅର ରଅସି ଇଚିହିଁ ଜୀସୁ କ୍ରୀସ୍ତ ଏନାଆଁ କିହାମାନେସି, ଏଦି ଏଚେକା କାଜାୟି □ ଆମିନି ବାରେଜାଣା ମାହାପୁରୁତି ହାରେକା କାର୍ମାମେହନାୟି ଉଜେଏ ମେଡ଼ା ଆନାଣି ତଲେ ମାହାପୁରୁତି ନକିତା ଦାର୍ମୁଗାଟାରି ଇଞ୍ଜିଁ ଝେଞ୍ଜିନେରି, ଏଝାରି କ୍ରୀସ୍ତ ତଲେ ଜୀଣାଆହାନା ନୀତିନେରି □

୧୮ ରଅଣି ପାପୁ ଏନିକିହିଁ ବାରେ ମାଣ୍ଡସି କୁଡ଼ାଇଁ ତଣ୍ଡ ବେଟା ଆଝିକିତେ, ଏଲେକିହିଁଏ ରଅଣି ଦାର୍ମୁତି କାମା ବାରେ ମାଣ୍ଡସି କୁଡ଼ା ତାକି ଗେଲ୍ପି ଆନାଣି ଇଞ୍ଜା ରାଆଗାଟି ଜୀଝୁ ତାଟାହାତେ □

୧୯ ରଅସି ମାନି କିଆତାକି ଏନିକିହିଁ ହାରେକା ଲକ୍ଷୁ ପାପୁ ଗାଟାରି ଆଡେରି, ଏଲେକିହିଁଏ ରଅଣି ମାନି କିନାଣି ତଲେ ବାରେଜାଣା ମାହାପୁରୁ ନକିତା ଦାର୍ମୁଗାଟାରି ଆନେରି □

୨୦ ଇଦାଆଁ ପିସ୍ପେ ମେରା ଜିକେଏ ଝାଡେ, ଏନିକିହିଁ ଦହ୍ ହାରେକା ଗାଡିଆନେ; ସାମା ଆମ୍ବିୟା ପାପୁ ପାତାଆଡେ, ଏମ୍ବାଆଁ ମାହାପୁରୁତି କାର୍ମାମେହନାୟି ଜିକେଏ ହାରେକା ପାତାଆଡେ □

୨୧ ଏନିକିହିଁ ପାପୁ ହାକି ତଲେ ସାଲ୍ଲୁଝି କିତେ, ଏଲେକିହିଁଏ ମାହାପୁରୁତି କାର୍ମାମେହନାୟି ଜୀସୁ କ୍ରୀସ୍ତ ତାଣାଟି ମାଞେ ଦାର୍ମୁ ଗାଟାୟି କିହାଁ ରାଆଗାଟି ଜୀଝୁ ହିୟାତେ □



ପାପୁଟି ହାକି କ୍ରୀସ୍ତ ତାଣାଟି ଜୀଝୁ

୧ ଆତିହିଁ ମାର୍ ଏନାଆଁ ଇନାୟି ? ମାହାପୁରୁତି କାର୍ମାମେହନାୟି ଏନିକିହିଁ ହାରେକା ଆନେ, ଏଦାଆଁତାକି କି ପାପୁତେଏ ମାଞେମାନାୟି ?

୨ ଏଦି ଏଚେଲା ଜିକେଏ ଆଆପେ □ ପାପୁ ତାକି ମାର୍ ହାହାମାନାୟି, ଏନିକିହିଁ ଏମ୍ବାଆଁ ଅଡେ ମାର୍ ନୀତିନାୟି ?

୩ ମାର ଏଚେକା ଲକୁତାୟି କ୍ରୀସ୍ତ ଜୀସୁ ତାଣା ବାପ୍ତିସ୍ମ* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ମ† ଅହାମାନାୟି, ଇଦାଆଁ କି ମୀରୁ ପୁଞ୍ଜାହିଲଅତେରି ?

୪ ✠ଏଦାଆଁତାକି ମାର ବାପ୍ତିସ୍ମ‡ ଅହାନା ହାକିତା ତାନିତଲେ ମୁସ୍‌ପି ଆହାମାନାୟି, କ୍ରୀସ୍ତ ଏନିକିହିଁ ଆବାତି ଗାଝୁରମି ତଲେ ହାଡ଼ାରି ତାଣାଟି ୱେଣ୍ଟେ ନିଜିତେସି, ମାର ଜିକେଏ ଏଲେକିହିଁଏ ପୁଞ୍ଜି ଜୀଝୁତି ମାଣ୍ଟିକି ତଲେ ନୀଡିନ □✠

୫ ଏନାଆଁତାକି ଇଚିହିଁ ମାର ଏଞ୍ଜାଣି ହାକିତା ଆଣ୍ଟାନା ଏଞ୍ଜାଣିତଲେ ରଣ୍ଡିଏ ଆହାମାନାୟି, ଆତିହିଁ ସାତେଏ ଏଞ୍ଜାସି ୱେଣ୍ଟେ ନିଜିତି ଲେହେଁ ମାର ଜିକେଏ ନିଜ୍ଞାନା ଏଞ୍ଜାଣିତଲେ ରଣ୍ଡିଏ ଆନାୟି □

୬ ମାର ପୁଞ୍ଜାମାନାୟି, ପାପୁତି ହଲିୟାଜ୍ଞା ଆଆପ, ଇଦାଆଁତାକି ପାପୁତି ଆଜ୍ଞା ନାସା କିହାଲିତାକି ମା ପୁଞ୍ଜଇ ମାଣ୍ଟିକି ତାନିତଲେ ପାସି ମୁଣ୍ଡାତା ହାହାମାନେ □

୭ ଏନାଆଁତାକି ଇଚିହିଁ ମାଣ୍ଡିସି ହାଡ଼ିସାରେ, ପାପୁତି ବାଡ଼ୁୟୁଟି ଗେଲ୍‌ପି ଆନେସି □

୮ ସାମା ମାର କ୍ରୀସ୍ତ ତଲେ ହାଡ଼ାକି, ତାନିତଲେ ମାର ଜିକେଏ ନୀଡିନାୟି ଇଞ୍ଜିଁ ନାମାମାନାୟି □

୯ ମାର ପୁଞ୍ଜାମାନାୟି, କ୍ରୀସ୍ତ ହାକିତି ନିଜ୍ଞାମାନାକି, ଏଞ୍ଜାସି ଅଡ଼େ ୱେଣ୍ଟେ ହାଅସିଦେଁ, ଏଞ୍ଜାଣାଇଁ ଅଡ଼େ ହାକି ସାଲ୍‌ଝି କିହାଲି ଆଡ଼େଏ □

୧୦ ଏଞ୍ଜାସି ଆମିନି ହାକିତା ହାଡ଼େସି, ଏଦାଆଁ ତଲେ ପାପୁତି ବାଡ଼ୁୟୁଟି ରଣ୍ଡିଏ ଦେବେଏ ଜୀଣା ଆଡ଼େସି □ ଅଡ଼େ ନାଏଁ ଆମିନି ଜୀଝୁତଲେ ନୀଡାମାନେସି, ଏଦି ମାହାପୁରୁ ତଲେ ଆଣ୍ଡିତି ଜୀଝୁ □

୧୧ ଏଲେକିହିଁଏ ମୀରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜିଁ ଅଣ୍‌ପାଦୁ □ ସାମା କ୍ରୀସ୍ତ ଜୀସୁ ତାଣାଟି ଆଣ୍ଟାନା ମାହାପୁରୁ ତାକି ଜୀଝୁ ଗାଟାତମି ଇଞ୍ଜୁ □

* ୭:୩ ୭:୩ମୁଞ୍ଜିନାୟି † ୭:୩ ୭:୩ମୁଞ୍ଜିନାୟି ✠ ୭:୪ ୭:୪ କଲସି ୨:୧୨ ‡ ୭:୪ ୭:୪ମୁଞ୍ଜିନାୟି ✠ ୭:୪ ୭:୪ କଲସି ୨:୧୨

୧୨ ମୀ ହାନ୍ତି ଆଜ୍ଞାତା ପାପୁ ସାଲଝି କିୟାଆପେ; ମୀରୁ ଅଡ଼େ ଆଜ୍ଞାତି ଲାଗେଏତି ଅଣ୍ଠୁ ତଲେ ତାକାଆଦୁ □

୧୩ ମୀ ଆଜ୍ଞା ଉଡ଼େଲିତି ଲାଗେଏ କାମାତି ଜୁତି ଲେହେଁ ପାପୁ କାମାତା ହେର୍ପାଆଦୁ, ସାମା ହାଡ଼ାରି ତାଣାଟି ନୀତାମାନି ଲେହେଁ ଜାହା ଜାହାରାଇଁ ମାହାପୁରୁ ନକିତା ହେର୍ପା କଡ଼ାଦୁ, ଇଞ୍ଜା ଜାହା ଜାହାରା ଆଜ୍ଞା ଉଡ଼େଲିତି ଦାମ୍ଫୁତି ଜୁତି ଲେହେଁ ମାହାପୁରୁ ନକିତା ହେର୍ପାଦୁ □

୧୪ ପାପୁ ମିଜେ ସାଲଝି କିୟାଆପେ, ମୀରୁ ଅଡ଼େ ମସାତି ମେରା ଡ଼ଇ ହିଲଅତେରି, ସାମା ମାହାପୁରୁତି କାମାତି ଡ଼ଇ ମାଞ୍ଜେରି □

ଦାମ୍ଫୁତି ହଲିୟାଜା

୧୫ ଆତିହିଁ ଏନାଆଁ ? ମାର ମସାତି ମେରା ଡ଼ଇ ହିଲାଆୟି, ସାମା ମାହାପୁରୁତି କାମାମେହୁନି ଡ଼ଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହିଁ ଏତେଲା ଜିକେଏ ଆଆପେ □

୧୬ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଅଣି ହଲିୟାଜା ଆହାନା ଏଝାଣି କାତା ମାନଝି ଆଡ଼ିସାରେ, ଆତିହିଁ ମୀରୁ ଏଝାଣି ହଲିୟାଜାତେରି, ପାପୁତି ହଲିୟାଜା ଆଡ଼ିସାରେ, ପାପୁ ମାଣକିଟି ହାକି ଝାନ୍ନେ; ଦାମ୍ଫୁତି ଜେତ ହାଟିସାରେ, ଜୀଝୁ ବେଟାଆଦେରି □

୧୭ ସାମା ମାହାପୁରୁଇଁ ଜହରା କିହିମାଇଁ, ମୀରୁ ର ଦିନା ପାପୁତି ହଲିୟାଜାତେରି ମାତେରି, ମୀରୁ ନୀଏଁ ନେହିଁ ବଲୁତି ଜାପୁନି ତାଣା ହେର୍ପିଆହା ମାଞ୍ଜେରି, ଅଡ଼େ ହିୟାଁ ତଲେ ଏମ୍ଫାତି ମାନି କିହିମାଞ୍ଜେରି □

୧୮ ପାପୁତି ପିସପି ଆହାନା ଦାମ୍ଫୁତି ହଲିୟାଜା ଆହାମାଞ୍ଜେରି □

୧୯ ମୀ ଆଜ୍ଞାତି ବାଡ଼ୁୟୁ ହିଲାଆକି ମାଣସିତି ହାଡ଼ାତଲେ ଝେସିମାଞ୍ଜାଇଁ; ମୀରୁ ଏନିକିହିଁ ଲାଗେଏତି କାମାତାକି ଜାହାରା ଆଜ୍ଞା ଉଡ଼େଲିତି ପଲେଏତି ଇଞ୍ଜା ଦାମ୍ଫୁଁ ହିଲାଆତାଣା ହଲିୟାଜା ଲେହେଁ ହେର୍ପାମାତେରି, ଏଲେକିହିଁ ଏ ନୀଏଁ ଜାହାରା ଆଜ୍ଞା ଉଡ଼େଲିତି ସୁଦୁଜୀଝୁ ତାକି ଦାମ୍ଫୁତି ନକିତା ହଲିୟାଜା ଲେହେଁ ହେର୍ପାଦୁ □

୨୦ ମୀରୁ ପାପୁତି ହଲିୟାଙ୍ଗା ମାଚାଟି, ଦାମ୍ଭୁତାକି ମୋଲା ପିସ୍ପି ଆହାମାଚେରି □

୨୧ ଆତିହ୍ମ ନୀର୍ବ୍ ମିଙ୍ଗେ ଆମିନି କାମା କିହାଲିତାକି ଲାଜା ହାଡ଼ିମାଞ୍ଜାନେ, ଏଚିବେଲା ବାରେ କିହିମାଚେରି, ଏଦି ଏମ୍ବାଟି ଏନାଆଁ ଲାବା ବେଟାଆଚେରି ? ଏ ବାରେ କାମାତି ପାଡ଼େୟି ହାକି □

୨୨ ସାମା ନୀର୍ବ୍ ମୀରୁ ପାପୁତି ପିସ୍ପି ଆହାମା ମାହାପୁରୁତି ହଲିୟାଙ୍ଗା ଆହାମାଞ୍ଜେରି □ ଇଦାଆଁତି ଲାବା ଆହିମାନେ, ମାହାପୁରୁ ତାଣା ସୁଦୁଜୀଝୁ ତଲେ ହେରପି ଆନାୟି ଇଞ୍ଜା ରାଆଗାଟି ଜୀଝୁ ବେଟାଆନାୟି □

୨୩ ଏନାଆଁତାକି ଇଚିହ୍ମ ପାପୁତି କୁଲି ହାକି, ସାମା ମାହାପୁରୁତି କାର୍ମାମେହ୍ନି ଦାନା ମା ପ୍ରୁ ଜୀସୁ କ୍ରୀସୁ ତଲେ ଆଣ୍ଡିନି ତାଣା ରାଆଗାଟି ଜୀଝୁ ମାନେ □



ବୀହା ଆନ୍ତି କାତା

୧ ତାୟି ତାଙ୍ଗିସ୍ତାଚେରି, ନୀର୍ବ୍ ଏନାଆଁ ଝେସାଲି ଅଣ୍ଡିମାଲ୍, ଏଦାଆଁ ମୀରୁ ତେଲ୍‌ହିଦେରି, ଏନାଆଁତାକି ଇଚିହ୍ମ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି □ ମାଣ୍ଡି ଝାରଇ ତାନି ନୀତାମାନି ପାତେକା ମେରାତି ତ୍ତଇ ତ୍ତୟିନେସି □

୨ ତକ୍ରା ନୀତାମାନି ପାତେକା ତାନି ତକ୍ତି ଏଞ୍ଜାଣିତଲେ ବୀହା ମେରା ତଲେ ଦସ୍ପି ଆହାମା ତ୍ତୟିନେ □ ସାମା ତକ୍ରା ହାଡ଼ିସାରେ, ଏଞ୍ଜାଣି ତକ୍ତି ଇ ମେରାଟି ପିସ୍ପି ଆନେ □

୩ ତକ୍ରା ନୀତା ମାନାଟିଏ, ତକ୍ତି ଅର ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜାଁ ଇନେରି; ସାମା ତକ୍ରା ହାଡ଼ି ତାୟି ମେରାଟି ପିସ୍ପି ଆନେ, ଅଡ଼େ ଏଦି ଅର ରଅଣାକି ବୀହା ଆଡ଼ିସାରେ, ଏଦି ଦାରେଣି ଆଏ □

୪ ଇଦାଆଁତାକି ତାୟି ତାଙ୍ଗିସ୍ତାଚେରି, କ୍ରୀସୁତି ଆଙ୍ଗା ତଲେ ମୀରୁ ଜିକେଏ ମେରାତାକି ହାହାମାଞ୍ଜେରି, ଏନିକିହ୍ମ ମୀରୁ ଏଟ୍‌କାତାରି ତଲେ ଆଣ୍ଡିଦେରି, ଇଚିହ୍ମ ମା ମାହାପୁରୁ ତାକି ପାଡ଼େୟି ଆୟାଲି ଆମ୍ବାଆସି ହାଡ଼ାରି ତାଣାଟି ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ □

୫ ଏଚରଦିନା ପାତେକା ମାର ଆଙ୍ଗାତି ମାଣ୍ଡକି ତଲେ ମାଚାୟି, ଏଚରଦିନା ପାତେକା ମସା ମେରାତି ପାପୁତି ଜୁପକା ମା ଆଙ୍ଗା ବିତ୍ରା ଜୀଝୁତି ହାଝି କିହାଲି କାମା କିହିମାଚେ □

୬ ସାମା ଏନାଆଁତଲେ ଦସ୍ପି ଆହାମାଚାୟି, ଏମ୍ବାଟି ହାହାନା ନୀଏଁ ମାର ମେରାତି ଅଦିକାରାଟି ମୁକ୍ଲଝି ଆହାମାନାୟି; ମାର ଅଡ଼େ ତଲିତିଲେହେଁ ରାସ୍‌କି ଆହାମାନି ମେରାତି ସେବା କିହି ହିଲାଆୟି, ସୁଦୁଜୀଝୁ ତସାମାଞ୍ଜାନି ପୁଝନି ଜିରୁତା ନୀଏଁ ତାକି ମାନାୟି □

ମେରା ଅଡ଼େ ପାପୁ

୭ ଆତିହୁଁ ଏନାଆଁ ଇନାୟି, ମେରା ପାପୁ ଗାଚାୟି ? ଏଦି ଏଚେଲାଝା ଆଏ □ ସାମା ପାପୁ ଏନାୟି, ଏଦାଆଁ ମେରା ନାଙ୍ଗେ ଝେସା ମାଞ୍ଜାନେ, “ଏଟ୍‌କା ଲକ୍‌କୃତି ଦିଶ୍‌ସୁ ଜୁପକା ଆଆଦୁ,” ଇ ହୁକୁମି ମେରା ଝେସା ମାଞ୍ଜାଆତିହୁଁ ମା, ଜୁପକା ଏନାୟି, ନାନୁ ପୁନାଆତେଏଁମା □[☆]

୮ ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି ଜୁପକା କିନାଣି ହିୟାତେ, ମେରା ପିସ୍‌ପେ ପାପୁ ହାଡାୟି □

୯ ର ଦିନା ନାନୁ ମେରା ପୁନାଆନା ନୀଡ଼ିମାଚେଏଁ, ସାମା ହୁକୁମି ଝାହାଲିଏ ପାପୁ ନୀଡ଼ିତେ, ଇଞ୍ଜା ନାନୁ ହାଡେଏଁ;

୧୦ ଆମିନି ମେରା ଜୀଝୁ ହାହାଲିତାକି ଟିକାଣା ତାୟି ମାଚେ, ଏଦି ନା ଜୀଝୁତା ହାକି ଝାଡେ □

୧୧ ଇତିହୁଁ ପାପୁ ପାରୁ ବେଟାଆହାନା ହୁକୁମିଟି ନାଙ୍ଗେ ନାଡ଼ି କିୟାତେ ଇଞ୍ଜା ଏମ୍ବାଟି ନାଙ୍ଗେ ପାୟାତେ □[☆]

୧୨ ମେରା ସୁଦୁଗାଚାୟି, ଏଦାଣି ହୁକୁମିକା ବାରେ ସୁଦୁ ଗାଚାଇ, ଦାମ୍‌ଗାଚାୟି ଇଞ୍ଜା ନେହାୟି □

୧୩ ଆତିହୁଁ, ଏନାୟି ନେହାୟି, ଏଦି କି ନାଙ୍ଗେ ହାଝି କିୟାନେ ? ଏଦି ଏଚେଲାଝା ଆଆପେ, ପାପୁଏ ଏଦାଆଁ କିତେ, ନେହୁଁ ମେରାତି ଲେମ୍‌ମାନା ପାପୁ ନାଙ୍ଗେ ହାଝି କିୟାତେ, ଏଦାଆଁ ତଲେ

☆ ୭:୭ ୭:୭ ହାନାୟି ୨୦:୧୭; ଝେ ମେରା ୫:୨୧ ☆ ୭:୧୧ ୭:୧୧ ମୂଲୁ ୩:୧୩

ପାପୁତି ସାତା ଖାଣା ତଞ୍ଜାଆଡ଼େ, ଏଦାଆଁତାକି ମେରା ତଲେ ପାପୁ ହାରେକା ଆଜିହଠେପତାୟି ପୁଣ୍ଡିଆଡ଼େ □

ମାଣ୍ଠି ଆଜ୍ଞାତା ମାନି ଗଡ଼ହା

୧୪ ମସାତି ମେରା ସୁଦୁଜୀଝୁ ଗାଟାୟି, ଇଦାଆଁ ମାର ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଝିଆଡ଼ି ହଲେଏଶାତେଏଁ □

୧୫ ନାନୁ ଏନାଆଁ କିହିମାଲ୍, ଏଦାଆଁ ନାନୁ ପୁଞ୍ଜିହିଲଥ୍; ଏନାଆଁ କିହାଲି ନା ଅଣ୍ଠୁ, ଏଦାଆଁ ନାନୁ କିଥ୍; ସାମା ଏନାଆଁ ଅପଥ୍, ଏଦାଆଁ କିଲ୍ □

୧୬ ସାମା ଏନାଆଁ ନାନୁ ଅଣ୍ଠପଥ୍, ଏଦାଆଁ କିତିସାରେ, ଆତିହ୍ ମସାତି ମେରା ନେହାୟି ଏଦାଆଁ ନାନୁ ଜଲିମାଲ୍ □

୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ରାମାନି ପାପୁଏ ଏଦାଆଁ କିହିମାନେ □

୧୮ ନାନୁ ପୁଞ୍ଜାମାଲ୍, ନା ବିତ୍ରା ଇତିହ୍ ମାଣ୍ଠି ମାଣ୍ଠିକିତା ନେହାୟି ଏନାୟି ଜିକେଏ ହିଲେଏ, ଇତିହ୍ ନେହ୍ କାମା କିହାଲି ନାଙ୍ଗେ ଅଣ୍ଠୁ ମାତିହ୍ ଜିକେଏ ଏଦାଆଁ କିହାଲି ଆଡ଼ଥ୍ □

୧୯ ଇତିହ୍ ଏମିନି ନେହ୍ କାମା କିହାଲି ନାନୁ ମନ୍ କିଲ୍, ଏଦାଆଁ କିଥ୍, ସାମା ଏମିନି ଲାଗେଏତି କାମା କିହାଲି ନାନୁ ମନ୍ କିଥ୍, ଏଦାଆଁ କିଲ୍ □

୨୦ ନାନୁ ଏନାଆଁ ଅଣ୍ଠପି ହିଲଥ୍, ଏଦାଆଁ କିହିମାଲ୍, ଆତିହ୍ ଏଦାଆଁ ନାନୁ ଅଡ଼େ କିଥ୍, ସାମା ନା ତାଣା ବାସା କିହାମାନି ପାପୁ ଏଦାଆଁ କିନେ □

୨୧ ଏଦାଆଁତାକି ନାନୁ ନେହ୍ କାମା କିହାଲି ମନ୍ କିହିମାଲ୍, ଏତିବେଲା ନା ତାଣା ଖାରୁଇ ଲାଗେଏତାୟି ତଞ୍ଜା ଆହିମାନେ, ଇଦାଆଁ ମେରାତା ମେସିମାଲ୍ □

୨୨ ଇତିହ୍ ହିୟାତା ଅଣ୍ଠପିନି ମାଣ୍ଠିଲେହ୍, ମାହାପୁରୁତି ମେରା ମାନି କିହାଲି ନାଙ୍ଗେ ରାହାଁ,

୨୩ ସାମା ନାନୁ ନା ଆଜ୍ଞାତା ଅର ରଲେତି ମେରା ତଞ୍ଜା ଆହିମାନେ, ଏଡ଼ି ନା ମନ୍ତି ମେରା କପାଟି ଜୁଜୁ କିହିମାନେ, ଅଡ଼େ

ନା ଆଜ୍ଞାତା ଏମିନି ପାପୁତି ଫେରା ମାନେ, ନାଜେ ଏମ୍ବାଆଁ ଦସ୍‌ପାନା
□

୨୪ ଆୟତା, କାର୍ମା କପଲ ହିଲାଆଗାଟି ମାଣ୍ଡିତେଏଁ ନାନୁ, ଈ
ହାଝିକିନି ଆଜ୍ଞାଟି ନାଜେ ଆମ୍ବାଆସି ଗେଲ୍‌ପାନେସି ?

୨୫ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଗେଲ୍‌ପି ଆହାମାନାକି
ମାହାପୁରୁଇଁ ଜହରା ଆପେ □ ଏନାଆଁତାକି ଇଚିହଁ ନାନୁଏ ନା
ମନତଲେ ମାହାପୁରୁତି ଫେରାଟି ହଲେଏଶାତେଏଁ, ସାମା ଆଜ୍ଞା
ତଲେ ପାପୁ ଫେରାଟି ହଲିୟା ଆହାମାନେ □

୮

ସୁଦୁଗାଟି ଜୀଝୁ

୧ ଆମିନି ଗାଟାରି କ୍ରୀସ୍ତ ଜୀସୁତଲେ ଆଣ୍ଡାନା ନୀତିମାନେରି,
ଏଞ୍ଜାରାକି ନୀର୍ଏ ଏନି ତଣ୍ଡ ହିଲେଏ □

୨ ଇଚିହଁ ଜୀଝୁ ହିୟାନି ଜୀଝୁତି ଫେରା କ୍ରୀସ୍ତ ଜୀସୁ
ତାଣା ଆଣ୍ଡାନା ମିଜେ ପାପୁ ଅଡେ ହାଝିକିନି ଫେରାଟି ମୁକ୍‌ଲଝି
କିହାମାଞ୍ଜାନେ □

୩ ମାଣ୍ଡିତି ଆଜ୍ଞାତା ବାଡ଼ୁୟୁ ହିଲାଆକି ମସା ହାହାମାନି ଫେରା
ଏନାଆଁ କିହାଲି ଆଡାଆତେ, ମାହାପୁରୁ ଏଦାଆଁ ତାନି ମୀର୍‌ଏଶାଇଁ
ପାପୁଗାଟି ମାଣ୍ଡିଲେହେଁ ପାପୁଇଁ ନାସା କିହାଲି ପାଣ୍ଡାନା ଆଜ୍ଞାଟି
ପାପୁତି ତଣ୍ଡ ହାହାଲି କିତେସି □

୪ ଏଦାଆଁତାକି ମାର ମାଣ୍ଡିତି ମାଣ୍ଡିତା ମାନାଆନା ସୁଦୁଜୀଝୁତି
ମାଣ୍ଡିତା ମାଞ୍ଜାନା ଇଞ୍ଜା ଇଦାଆଁ ତଲେ ମାର ଫେରାଟି ପାଣାପାରୁ
ମାନି କିହିମାନାୟି □

୫ ଆମିନି ଗାଟାରି ଆଜ୍ଞାଟି ମାଣ୍ଡି ତଲେ ନୀତିନାରି ଏଞ୍ଜାରି
ଆଜ୍ଞାଟି ମାଣ୍ଡିତି କାତାତା ମନ ହୀନେରି, ସାମା ଆମିନି ଗାଟାରି
ସୁଦୁଜୀଝୁତି ମାଣ୍ଡି ତଲେ ନୀତିନେରି, ଏଞ୍ଜାରି ହିୟାଁ ସୁଦୁଜୀଝୁତି
କାତାତା ମନ ହୀନେରି □

୬ ଇଚିହଁ ଆଜ୍ଞାଟି ମାଣ୍ଡିତି ମନ ହାଝିକିନେ; ସାମା ସୁଦୁଜୀଝୁତି
ମାଣ୍ଡିତି ମନ ଜୀଝୁ ଇଞ୍ଜା ହିଡ଼ି ହିୟାନେ □

୭ ଇତିହାସ ଆଜ୍ଞାତି ମନତଲେ ନୀତିନାସି ମାହାପୁରୁ କପାତି ସାତୁ
ଆନେସି; ଇତିହାସ ଏଞ୍ଜାସି ମାହାପୁରୁ ମେରାତି ମାନି କଅସି; ଇଞ୍ଜା
ଏଞ୍ଜାସି ମାନଞ୍ଜି ଆହାଲି ଆଡଅସି □

୮ ଆମିନି ଗାଟାରି ଆଜ୍ଞାତି ମାଣ୍ଡକି ତଲେ କାମା କିନେରି, ଏଞ୍ଜାରି
ମାହାପୁରୁଇଁ ରାହାଁ କିହାଲି ଆଡଅରି □

୯ ମାହାପୁରୁତି ସୁଦୁଜୀଞ୍ଜୁ ସାତା ତଲେ ମୀ ତାଣା ମାଟିସାରେ, ମୀରୁ
ଅଡେ ଆଜ୍ଞାତି ମାଣ୍ଡକି ଲେହେଁ ନୀତଅତେରି, ସାମା ସୁଦୁଜୀଞ୍ଜୁତି
ହୁକୁମି ମାନି କିହିମାଞ୍ଜେରି □ କ୍ରୀସ୍ତୁତି ଜୀଞ୍ଜୁ ଆମ୍ବାଆରି ତାଣା
ହିଲେଏ, ଏଞ୍ଜାସି ଏଚେଲା ଜିକେଏ ଏଞ୍ଜାଣି ଲକୁ ଆହାଲି ଆଡଅସି
□

୧୦ ସାମା କ୍ରୀସ୍ତୁ ମୀ ତାଣା ମାଟିସାରେ, ମୀ ଆଜ୍ଞା ପାପୁ ତାକି ନାସା
ଆହାଲି ହାଜିମାଟିହାଁ ଜିକେଏ, ସୁଦୁଜୀଞ୍ଜୁ ମିଙ୍ଗେ ଜୀଞ୍ଜୁ ହୀୟାନେ,
ଏନାଆଁତାକି ଇତିହାସ ମାହାପୁରୁ ନକିତା ମୀରୁ ଦାମ୍ବୁଗାଟାତେରି
ଆହାମାଞ୍ଜେରି □

୧୧ ✨ଆମ୍ବାଆସି ହାଡାରି ତାଣାଟି ଜୀସୁଇଁ ନିକ୍‌ହେସି, ଏଞ୍ଜାଣି ଜୀଞ୍ଜୁ
ମୀ ତାଣା ମାଟିସାରେ, ଆଡିହାଁ ଆମ୍ବାଆସି ହାଡାରି ତାଣାଟି କ୍ରୀସ୍ତୁ
ଜୀସୁଇଁ ନିକ୍‌ହେସି, ଏଞ୍ଜାସି ମୀ ତାଣା ମାନି ତାନି ଜୀଞ୍ଜୁତଲେ ମୀ
ହାଡି ଆଜ୍ଞାତି ଜିକେଏ ନୀଟ୍‌ନେସି □

୧୨ ଏଦାଆଁତାକି, ତାୟି ତାଜିସ୍ତାତେରି, ମାର ରୀଣାଗାଟାତାୟି,
ସାମା ଆଜ୍ଞାତି ମାଣ୍ଡକି ତଲେ ନୀତାଲି ଆଏ □

୧୩ ଇତିହାସ ଆଜ୍ଞାତି ମାଣ୍ଡକି ତଲେ ମୀରୁ ନୀତିଦେରି, ଆଡିହାଁ
ସାତେଏ ହାଡେରି, ସାମା ସୁଦୁଜୀଞ୍ଜୁତି ସାୟେମି ତଲେ ଆଜ୍ଞାତି କାମା
ବାରେ ନାସା କିଦେରି, ଆଡିହାଁ ନୀତିଦେରି □

୧୪ ଆମିନି ଗାଟାରି ମାହାପୁରୁତି ସୁଦୁଜୀଞ୍ଜୁ ତଲେ ତାକିନେରି,
ଏଞ୍ଜାରି ମାହାପୁରୁତି ମୀରକା □

୧୫ ✨✨ଇତିହାସ ମୀରୁ ଖେଣ୍ଡେ ଆଜାଲି ହଲିୟାଜ୍ଞାତି
ଜୀଞ୍ଜୁ ବେଟାଆହା ହିଲଅତେରି, ସାମା ମୀରଏଣାଟି ଜୀଞ୍ଜୁ

ବେଟାଆହାମାଞ୍ଜେରି; ଏମ୍ବାଟି ମାର “ଆବା ତାଞ୍ଜି” ଇଞ୍ଜି ହାଟିମାନାୟି □

୧୭ ମାର ମାହାପୁରୁତି ମୀରକା ମାସକା ଇଞ୍ଜି ଏ ଜୀଝୁଏ ମା ଜୀଝୁତଲେ ଆଣ୍ଡାନା ସାକି ହାହିମାନେ □

୧୮ ଏନାଆଁତାକି ଇଚିହିଁ ମାର ମାହାପୁରୁତି ମୀରକା ମାସକାତାୟି, ତାନି ଲକୁତାକି ଲଡ଼ାମାନି ବରତି ବାଗା ପାଣ୍ଡନାୟି, ଇଞ୍ଜା କ୍ରୀସ୍ତ ତଲେ ଗାଝୁରମି ବେଟାଆହାଲି ମାର ଜିକେଏ ଏଝାଣିତଲେ ଦୁକୁ କସ୍ତ ପାଣ୍ଡନାୟି ମାନେ, ଆତିହିଁ ମାହାପୁରୁତି ବରତି ବାଗା ଅଡ଼େ କ୍ରୀସ୍ତ ତଲେ ବାଗାତା ଆଣ୍ଡାଲି ଆଡ଼ିନାୟି □

ଝାହିମାନି ଗାଝୁରମି

୧୯ ଅଣ୍ଡପାଦୁ, ଆମିନି ଗାଝୁରମିତା ଝାହିମାନି ଦିନାତା ମାର ଏଗାହାନାୟି, ଏଡାଆଁ କିହାଁ ନୀଏଁତି ଦୁକୁ କାକୁଲି ଇଚାୟି ଜିକେଏ ଆଏ, ଏଚିବେଲ୍ଲାତା ମାହାପୁରୁ ତାନି ମୀରକା ମାସକାଣି ତହ୍ନେସି □

୨୦ ମାହାପୁରୁ ତାନି ମୀରକା ମାସକାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡାୟି କାପୁ କାଡାମାନେ □

୨୧ ଏନାଆଁତାକି ଇଚିହିଁ ଗାଡ଼ିଆଡାୟି ମାହାପୁରୁ ତାଣ୍ଡାଟି ବାକା ବେଟାଆହାନା ତାନି ଏଗାହାନି ଚାୟୁ ବାଣା ଆହାମାନେ □ ଆଡ଼ିଜିକେଏ ତାନି ଆସା ମାନେ,

୨୨ ଅଡ଼େ ଏଦି ବାସୁଁ ବେଟାଆଡେ, ଇଞ୍ଜା ଗାଡ଼ି ଆଡାୟି ତାନୁଏ ଜିକେଏ ମାହାପୁରୁତି ମୀରକା ଗାଝୁରମି ତାକି ପିସ୍ପି ଆହାଲିତାକି ନାସା ଆନି ହଲିୟାଟି ପିସ୍ପି ଆନେ

୨୩ ସାମା ନୀଏଁ ପାଡେକା ବାରେ ଦାରତି ଜାନି କିନି ବୀସା ତଲେ କସ୍ତ ପାଣ୍ଡନି ଲେହେଁ କସ୍ତ ତାକି ଡାହିମାନେ □

୨୪ ☆ସାମା ମାର ମୂଲୁତି ପାଡ଼େୟି ଲେହେଁ ସୁଦୁଜୀଝୁତି ବେଟାଆହାମାନାୟି, ଆତିହିଁ ଜିକେଏ ମାର ମାହାପୁରୁତି ମୀରକା ଇଚିହିଁ ଜାହା ଜାହାରା ଆଙ୍ଗାଟି ବାରେଜାଣା ଗେଲ୍ପି ଆୟାଲିତାକି କାପୁ କାଡାନା ମା ହିୟାତା ଡାହି ମାନାୟି □

☆ ୮:୨୩ ୮:୨୩ ୨କର ୫:୨-୪

୨୪ ଏନାଆଁତାକି ଇଚିହଁ ବାର୍ସୁଟି ମାର ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏନାଆଁତାକି ବାର୍ସୁ ଇଚିନାୟି ଏଡ଼ି ସାତାତି ବାର୍ସୁ ଆଏ, ଇଚିହଁ ଏନାଆଁ ମେସିମାନାୟି ଏନାଆଁତାକି ଏନାଆଁତାକି ବାର୍ସୁ ଇଚିନାୟି ?

୨୫ ସାମା ମାର ଏନାଆଁ ମେସି ହିଲାଆୟି ଏନାଆଁତାକି ବାର୍ସୁ ଇଚିନାୟି, ଆତିହଁ ମାଞେ ସାସାତଲେ କାପୁ କାଃଆନାୟି ମାନେ □

୨୬ ମାର ବାଡ଼ୟୁ ହିଲାଆଗାଟାୟି, ସାମା ସୁଦୁଜୀଝୁ ମାଞ ସାୟେମି କିୟାନେ; ଏନିକିହଁ ପ୍ରାଡାନା କିନାୟି, ଏନାଆଁ ମାର ପୁଞ୍ଜାହିଲାଆୟି, ଏନାଆଁତାକି ସୁଦୁଜୀଝୁ ଜଲିନି ହାଡାତଲେ ମା ତାକି ମାହାପୁରୁଇଁ ଗହାରା କିନେ;

୨୭ ଆମ୍ବାଆସି ମା ହିୟାଁ ବିତ୍ରା ମାନାଣି ପୁନେସି, ଏଞ୍ଜାସି ସୁଦୁଜୀଝୁତି ଅଶ୍ପୁ ଏନାୟି ଏନାଆଁ ପୁନେସି, ଇଚିହଁ ଏଞ୍ଜାସି ମାହାପୁରୁତି ଅଶ୍ପୁ ତଲେ ମାହାପୁରୁ ଲକୁତାକି ଗହାରା କିନେସି □

୨୮ ମାର ପୁଞ୍ଜାମାନାୟି, ଆମିନି ଗାଟାରି ମାହାପୁରୁଇଁ ଜୀଝୁ ନନେରି ଇଞ୍ଜାଁ ମାହାପୁରୁତି ଲଡ଼ା ତାକି ବାଚି କିଞ୍ଜି ଆହାମାନେରି, ଏଞ୍ଜାରାକି ବାରେ ନେହାୟି ଆନେ □

୨୯ ଆମ୍ବାଆରାଇଁ ମାହାପୁରୁ ହାଟାମାନେସି, ଏଞ୍ଜାରାକି ତାନି ମାରଏଶା ଖାଶା ଲେହେଁ ଆହାଲି ତଲିଟିଏ ତୀରି କିହାମାନେସି, ଆତିହଁ ମାହାପୁରୁତି ମାରଏସି, ଏନିକିହଁ ଏଞ୍ଜାସି ହାରେକା ତାୟି ତାଞ୍ଜିସ୍ତା କିହାଁ ମୂଲୁ ଜାର୍ନା ଆଡାସି ଆନେସି □

୩୦ ଆମ୍ବାଆରାଇଁ ନକେଏ ଆଟାମାତେସି, ଏଞ୍ଜାରାଇଁ ଏଞ୍ଜାସି ହାଟିତେସି, ଏଞ୍ଜାରି ମାହାପୁରୁ ନକିତା ଦାମ୍ବୁଗାଟାରି ଇଞ୍ଜୁଁ ତଞ୍ଜି କିତେସି, ଅଡ଼େ ଆମିନି ଗାଟାରାଇଁ ଦାମ୍ବୁଗାଟାରି ଇଞ୍ଜୁଁ ତଞ୍ଜି କିତେସି ଏଞ୍ଜାରାଇଁ ଜିକେଏ ଏଞ୍ଜାସି ଗାଝୁରମି କିତେସି □

ମାହାପୁରୁତି ଜୀଝୁନନାୟି

୩୧ ଆତିହଁ ଇ ବାରେତି ମେସାନା ମାର ଏନାଆଁ ଇନାୟି ? ମାହାପୁରୁ ମା ଖାକି ମାଟିସାରେ, ଆମ୍ବାଆସି ମା କପାତଲେ ନିଞ୍ଜିନେସି ?

୩୨ ଆତ୍ମାଆସି ତାନି ମାର୍‌ଏଣାଇଁ ଜିକେଏ ଗେଲ୍‌ପାଆତେସି, ସାମା ମା ବାରେତାକି ଏଞ୍ଜାଣାଇଁ ହେରପିତେସି, ଏଞ୍ଜାସି ଏନିକିଁ ଏଞ୍ଜାଣିତଲେ ମାଙ୍ଗେ ଜିକେଏ ବାରେ କାର୍‌ମାତି ଦାନା ହିୟଅସିକି ?

୩୩ ମାହାପୁରୁ ହାଟାମାନି ଲକୁ କପାତଲେ ଆତ୍ମାଆସି ଦହ ଦସାଲି ଆଡିନେସି ? ଏଞ୍ଜାରି ଦହ ହିଲାଆ ଗାଟାରି ଇଞ୍ଜିଁ ମାହାପୁରୁ ତାନୁଏ ଝେକହା ମାନେସି □

୩୪ ଆତ୍ମାଆସି ତଣ୍ଡୁ ହାନେସି ? କ୍ରୀସ୍ତ ଜୀସୁ ହାଡାରି ତାଣାଟି ଝେଣ୍ଡେ ନିଙ୍ଗାନା ମାହାପୁରୁତି ଚିଃନି ଚଟତା ମାଞ୍ଜାନା ମାଙ୍ଗେତାକି ଗହାରା କିହିମାନେସି □

୩୫ ଆତିହଁ ଆତ୍ମାଆସି ମାଙ୍ଗେ କ୍ରୀସ୍ତୁତି ଜୀଞ୍ଜୁ ନନି ତାଣାଟି ଏଟକା କିୟାନେସି ? ଦୁକୁ, କସ୍ତ, କାକୁଲି କି କାଡାରା, ହାକି, ଏସ୍‌କି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡେଏ □

୩୬ ସାପ୍ତେରତା ରାସ୍‌କି ଆହାମାନେ;

“ମିଙ୍ଗେ ତାକି ମାମୁ ବାରେଦିନା ହାକିତି ନକିତା,

ହାହାଲି ହାଜିମାନି ମେଣ୍ଡା ଲେହେଁ ମାମୁ ତୁଞ୍ଜା ଆହିମାନମି □”

୩୭ ଆଡିଜିକେଏ ଆତ୍ମାଆସି ମାଙ୍ଗେ ଜୀଞ୍ଜୁ ନୟାଁତେସି, ଏଞ୍ଜାଣି ସାୟେମି ତଲେ ମାର ଇ ବାରେତି ଲାକ ଜୀଣା ଆହାମାନାୟି □

୩୮ ନାନୁ ସାତେଏ ନେହଁକିଁ ପୁଞ୍ଜାମାଇଁ ତାନି ଜୀଞ୍ଜୁ ନନି ତାଣାଟି ମାର ଏଚେଲା ଜିକେଏ ଏଟକା ଆଆୟି, ହାକି କି ଜୀଞ୍ଜୁ, ଲାକପୁରୁତି ଦୁତୁୟାଁ କି ସାଲୁଝି କିହିମାନାଇଁ କି ବାଡ଼ୁୟୁ ଗାଟାଇଁ, ନୀଏଁ କି ଝାନି ଦିନା କି ଏନି ବାଡ଼ୁୟୁ,

୩୯ ଲାକପୁରୁତି କାତା କି ଡ଼ଇପୁରୁତି କାତା ଏନାୟି ଜିକେଏ; ବାରେ ଗାଡ଼ିଆଡ଼ି ଦିଶସୁ ପ୍ରବୁ କ୍ରୀସ୍ତ ଜୀସୁ ତାଣାଟି ତଞ୍ଜାଆହାମାନି ମାହାପୁରୁତି ଜୀଞ୍ଜୁ ନନି ତାଣାଟି ମାଙ୍ଗେ ଏଟକା କିୟାନେ □



ମାହାପୁରୁ ଅଡେ ତାନି ଲକୁ

୧ ନାନୁ କ୍ରୀସ୍ତୁତି ଲକୁ ଆହାମାନାକି ସାତା ଝେସିମାଇଁ, ମିତି ଝେସିହିଲଅଁ □ ସୁଦୁଜୀଞ୍ଜୁତି ସେଡନା ହାନାଣି ତଲେ ନା ଅଣ୍‌ପୁ ଇଦାଣିତି ସାକି □

୨ ନାନୁ ଏଚେକା ଦୁକୁ ଅଡେ କସ୍ତଲେ ନା ହିୟାତା ଏଚେକା ବଦୁ ଆହାମାନେ, ଇଦାଆଁ ନାଡ଼ିକିହାଁ ଝେସିହିଲଅଁ □

୩ ନା ଜାହାରା କୃଡ଼ାତି ତାୟିୟାକି ନାନୁ କ୍ରୀସ୍ତ ତାଣାଟି ଏଚକା ଆହାନା ମାହାପୂରୁ ତାଣାଟି ବାକା ବେଟାଆହାଲି ନା ଅଣ୍ପୁ, ଇଚିହଁ ଏଞ୍ଜାରି ମାହାପୂରୁତି ଲକୁ □

୪ ଏନାଆଁତାକି ଇଚିହଁ ଏଞ୍ଜାରି ଇସ୍ତାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଝୁରମି ତସାମାଚେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମେରା ହୀହାମାଚେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୂରୁ ତାଣାଟି ଆଞ୍ଜାମାନାଣି ବେଟାଆହାମାନେରି;

୫ ଏଞ୍ଜାରି ବାରେଜାଣା ଝେଙ୍ଗାମାନି ଆକୁ ଆବାୟାତି ମୀରକା ଇଞ୍ଜା ମାଣ୍ଡସି ଝାଣାଟି କ୍ରୀସ୍ତ ଏଞ୍ଜାରି ତାଣାଟି ଜାନା ଆହାମାଚେସି; ବାରେ ଅଦିକାରାଗାଟି ମାହାପୂରୁକି କାଲାକାଲାତାକି ଜହରା ଆପେ □ ଆମେନ୍ □

୬ ମାହାପୂରୁତି ବକୁ ଉଜେଏ ଆହାମାନେ ଇଞ୍ଜାଁ ନାନୁ ଝେସିହିଲଅଁ, ଇଚିହଁ ଇସ୍ତାୟେଲ କୃଡ଼ାତି ବାରେ ଲକୁ ମାହାପୂରୁତି ଲକୁ ଆଏ,

୭ ଅବ୍ରାହାମ କୃଡ଼ାତି ବାରେ ଲକୁ ମାହାପୂରୁ ମୀରକା ମାସ୍କା ଏଦି ଆଏ; ମାହାପୂରୁ ଅବ୍ରାହାମଇଁ ଝେସାମାଚେସି, “ଇସାହାକ ତାଣାଟି ନୀ କୃଡ଼ା ଝେଙ୍ଗିନେରି □”

୮ ଇଦାଣି କାତା ଇଦି, ମାଣ୍ଡସି ମୀରକା ମାସ୍କା ମାହାପୂରୁ ମୀରକା ମାସ୍କା ଆହାଲି ଆଡ଼ଅରି, ମାହାପୂରୁତି ଆଞ୍ଜାମାନି ଲେହେଁ ଜାନା ଆହାମାନି ମୀରକା ମାସ୍କା ମାହାପୂରୁ ନକିତା ସାତା ମୀରକା ମାସ୍କା ଲେହେଁ ଆନେରି □

୯ ମାହାପୂରୁ ଇଦାଆଁ ଆଞ୍ଜାମାଚେସି, “ଇ କାଲମିତା ମାନ୍ସୁ ଚୁଝେଣ୍ଡେ ଝାନମି, ଏଚିବେଲାତା ସାରା ର ମୀରଏଣାଇଁ ଜାନା କିହାମାଣ୍ଡିନେ □”

୧୦ ଅଡେ ଝାରଇ ଏଚେକା ଆଏ, ରିବିକାନି ତାଣା ଜିକେଏ ଜାଣ୍ଡା ମୀରକା ର ତାଞ୍ଜି ଇସାହାକ ତାଣାଟି ଜାନା ଆହାମାଚେରି,

୧୧ ଏଞ୍ଜାରି ଜାନା ଆନ୍ତି ନକେଏ, ଅଡେ ଏଞ୍ଜାରି ନେହାଁଣି

ଲାଗେଏତାଣି କିନି ନଚକଏ, ଇଞ୍ଜାରି ବିତ୍ରାଟି ରଅସି ମାହାପୁରୁ ଲଡ଼ା ତାକି ବାଟି କିଞ୍ଚିଆଡ଼େସି,

୧୨ ରିବିକାଲ୍ ମାହାପୁରୁ ଏଲେଇଞ୍ଜାମାଚେସି, “କାଜା ତାୟି ଉଣା ତାୟିତି ସେବା କିନେସି □” ମାହାପୁରୁ ଏଦାଆଁ ଖେସାମାଚେସି ଏଞ୍ଜାରି କାମା କିତି ତାଣାଟି ଆଏ, ଖାରଇ ମାହାପୁରୁ ଆଡ଼ିତାକି ଏଞ୍ଜାରି ହାଟ୍‌କି ଆଡେରି □

୧୩ ସାସ୍ତେରିତା ରାସ୍‌କି ଆହାମାନେ, “ନାନୁ ଜାକୁବଲ୍ ଜୀଞ୍ଜୁ ନଡେଏଁ, ସାମା ଏସାଞ୍ଜୁଲ୍ ଅପାଆଡେଏଁ □”

୧୪ ଆତିହ୍ ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଡ଼ି ଏଚେଲା ଜିକେଏ ଆଆପେ □

୧୫ ଏଦାଆଁତାକି ମସାଲ୍ ଏଲେଇଚେସି, “ଆମ୍ବାଆରାଲ୍ ନା କାର୍ମା ଆନାୟି ମାନେ ଏଞ୍ଜାଣାଲ୍ କାର୍ମା ଆଲ୍, ଆମ୍ବାଆରାଲ୍ ସାୟେମି କିନାୟିମାନେ ଏଞ୍ଜାଣାଲ୍ ନାନୁ ସାୟେମି କିଲ୍ □”

୧୬ ଏଦାଆଁତାକି ଆମ୍ବାଆସି ମନ କିନେସି, ଆଆତ୍ ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣାଟି ଏନାୟି ଆହାଲି ଆଡେଏ, ସାମା କାର୍ମାମେହ୍‌ନି ମାହାପୁରୁ ତାଣାଟି ଆନେ □

୧୭ ଦାମ୍‌ନୁ ସାସ୍ତେରିତା ରାସ୍‌କି ଆହାମାନି ଲେହେଁ, ମାହାପୁରୁ ମିସରତି ରାଜା ପାରଇ ଏଲେଇଚେସି, “ନୀ ତାଣାଟି ନା ବାଡ଼ୁୟୁ ତସାଲି ଇଞ୍ଜା ବାରେ ଦାରୁତିତା ନା ଗାଞ୍ଜୁରମି ତସାଲି ତାକି ନାନୁ ନିଜେ ରାଜା କିହାମାଞ୍ଜାଲ୍ □”

୧୮ ଏଦାଆଁତାକି ମାହାପୁରୁତି ଅଶ୍‌ପୁ ଲେହେଁ ଆମ୍ବାଆରାଲ୍ କାର୍ମା ମେହ୍‌ନେସି ଇଞ୍ଜା ଆମ୍ବାଆରାଲ୍ ଆଟ୍‌ଞ୍ଜା ହିୟାଁ କିନେସି □

ମାହାପୁରୁତି କାର୍‌ବି ଇଞ୍ଜା କାର୍ମାମେହ୍‌ନାୟି

୧୯ ଏମ୍ବାଟିଏ ନାନୁ ନାଜେ ଏଲେଇଞ୍ଜାଦି, “ମାହାପୁରୁ ଏନାଆଁତାକି ଦହ୍ ଆହ୍‌ନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡ଼ିମାନେସି ?”

୨୦ ସାମା ଏ ସୟି, ନାନୁ ଆମ୍ବାଆତି, ମାହାପୁରୁଲ୍ ଖେଣ୍ଡେ ଖେସାଲି ନିଜେ ସାସା ମାନେକି, ଗାଡ଼ି ଆଡ଼ି ଆସି ଗାଡ଼ି କିତାଣାଲ୍ “ନାଜେ

ଏନାଆଁତାକି ଇଲେକ୍ଟ୍ରୋ ଗାଡ଼ି କିୟାତି ଇଞ୍ଜିନ୍ ଏଲେଇଞ୍ଜାଲି ଆଡ଼ିନେ କି ?”

୨୧ ର ଇରୁଆ ଡେପ୍‌ଲାଇଟି ଜାହାରା ଇଚା ତଲେ ତ:କା କେପାଲି କୁମ୍ପେ ଏଣାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅଡେ ରଣ୍ଡାଆଁ ଉଜେଏ ଦିନାତା ଲେମ୍ବାଲି ତାକି □

୨୨ ମାହାପୁରୁ ଜିକେଏ ଏଲେକ୍ଟ୍ରୋ କିହାମାନେସି, ତାନି କାରୁବି ତସାଲି ଇଞ୍ଜା ବାଡ଼ୁମୁତି ପୁଣ୍ଡି କିହାଲି ଅଣପିମାରେସି, ସାମା ଆମିନି ଗାଟାରି ଏଞ୍ଜା କପାତଲେ ନାସା ଆନାୟି ମାଚେ, ଏଞ୍ଜାରି ତାକି ମାହାପୁରୁ ହାରେକା କାର୍ମା ଆହାନା ଅରୁହା ମାନେସି □

୨୩ ଅଡେ ଗାଝୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ ମାର ଇଚିହ୍, ମା ତାଣା ତାନି ଗାଝୁରମିତି ଦନ ତସାଲି କିହାମାନେସି, ଆତିହ୍ ନୀନୁ ଏନାଆଁ ଇଞ୍ଜିନ୍ ?

୨୪ ଏନାଆଁତାକି ଏଞ୍ଜାସି ଝାରୁଇ ଜୀହୁଦି ଲକୁ ତାଣାଟି ମାଙ୍ଗେ ହାଟା ମାଞ୍ଜାଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଙ୍ଗେ ହାଟାମାଞ୍ଜାନେସି,

୨୫ ଇ କାତାତି ହସେୟ ପତିତା ମାହାପୁରୁ ଝେସାମାନେସି;
 “ଆମ୍ବାଆରି ମା ଲକୁ ହିଲାଆତେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କଡିତମି;

ଆମିନି କୁଡାତାରାଇଁ ଜୀହୁ ନହାଁ ହିଲାଆତମି ଏଞ୍ଜାରାଇଁ ମା ‘ଜୀହୁତି ଲକୁ’ ଇଚମି,

୨୬ ଆମିନି ଟାୟୁତା ଏଞ୍ଜାରାଇଁ ଝେସାମାଚମି, ‘ମୀରୁ ମା ଲକୁ ଆଏ’ ଏମ୍ବାଆଁ ଏଞ୍ଜାରି ଜୀହୁଗାଟି ମାହାପୁରୁତି ମୀରକା ଇଞ୍ଜିନ୍ ଝେଙ୍ଗିନେରି □”

୨୭ ଇଞ୍ଜା ଇସାୟେଲ ଲକୁତି କାତା ଜିସାୟ କାଜା ଗିୟାତଲେ ଝେସାମାନେସି, “ଇସାୟେଲତି ଲକୁ ସାମଦୁରିତି ଏଜିକିହାଲି ଆଡାଆଗାଟି ବାଃଲି ଲେହେଁ ଆତିହ୍ ଜିକେଏ, ଏଞ୍ଜାରି ବିତ୍ରାଟି ଏଚର ଜାଣାଦେଁ ଗେଲ୍‌ପି ଆନେରି;

୨୮ ଏନାଆଁତାକି ଇଚିହ୍ ପ୍ରବୁ ତବେ ଦାର୍‌ତିତା ବାରେ ନୀହାୟି ବିଚାରା କିନେସି □”

୨୯ ଏନିକିହୁଁ ଜିସାୟ ତଲିଏ ଅଡେ ଝେସାମାରେସି, “ବାରେ ବାଡ଼ୟୁ ଗାତି ପ୍ରବୁ ଏଚେକା ମା କୁଡ଼ାତି ଲକୁଣି ଗେଲ୍‌ପାଆତିମାଁ, ସଦମ ଅଡେ ଗମରାତି ଲକୁଲେହେଁ ମାଙ୍ଗେ ଜିକେଏ ଆୟାଡେମା □”

ପାହୁଲ ଇସ୍ରାୟେଲ ତାକି ପ୍ରାତାନା

୩୦ ଏଦାଆଁତାକି ଜୀହୁଦିଆଆତି ଲକୁଡି କାତାତା ଇଲେ ଇଞ୍ଜାଲି ଆଡିନାୟି, ଏଞ୍ଜାରି ଦାର୍ମୁଗାଟାରି ଆହାଲି ଅଣ୍‌ପି ହିଲାଆତେରି, ସାମା ଏଞ୍ଜାରି ନାମୁ ତାକି ଦାର୍ମୁଗାଟାରି ଆଡେରି □

୩୧ ସାମା ଇସ୍ରାୟେଲ ଲକୁ ଦାର୍ମୁଗାଟାରି ଆହାଲି ଅଣ୍‌ପାନା ନେରା ତଲେ ଦାର୍ମୁଗାଟାରି ଆହାଲି ଆଡାଆତେରି □

୩୨ ଏଦାଆଁତାକି ଇଚିହୁଁ ଏଞ୍ଜାରି ନାମୁତଲେ ଏଦାଆଁ ପାରାଆନା, କାମା ତଲେ ପାରିମାତେରି □ ଏଦାଆଁତାକି ଏଞ୍ଜାରି ଆଞ୍ଜିମାନି ଝାଲିତା ପୁଟି କିହାନା ତରଗିତେରି □

୩୩ ସାସ୍ତେରିତା ରାସ୍‌କି ଆହାମାନେ;
 “ସିନିକିଦୁ, ମାମୁ ସୁୟନତା ର ପୁଟିକିନି କଟା ଝାଲି
 ଇଞ୍ଜା ଆଞ୍ଜିନି ପାକା ଝାଲି କେପାମାନମି,
 ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଅସି □”

୧୦

୧ ଏ ତାୟି ତାଞ୍ଜିସ୍ମାତେରି, ମା ଲକୁ ଏନିକିହୁଁ ଗେଲ୍‌ପି ଆନେରି, ଏଡି ନା ହିୟାତି ଅଣ୍‌ପୁ, ଇଞ୍ଜା ଏଞ୍ଜାରି ତାକି ମାହାପୁରୁ ତାଣା ରଣ୍‌ସିଏ ଅଣ୍‌ପୁ ତଲେ ନା ପ୍ରାତାନା □

୨ ଇଚିହୁଁ ମାହାପୁରୁ ସେବା କିହାଲି ଏଞ୍ଜାରାକି ହାରେକା ମନ ଅଡେ ରାହାଁ ମାନେ, ଇଦାଆଁ ନାନୁ ଏଞ୍ଜାରି ଝାକିଟି ଝେସିମାଞ୍, ସାମା ଏ ମନ ଅଡେ ରାହାଁ ବୁଦିଗାଟାୟି ଆଏ □

୩ ମାହାପୁରୁ ହୀତି ଦାର୍ମୁତି ଜିରୁ ପୁନାଆନା ଜାହାରା ତୀରି କିହାମାନି ଦାର୍ମୁତି ଜିରୁଟି ତାକାନା ମାହାପୁରୁ ହୀତି ଦାର୍ମୁତି ଜିରୁ ଆସିହିଲଅରି □

୪ କ୍ରାସ୍ତ ନେରାତି ରାପୁନାସି, ଝାରଇ ଏଞ୍ଜାଣି ତାଣା ନାମିସାରେ ମାଣ୍‌ସି ମାହାପୁରୁ ନକିତା ଦାର୍ମୁଗାଟାସି ଆନେସି □

ବାରେ ଜାଣାକି ଗେଲୁପି ଆନାୟି

୫ ମସା ରାଡ଼ାମାନେସି, “ଆମିନି ମାଣ୍ଡସି ମେରା ମାନି କିହାନା ଦାମ୍ବୁଗାଟାସି ଆନେସି, ଏଞ୍ଜସି ଏମ୍ବାଟି ନୀଡ଼ିନେସି □”

୬ ସାମା ନାମୁତଲେ ଦାମ୍ବୁ ଗାଟାତାୟି ଆନାୟି ଇଞ୍ଜି ସାଢ଼େସ୍ତରିତା ରାସ୍‌କି ଆହାମାନେ, “କ୍ରୀସ୍ତୁଇଁ ରେପହା ତାଚାଲି ତାକି ଆମ୍ବାଆସି ଲାକପୁରୁ ହାଜାଲି ଆଡ଼ିନେସି ?” ମୀରୁ ଇ କାତା ଏଲେଇନାଆଦୁ □

୭ ଇଞ୍ଜା “କ୍ରୀସ୍ତୁଇଁ ହାଡ଼ାରି ତାଣାଟି ନିକ୍‌ହା ତାଚାଲି, ଆମ୍ବାଆସି ତାଡ଼େପୁରୁ ହାନେସି ? ଇ କାତା ଜିକେଏ ମୀରୁ ଏଲେଇନାଆଦୁ □”

୮ ଏନାଆଁତାକି ଇଚିହିଁ ସାଢ଼େସ୍ତରିତା ରାସ୍‌କି ଆହାମାନି ଲେହେଁ, “ମାହାପୁରୁତି ବଲୁ ମୀ ତାଣା ମାନେ, ଅଡ଼େ ମୀ ଗୁତି ଇଞ୍ଜା ହିୟାତା ମାନେ, ଆମିନି ନାମୁତି ବଲୁ ମାମ୍ବୁ ୱେକ୍‌ହି ମାନମି, ଏ ବଲୁ □”

୯ ମୀରୁ ଜୀସ୍ତୁଇଁ ଗୁତି ତଲେ ପ୍ରୁ ଇଞ୍ଜି ଜଲିଦେରି, ଇଞ୍ଜା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣାଟି ନିକ୍‌ହାମାନେସି ଇଞ୍ଜି ହିୟା ତଲେ ନାମିସାରେ, ଆଡ଼ିହିଁ ମୀରୁ ଗେଲୁପି ଆଡ଼େରି;

୧୦ ଇଚିହିଁ ଦାମ୍ବୁଗାଟି ଲକୁ ଆହାଲି ମାଣ୍ଡସି ହିୟା ତଲେ ନାମିନେସି, ଇଞ୍ଜା ଗେଲୁପି ଆହାଲି ଗୁତି ତଲେ ଜଲିନେସି □

୧୧ ଦାମ୍ବୁ ସାଢ଼େସ୍ତରିତା ରାସ୍‌କି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏଞ୍ଜସି ଲାଜା ବେଟାଆଅସି □”

୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିତ୍ରା ପାର୍ଡ଼ା ବାଟି କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରୁ, ଏଚେକା ଲକୁ ଏଞ୍ଜାଣି ତାଣା ପ୍ରାଡ଼ାନା କିନେରି, ବାରେ ଜାଣାକି ଏ କାର୍ମାମେହ୍‌ନାୟି ଆନେ □

୧୩ “ଆମ୍ବାଆସି ପ୍ରୁତି ଦରୁ ଆସାନା ପ୍ରାଡ଼ାନା କିନେସି, ଏଞ୍ଜସି ଗେଲୁପି ଆନେସି □”

୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହିଁ ଏଞ୍ଜାରି ଏଞ୍ଜାଣି ତାଣା ପ୍ରାଡ଼ାନା କିନେରି ? ଇଞ୍ଜା ଏଞ୍ଜାଣି ନେହିଁ ବଲୁ ଷ୍ଟେନାଆନା ଏଞ୍ଜାରି ଏନିକିହିଁ ନାମିନେରି ? ଷ୍ଟେକ୍‌ନାରି ଷ୍ଟେକ୍‌ଆସାରେ ଏ ବଲୁ ଏଞ୍ଜାରି ଏନିକିହିଁ ଷ୍ଟେନେରି ?

୧୫ ଅଡ଼େ ବଲୁ ଷ୍ଟେକ୍‌ହାଲି ତାକି ପାଣ୍ଡୁଞ୍ଜି ଆଆସାରେ ରଅସି ଏନିକିହିଁ ବଲୁ ଷ୍ଟେକ୍‌ନେସି ? ଇ କାତା ସାଢ଼େସ୍ତରିତା ରାସ୍‌କି

ଆହାମାନେ, “ଆମିନି ଗାଟାରି ନେହୁଁ ବଲୁତି କାବୁ ତାନେରି ଏଝାରି କଡାୟାଁ ଏଚେକା ଅଜିତାଇ ।”

୧୭ ସାମା ବାରେଜାଣା ଏ ନେହୁଁ ବଲୁ ଆବା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜି ମାନେସି, “ପ୍ରବୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?”

୧୮ ଏନିଇଚିହୁଁ ନାମୁ ଝେନି ତାଣାଟି ଖାନେ, ଅଡ଼େ ଝେନାୟି କ୍ରାସ୍ତତି ନେହୁଁ ବଲୁଟି ।

୧୯ ସାମା ନାମୁ ଏଲେଇଇଁ, ଏଝାରି ଏନାଆଁ ଏ ବଲୁ ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି ଇଚିହୁଁ ସାସ୍ତେରିତା ରାସ୍ତକି ଆହାମାନେ;

“ଏଝାରି ହାଡ଼ା ବାରେ ଦାରତିତା ଝେଙ୍ଗାମାନେ,
ଏଝାରି କାତା ବାରେ ଦାରତି ମୁଟ୍‌ପୁଲି ପାତେକା ଝେଙ୍ଗାମାନେ
।”

୨୦ ଅଡ଼େ ର ଦେବା ନାମୁ ଝେଞ୍ଜାଲି ଅଣ୍ଡିମାଇଁ, ଇସାୟେଲ ଲକୁ ଏଦାଆଁ ତେଲହାଲି ଆଡ଼ାଆତେରି କି ? ହାରେକା ବାସା ନକେଏ ମସା ଇ କାତା ଝେସାମାନେସି,

“ମା ଲକୁଣି କାର୍‌ବି କିହାଲିତାକି ର ଉଣା କୁଡ଼ାତି ଲେସ୍‌ନିମି,
ଏଲେକିହୁଁ ଏ ରୁଦି ହିଲାଆଗାଟି କୁଡ଼ା ତଲେ ଏଝାରାଇଁ
କାର୍‌ବି କିଞ୍ଜି କିନମି ।”

୨୧ ଅଡ଼େ ଜିସାୟ ସାସାତଲେ ଝେସାମାନେସି,
“ଆମିନି ଗାଟାରି ମାଙ୍ଗେ ପାରିମାଞ୍ଜାଆତେରି, ଏ ଲକୁ ମାଙ୍ଗେ
ବେଟାଆୟାତେରି;

ଆମିନି ଗାଟାରି ମା କାତା ଝେଞ୍ଜିମାଞ୍ଜାଆତେରି, ଏଝାରି ନକିତା
ମାମୁ ତୁଞ୍ଜାଆଡ଼ମି ।”

୨୨ ସାମା ଏଝାସି ଇସାୟେଲ ଲକୁତି କାତା ଝେସାମାନେସି, “ର ମାନ୍ତି
କିଆନା ନା କପାଟି ନିଈନି କୁଡ଼ାତି ନାମୁ ଝେଡ଼ା ତୁସ୍ତେ କେୟୁ ଦାସା
ମାଇଁ ।”

୧୧

ଇସାୟେଲ ଲକୁଣି ମାହାପୁରୁତି କାର୍‌ମା

୧ ✧ ଅଡ଼େ ନାନୁ ଝେଞ୍ଜାଲି ଆଡ଼ିଇଁ, ଆଡ଼ିହିଁ ମାହାପୁରୁ ତାନି ଲକୁଣି ପିସାମାନେସି କି ? ଏଲେଆହିଁ ଏରେଲା ଜିକେଏ ଆଆପେ, ଏନାଆଁତାକି ଇଚିହିଁ ନାନୁ ଜିକେଏ ଅବ୍ରାହାମତି କୃତାତା ଜାର୍ନାଆଡ଼ି ବିନ୍ୟାମିନ୍ ଗଚିତି ଇସ୍ରାୟେଲ ଲକୁତେଏଁ □

୨ ମାହାପୁରୁ ତଲିଟିଏ ବାଚି କିହାଁ ହାଟାମାନି ତାନି ଲକୁଣି ଏରେଲା ଜିକେଏ ପିସାହିଲଅସି, ମୀରୁ ଦାମ୍ନୁ ସାଢ଼ସ୍ତରିତା ପଡ଼଼ି ଆହାହିଲଅତେରି ? ଏନିକିହିଁ ଏଲିୟ ମାହାପୁରୁ ନକିତା ଇସ୍ରାୟେଲ ଲକୁ କପାତଲେ କାତା ଜଲ୍ଲାମାରେସି,

୩ “ପୁରୁ ଏଞ୍ଜାରି ମାହାପୁରୁ ଅଣ୍ଟପୁଡ଼ି ବଲୁ ଝେହ୍ନାରାଇଁ ଏନିକିହିଁ ପାୟାମାନେରି ଇଞ୍ଜା ପୂଜା ପିଣ୍ଡାଣି ଡ଼ିକ୍‌ହାନା ନାସ଼ି କିହାମାନେରି, ଝାରଇ ନାନୁ ରଅତେଏଁ ଗେଲ୍‌ପି ଆହାମାଇଁ; ଏଞ୍ଜାରି ନା ଜୀ଼ୁ ଜିକେଏ ଅହାଲି ଅଣ୍ଟପିମାଞ୍ଜାନେରି □”

୪ ଏଲିୟଇଁ ମାହାପୁରୁ ଝେଣ୍ଡେ ଏନାଆଁ ଏଲେଇଚେସି, “ନାଡ଼ିକିନି ବାଲ୍ ପେନ୍ନୁ, ପୂଡ଼ଲା ନକିତା ମେଣ୍ଡା କୁତା ହିଲଅରି ଇଲେତି ସାତା ମାଣା ଲକୁଣି ମାଞ୍ଜେତାକି ଇଟାମାନମି □”

୫ ଏଲେକିହିଁଏ ନାଏଁ ଜିକେଏ କାର୍ନାମେସାନା ଆଟାମାରେସି, ଏଞ୍ଜାରି ବିତ୍ରାଟି ଏଚର ଜାଣାଦେଁ ମାନେରି □

୬ ସାମା ତାନି କାର୍ନାମେହ୍ନି ତାଣାଟି ଆଡ଼ିହିଁ, ଏଦି କାମାଲଡ଼ା ତାକି ଆହାଲି ଆଡ଼େଏ; ଇଞ୍ଜା ତାନି କାର୍ନାମେହ୍ନାୟି ସାତା ତଲେ କାର୍ନାମେହ୍ନାୟି ଆଏ □

୭ ଆଡ଼ିହିଁ ଏନାଆଁ ଆଡ଼େ ? ଇସ୍ରାୟେଲତି ଲକୁ ଏନାଆଁ ପାରିମାରେରି, ଏଦାଆଁ ବେଟାଆଆତେରି; ଝାରଇ ମାହାପୁରୁ ଆଟାମାନି ଏଚରଜାଣା ଲକୁ ଏଦାଆଁ ବେଟାଆଡ଼େରି, ଏଟ୍‌କାତାରି ଆମ୍ବାଆରି ଜିକେଏ ମାହାପୁରୁ ହାଟାମାନାଣି ମନ୍ ହାଆତେରି □

୮ ସାଢ଼ସ୍ତରିତା ରାସ୍‌କି ଆହାମାନେ, “ମାହାପୁରୁ ନାଞ୍ଜୁପାତେକା ଏଞ୍ଜାରାକି ଆଟ୍‌ଞ୍ଜା ଜୀ଼ୁ ହାହାମାନେସି, ଅଡ଼େ ଇଲେତି କାଣକା ହାହାମାନେସି, ଏନିକିହିଁ ଏଞ୍ଜାରି ମେସାଲି ଆଡ଼ି ହିଲଅରି, ଅଡ଼େ ଇଲେତି କାର୍କା ହାହାମାନେସି ଏଞ୍ଜାରି ଝେଞ୍ଜାଲି ଆଡ଼ିହିଲଅରି □”

୯ ଏଞ୍ଜାରି କାତା ଦାଝୁଦ ରାଚାମାନେସି,
 “ଏଞ୍ଜାରି ପାର୍ବୁତି ରାନ୍ଦା ତିନା ଉନାଟି ପାନ୍ଦାତା ରିପାରି,
 ଏଞ୍ଜାରି ତରଗାନା ତଣ୍ଡ ବେଟାଆଠେରି □
 ୧୦ ଏଞ୍ଜାରି ଏନିକ୍ସି ମେସାଲି ଆଡ଼ଅରି, ଏଦାଆଁତାକି ଏଞ୍ଜାରି
 କାଣାୟା ଆଠେରି,
 କାଲେଏ ଦୁକୁ କସ୍ତ ବେଟାଆହାନା ଏଞ୍ଜାରି ଟେଡେଲି ଚୁଡୁଞ୍ଜା
 ଆଠେରି □”

୧୧ ନାନୁ ଏଲେ ଇଞ୍ଜିମାଲ୍, ଏଞ୍ଜାରି ନାସଞ୍ଜି ଆହାଲି ପୁଟି କିହା
 ମାନେରି କି ? ଆଏ ଏଚେଲ୍ଲା ଜିକେଏ ଆଆଠେ, ସାମା ଏଞ୍ଜାରି ପାପୁ
 କିତାକି, ଏଞ୍ଜାରାଲ୍ କାର୍ବି କିହାଲିତାକି ଜୀହୁଦିଆଆତାରି ନକିତା
 ଗେଲ୍ପିଆନି ଅଦିକାରା ମେଡ଼ାଆଠେ □

୧୨ ଜୀହୁଦି ଲକୁତି ପାପୁ ଦାର୍ଡିତି ବାରେ ଲକୁତାକି ହାରେକା
 ବାଡକୁ ଲେହେଁ ଆହାମାନେ, ଜୀହୁଦି ଲକୁ ରିତାକି ଜୀହୁଦିଆଆତି
 ଲକୁତାକି ବର ହାରେଏ ଗାତି ଲାବା କିହାମାନେରି, ଇଞ୍ଜା ବାରେ
 ଜୀହୁଦି କୃଡ଼ା ଗେଲ୍ପି ଆଡ଼ିହ୍ମିମା ଏମ୍ପାଟି ଏଚେକା ଗାତି ବର
 ବେଟାଆଅରି □

ଜୀହୁଦିଆଆତାରି ଗେଲ୍ପି ଆନାୟି

୧୩ ଜୀହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଲ୍, ନାନୁ
 ଜୀହୁଦିଆଆତି ଲକୁତାକି ପାଣ୍ଡୁଞ୍ଜି ଆହାମାନାକି ନା ସେବା କାମାତି
 ପାଣା ତାକି ନାନୁ ବଡପଣ ଆହିମାଲ୍ □

୧୪ ଏନିକ୍ସି ଆଠେ ଜାହାରା କୃଡ଼ାତି ଲକୁଣି ରାହ୍ନା କିଞ୍ଜିକିହାନା
 ଏଞ୍ଜାରି ତାଣାଟି ଏଚର ଜାଣାଲ୍ ଗେଲ୍ପାଲି ଆଡ଼ିଲ୍ □

୧୫ ଏନାଆଁତାକି ଇଚିହ୍ମି ଏଞ୍ଜାରି ପିସ୍ପିଆଡ଼ାକି ଦାର୍ଡି ତଢେ
 ଆଠେ □ ଆଡ଼ିହ୍ମି, ମାହାପୁରୁ ବାରେ ଜୀହୁଦି କୃଡ଼ାତି ଆବିସାରେ,
 ଏଦାଆଁତି ପାଡ଼େୟି ଏନାଆଁ ଆନେ ? ଏଡ଼ି ହାଡ଼ି ମାଣ୍ଡି ଜୀଞ୍ଜୁ
 ବେଟାଆଡ଼ି ଲେହେଁ □

୧୬ ରଚାଣି ରୁଟି ମାହାପୁରୁ ଦରୁତଲେ ହେର୍ପି ଆହାମାଚିହ୍ମି,
 ବାରେ ରୁଟି ଜିକେଏ ହେର୍ପି ଆହାମାନେ ଇଞ୍ଜି ଇନାୟି; ର

ମାର୍‌ନୁତି ହୀରୁ ହେରପି ଆହାମାଚିହିଁ, ଏଦାଣି କମା କାନ୍ଦି ଜିକେଏ ହେରପି ଆହାମାନୁ ଇଞ୍ଜିଁ ଅଣ୍‌ପିନାୟି ।

୧୭ ସାମା ଏଚେକା କମାୟାଁ ରାଡ୍‌ପି ଆତୁ ଅଡ଼େ ମୀରୁ ଜାଡ଼ାତି ଜୀତ ମାର୍‌ନୁତି କମାୟାଁ ଆଡ଼ିଜିକେଏ ଏ ବିତ୍ରା ଦୁସ୍‌ପିଆଡ଼େରି, ଅଡ଼େ ଏଞ୍ଜାରିତଲେ ଜୀତ ମାର୍‌ନୁତି ଡାକିତି ରାସାତା ଆଣ୍ଡିତେରି ।

୧୮ ଆଡ଼ିହିଁ ଏ କମାୟାଁ କପାତଲେ ବଡ଼ପଣ ଆଆଦୁ; ସାମା ମୀରୁ ବଡ଼ପଣ କିଦେରି, ମୀରୁ ମାର୍‌ନୁତି ଡାକିତି ଆସା ହିଲଅତେରି, ସାମା ତାକି ମିଙ୍ଗେ ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା ଡ଼ୟାଦୁ ।

୧୯ ଆଡ଼ିହିଁ ମୀରୁ ଏଲେଇଞ୍ଜାଲି ଆଡ଼ିଦେରି, “ନାଙ୍ଗେ ଟାୟୁ ହୀହାନା ଦୁରସାଲି ତାକି ଏ କମାଣି ରାଡ୍‌ପି ଆହାମାରୁ ।”

୨୦ ଏଦି ସାତା, ଏଞ୍ଜାରି ନାମାଆଲିଏ ରାଡ୍‌ପି ଆଡ଼େରି, ମୀରୁ ଖାରୁଇ ନାମାଲିଏ ଏ ଟାୟୁ ଅଦିକାରା କିହାମାଞ୍ଜେରି, ସାମା ବଡ଼ପଣ ଆଆନା ଆଜାଦୁ;

୨୧ ମାର୍‌ନୁତା ଗାଲୁହାମାନି କମାୟାଁ ଲେହେଁ ଜୀହୁଦି ଲକୁଣି ମାହାପୁରୁ ତଣ୍ଡୁ ହୀଆନା ପିସାହିଲଅସି ଇଚିସାରେ, ଏଞ୍ଜାସି ମିଙ୍ଗେ ଜିକେଏ ପିସୁଅସି ।

୨୨ ଇମ୍‌ଆଁ ସିନିକିନି କାତା, ମାହାପୁରୁ ଏନିକିହିଁ କାର୍‌ମା ମେହ୍‌ନାସି ଇଞ୍ଜାଁ କାର୍‌ବି ଆନାସି; ଆମ୍‌ଆରି ପାପୁତା ତରଗା ମାନେରି, ଏଞ୍ଜାରାଇଁ ଏଞ୍ଜାସି କାର୍‌ବି ଆନେସି; ସାମା ଏଚରଦିନା ପାତେକା ତାନି କାର୍‌ମାମେହ୍‌ନି ତାଣା ଡ଼ୟିଦେରି, ଏଚରଦିନା ମିଙ୍ଗେତାକି କାର୍‌ମା ମେସ୍ତାନେସି, ତାନି କାର୍‌ମାମେହ୍‌ନାଣି ଜାକ୍‌ହିସାରେ; ମୀରୁ ଜିକେଏ ରାଡ୍‌ପି ଆଦେରି ।

୨୩ ଜୀହୁଦି ଲକୁ ଏଞ୍ଜାରି ନାମୁତି ପିହିଅରି, ଆଡ଼ିହିଁ ଏଞ୍ଜାରି ତଲିମାଚି ଟାୟୁତା ଖେଣ୍ଡେ ତୀରି ଆନେରି । ମାହାପୁରୁ ଇଦାଆଁ କିହାଲି ଆଡ଼ିମାନେସି ।

୨୪ ଜୀହୁଦିଆଆତି ଲକୁ ଜାଡ଼ାତି ଜୀତ ମାର୍‌ନୁତି ଗମାୟାଁ ଲେହେଁ । ଏଞ୍ଜି ରାଡ୍‌ପି ଆହାନା ଏମ୍‌ତାଇ ଆଆତି ଜିକେଏ ବାଡ଼ାତା ପାଡ଼ିକିହାମାନି ଜୀତ ମାର୍‌ନୁ ତଲେ ଦୁସ୍‌ପି ଆହାମାନୁ । ଜୀହୁଦି କୁଡ଼ାତି ଲକୁ ବାଡ଼ାତା ପାଡ଼ିକିହାମାନି ଜୀତ ମାର୍‌ନୁ ଲେହେଁ । ଇ

ମାର୍‌ନୁତି ରାତ୍‌ପି ଆହ୍‌ମାନି ଗମାଣି ଖେଣ୍ଡେ ମାର୍‌ନୁ ତଲେ ଦୁର୍‌ସାଲି
ମାହାପୁରୁ ଆଡ଼ିନେସି □

ବାରେ ଜାଣାକି ମାହାପୁରୁତି କାର୍‌ମାମେହ୍‌ନାୟି

୨୫ ଏ ତାୟି ତାଜିସ୍‌ମାତେରି, ମୀରୁ ଏନିକ୍‌ ମିଜ୍‌ଜେତାକି
ମୀରୁଏ ବୁଦିଗାଗାତମି ଇଜ୍‌ ଅଣ୍‌ପଅତେରି, ଇଦାଆଁତାକି ମୀରୁ
ଇ ଡ଼ଗୁମାନି କାତାତି ପୁନାଆନା ମାଣ୍‌ମେରି ଇଜ୍‌ ନା ମନ
ହିଲେଏ, ଇଚିହ୍‌ ଜୀହୁଦିଆଆତି ଲକୁ ବାରେ ହଡ଼ଆ ପାତେକା
ଇସ୍‌ମାୟେଲତି ଏଚେକା ଲକୁ ନାମାଆନା ଡ଼ୟିନେରି;

୨୬ ଇଲେଆହ୍‌ ବାରେ ଇସ୍‌ମାୟେଲ ଲକୁ ଗେଲ୍‌ପି ଆନେରି,
ଏନିକ୍‌ ରାସ୍‌କି ଆହ୍‌ମାନେ,
“ଗେଲ୍‌ପି କିନାସି ସିୟନଟି ଖାନ୍‌ନେସି,

ଜାକୁବ କୁଡ଼ାତା ମାନି ବାରେ ଲାଗେଏତାଣି ହେକ କିନେସି □

୨୭ ଏଚିବେଲା ନାନୁ ଏଞ୍ଜାରି ପାପୁ ବାରେ ହେକ କିଇଁ,
ଏଚିବେଲା ଏଞ୍ଜାରିତଲେ ଇ ରାଜିମାନା କିନମି □”

୨୮ ନେହ୍‌ କାରୁତି ଆହ୍‌ଆ ଜୀହୁଦି ଲକୁ ମିଜ୍‌ଜେତାକି ମାହାପୁରୁକି
ସାତୁୟାଁ ଆହ୍‌ମାନେରି, ସାମା ମାହାପୁରୁ ଆଚାମାନି ଆକୁ ଆବାୟାଁ
ତାକି ଏଞ୍ଜାରି ମାହାପୁରୁକି ଜୀହୁ ନନାରି ଆହ୍‌ମାନେରି □

୨୯ ଇଚିହ୍‌ ମାହାପୁରୁ ଆଚାମାନାୟି ଅଡ଼େ ତାନି କାର୍‌ମାତି ଦାନା
ଏଚେଲାଞ୍ଜା ଉଜେଏ ଆଏ □

୩୦ ଜୀହୁଦିଆଆତି ଲକୁତେରି ତଲି ମୀରୁ ମାହାପୁରୁଇଁ ମାନି
କିହାହିଲାଆତେରି; ସାମା ନୀଏଁ ଜୀହୁଦି ଲକୁ ମାନି କିଆତାକି
ମାହାପୁରୁତି କାର୍‌ମାମେହ୍‌ନାଣି ବେଟାଆଡ଼େରି,

୩୧ ଏଲେଆହ୍‌ ଏ ଏଞ୍ଜାରି ଜିକେଏ ନୀଏଁ ମାନି କିହାହିଲଅରି,
ଏନିକିହ୍‌ ମିଜ୍‌ଜେତାକି ତଞ୍ଜାଆହ୍‌ମାନି କାର୍‌ମାମେହ୍‌ନାଣି ତଲେ
ଏଞ୍ଜାରି ଜିକେଏ ନୀଏଁ କାର୍‌ମାମେହ୍‌ନାଣି ବେଟାଆନେରି □

୩୨ ଏନିଇଚିହ୍‌ ମାହାପୁରୁ ବାରେ ଜାଣାଇଁ କାର୍‌ମା ମେସାଲି ତାକି
ମାହାପୁରୁ ବାରେଜାଣାତି ମାନି କିଆରେଚୁ ହେର୍‌ପା ମାନେସି □

ମାହାପୁରୁକି ଗାଞ୍ଜୁରମି

୩୩ ଅହତା! ମାହାପୁରୁତି ବୁଦି ଇଞ୍ଜା ପୁନି ବାଡ଼ନ୍ତୁ ଏତେକା କାଜାୟି! ତାନି ଅଣ୍ଟପୁତ ଆମ୍ବାଆସି ତେଲୁହି କିୟାନେସି ? ଇଞ୍ଜା ତାନି ଜିରୁତି ଆମ୍ବାଆସି ପୁଞ୍ଜାଲି ଆଡ଼ିମାନେସି ?

୩୪ ସାସ୍ତେରିତା ରାସ୍ତକି ଆହାମାନେ;

“ଆମ୍ବାଆସି ମାହାପୁରୁତି ଅଣ୍ଟପୁତା ମାନାଣି ତେଲୁହିନେସି ?

ଆମ୍ବାଆସି ଏଞ୍ଜାଣାଲୁଁ ଝେସାଲି ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏତେଲା ଏନାଆଁ ହୀହାମାନେସି,

ଏଦାଆଁତାକି ଏଞ୍ଜାଣାକି ଏଞ୍ଜାସି ଝେଣ୍ଡେ ହୀନାୟି ମାନେ ?”

୩୬ ☆ବାରେ ଗାଡ଼ି ଆଡାୟି ତାନିତାଣାଟି, ତାନି କେୟୁତଲେ, ଅଡ଼େ ତାଙ୍ଗେତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଞ୍ଜୁରମି ଆପେ, ଆଫେନ □

୧୨

କ୍ରୀସ୍ତ ତାଣା ପୁଞ୍ଜି ଜୀଞ୍ଜୁ

୧ ଇଦାଆଁତାକି ତାୟି ତାଙ୍ଗିସ୍ତାତେରି, ମାଙ୍ଗେତାକି ମାହାପୁରୁତି ହାରେକା କାର୍ମାମେହନାଣି ତାକି ମିଙ୍ଗେ ନାନୁ ବାତିମାଲିମାଞ୍ଜାଲୁଁ, ମୀରୁ ମୀ ଆଙ୍ଗାତି ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ ଅପିନି ଲେହେଁତି ପୂଜା ହୀଦୁ, ଇଦିଏ ମାହାପୁରୁତି ସାତା ସେବା □

୨ ମୀରୁ ଇ ଜୁଗୁତି ମାଣ୍ଡକିତା ମାନାଆଦୁ, ସାମା ଏନିକିହିଁ ମାହାପୁରୁତି ଅଣ୍ଟପୁ ଏନାୟି, ଇତିହିଁ ନେହାୟି, ଅପିନାୟି ଇଞ୍ଜା ଟିକ୍‌ଶାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ହିୟାଁତି ପୁଞ୍ଜି କିହାନା ବାଦଲି କିଦୁ □

୩ ମାହାପୁରୁ ନାଙ୍ଗେ କାର୍ମାମେହନାଣି ହୀହାମାଞ୍ଜାନାକି ବାରେକାଣା ତେରି ମିଙ୍ଗେ ନାନୁ ଝେସିମାଞ୍ଜାଲୁଁ, ଆମ୍ବାଆତେରି ଜିକେଏ ମୀ ତାକି ମୀରୁ ଏନିକିହିଁ ଅଣ୍ଟପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜା ଅଣ୍ଟପାଆଦୁ; ସାମା ମାହାପୁରୁ ଆମ୍ବାଆରାକି ଏତେକା ନାମୁ ହୀହାମାନେସି, ଏଲେକିହିଁଏ ବାରେକାଣା ପୁଞ୍ଜାକତିନି ଲେହେଁ ମୀ ତାକି ମୀରୁ ଅଣ୍ଟପା କତାଦୁ □

୪ ✨ ଇଚିହଁ ଏନିକଁ ମା ଆଜ୍ଞାତା ହାରେକା ଆଜ୍ଞା ଉଡେଲିକା ମାନୁ, ସାମା ବାରେ ଆଜ୍ଞା ଉଡେଲିକାତି କାମା ରଲେଏତାୟି ଆଏ
□

୫ ଏଲେଆହଁଏ, ମାର ହାରେକା ଜାଣାତାୟି, ସାମା ବାରେଜାଣା କ୍ରୀସ୍ତ ତଲେ ଆଣ୍ଟାମାନାକି, ମାର ରଣ୍ଡିଏ ଆଜ୍ଞା ଇଞ୍ଜା ଆଜ୍ଞାତି ଆଜ୍ଞା ଉଡେଲିକା ଲେହେଁ ମାର ରଅସି ରଅଣା ତଲେ ଆଣ୍ଟାମାନାୟି □

୬ ✨ ଏଦାଆଁତାକି ମାଜେ ମାହାପୁରୁ ହୀହାମାଞ୍ଜାନି କାର୍ମାତଲେ ହାରେକା ଦାନା ବେଟା ଆହାମାନାୟି, ମାର ମାହାପୁରୁତି ବଲୁ ଝେକହାଲି ତାକି ବାଡ଼ୁୟୁ ବେଟା ଆହାମାନାୟି, ମାର ଆବ୍‌ଝା ନାମୁତଲେ ଏ କାମା କିନାୟିମାନେ;

୭ ଏଦାଆଁ ସେବା କାମା କିହାଲି ବାଡ଼ୁୟୁ ବେଟାଆହାମାନାୟି, ଆତିହଁ ମାର ସେବା କାମା କିନାୟିମାନେ; ଜାପୁହାଲି ବାଡ଼ୁୟୁ ବେଟାଆହାମାନାୟି, ଆତିହଁ ଜାପୁନାୟି ମାନେ;

୮ ବାସୁତି କାତା ଝେସାଲି ବାଡ଼ୁୟୁ ବେଟାଆହାମାତିହଁ, ବାସୁତି କାତା ଝେସପାସି; ଦାନା କିହାଲି ବାଡ଼ୁୟୁ ବେଟାଆହାମାନି ମାଣ୍ଡି ରାହାଁତଲେ ଦାନା ହୀପେସି □ ଏବ୍‌କା ଲକ୍ଷୁତି କାମାତି ସିନିକିହାଲି ଅଦିକାରା ବେଟାଆହାମାତିହଁ ଝାହୁତଲେ କାମା କିନାୟିମାନେ; ଆମ୍ବାଆସି କାର୍ମା ମେହନାସି, ରାହାଁ ମନତଲେ ସାଢେମି କିପାସି □

୯ ଜୀଝୁନନାୟି କୁରୁ ହିଲାଆଗାଟାୟି ଆପେ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହଦୁ;

୧୦ କ୍ରୀସ୍ତ ନାମୁତି ତାୟି ତାଜି ଲେହେଁ ରଅତେରି ରଅଣାଇଁ ଜୀଝୁ ନଦୁ; ଇଞ୍ଜା ରଅତେରି ରଅଣାଇଁ ମାନି କିହାଲି ରାହାଁ ଆଦୁ;

୧୧ ରାହାଁତା ଉଣା ଆଆଦୁ; ସୁଦୁଜୀଝୁତା ପାର୍‌ସାତା ଆହାଁ ଡୟାଦୁ; ହିୟାଁ ଜୀଝୁ ହୀହାନା ପ୍ରୁଇଁ ସେବା କିଦୁ □

୧୨ ବାସୁ ଇଟାନା ରାହାଁ କିଦୁ; ଦୁକୁ କସ୍ତ ବେଲାତା ସାସା ଆହଦୁ; ଜମାଆନା ପ୍ରାତାନା କିଦୁ;

୧୩ ମାହାପୁରୁ ଲକ୍ଷ୍ମୀ ଲତାମାନାଣି ସାୟେମି କିଦୁ; ଇଜ ଖାନ୍ତି
ଗତାୟାଣି ସେବା କିଦୁ □

୧୪ ✽ଆମ୍ବାଆରି ମିଙ୍ଗେ ସାସ୍ତି ହିୟାନେରି, ଏଞ୍ଜାରି ନେହେଁତାକି
ମାହାପୁରୁ ତାଣା ପ୍ରାତାନା କିଦୁ; ଏଞ୍ଜାରାକି ବର ହୀଦୁ; ବାକା
ଇଗାଆଦୁ □

୧୫ ଆମିନି ଗାଗାରି ରାହାଁ କିନେରି ଏଞ୍ଜାରିତଲେ ରାହାଁ କିଦୁ;
ଆମ୍ବାଆରି ତାନେରି ଏଞ୍ଜାରିତଲେ ତୀଦୁ □

୧୬ ବାରେଜାଣା ରଣ୍ଡିଏ ଅଣ୍ପୁ ଅଣ୍ପାଦୁ, ଖାରୁଇ କାଜାରି ତଲେ
ତଣେ ଦହଆନା ଇଚାରି ତଲେ ଜିକେଏ ଆଣ୍ଡୁଞ୍ଜି ଆହାନା ମାଞ୍ଜୁ □
ମୀରୁ ମୀ ବୁଦିତଲେ ବୁଦିଗାଗାତମି ଇଞ୍ଜା କଡାଆଦୁ □

୧୭ ଆମ୍ବାଆସି ମିଙ୍ଗେ ଲାଗେଏ କିୟାତିହୁଁ, ଏଞ୍ଜାଣାଇଁ ଲାଗେଏ
କିଆଦୁ; ବାରେ ଲକ୍ଷ୍ମୀ ନକିତା ଏନାୟି ନେହାୟି, ଏଦାଆଁ କିଦୁ □

୧୮ ଆଡିତିହୁଁ ବାରେଜାଣା ତଲେ ହିଡଡି ତଲେ ନୀତାବାଡକାଲି
ତାକି ଏନି କିନାୟିମାନେ ଏଲେକିଦୁ □

୧୯ ଏ ଜୀଞ୍ଜୁତି ତଣେସିଙ୍ଗା, ମୀରୁ ଆମ୍ବାଆରି କପାତି ବାଦୁଲି
ଅଥାଦୁ □ ମାହାପୁରୁତି କପାତି ଲକ୍ଷ୍ମୀ ଆହାଲି ପିସାତୁହୁଦୁ □
ଏନାଆଁତାକି ଇଚିହୁଁ ସାସ୍ତିରିତା ରାସ୍ତି ଆହାମାନେ, ପ୍ରବୁ
ଏଲେଇଞ୍ଜି ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାମି
କାମାତି ପାଡଡିୟି ହୀଇଁ □”

୨୦ ଅଡେ ଜିକେଏ, “ମୀ ସାତୁ ହାକି ଆହାମାତିସାରେ, ଏଞ୍ଜାଣାକି
ତିଞ୍ଜାଲି ହୀଦୁ; ଏଞ୍ଜାସି ଏସ୍ତି ଆହାମାତିସାରେ ଗସାଲି ହୀଦୁ; ଇଲେ
କିତିସାରେ ଏଞ୍ଜାଣିଲକ ତୀଞ୍ଜିମାନି ହିରୁତି ରୀଙ୍ଗାୟାଁ ଏକ୍‌ହି ମାଞ୍ଜେରି
□”

୨୧ ଲାଗେଏତି କାମା ତଲେ ଜୀଣା ଆଆନା, ନେହୁଁ କାମା ତଲେ
ଲାଗେଏତି କାମାତି ଜୀଣା ଆଦୁ □

୧୩

ସାଲ୍‌ଞ୍ଜି କିନାରାଇଁ ମାନି କିନାୟି

୧ ବାରେଜାଣା ସାଲୁଖି କିନାରାଇଁ ମାନି କିନାୟିମାନେ, ଏନାଆଁତାକି ଇଚିହଁ ମାହାପୁରୁତି ହେଲ ଆଥାତିହଁ ଆମ୍ବାଆସି ଜିକେଏ ସାଲୁଖି କିନି ପାଣା ବେଟାଆଅସି, ପାଣାତା ମାନି, ସାଲୁଖି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆର୍ଡ଼ି ଆହାମାନେରି □

୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଖି କିନାରି କପାତଲେ ନିଜିନେସି, ଏଞ୍ଜାସି ମାହାପୁରୁ ମୋରାତି କପାତଲେ ନିଜିନେସି; ଆମ୍ବାଆରି ଏଲେକିନେରି ଏଞ୍ଜାରି ତାମ୍ବୁତାମଙ୍ଗେ ତଣ୍ଡ ବେଟାଆହାଲି ତାକି କିନେରି □

୩ ଇଚିହଁ ସାଲୁଖି କିନାରି ନେହଁ କାମାତାକି ଆଜିଗାଟାରି ଆଏ, ସାମା ଲାଗେଏତି କାମାତାକି ଆଜିଗାଟାରି ଆନେରି □ ସାଲୁଖି କିନାରାଇଁ ଆଜାଆନା ଡୟାଲି ମନ ମାନେକି ? ଆତିହଁ ନେହଁ କାମା କିଦୁ, ଆତିହଁ ଏଞ୍ଜାରି ତାଣାଟି ନେହଁ ବେଟାଆଦେରି,

୪ ମୀ ନେହଁ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି □ ସାମା ମୀରୁ ଲାଗେଏତି କାମା କିଦେରି, ଆତିହଁ ସାଲୁଖି କିନାଣାଇଁ ଆଜାଦୁ, ଏନାଆଁତାକି ଇଚିହଁ ଏଞ୍ଜାସି ଉଜେଏ କାଣ୍ଡା ଆହୁଅସି, ଏନିଇଚିହଁ ଏଞ୍ଜାସି ମାହାପୁରୁତି ସେବା କିନାସି, ଇଚିହଁ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ତଣ୍ଡ ହୀନାସି □

୫ ଏନିଇଚିହଁ, ଝାଉଇ କାରୁବିତି ଆଜିତାକି ଆଏ, ସାମା ମା ହିୟାତା ମାନି ଅଣ୍ଡୁ ପୁଞ୍ଜାହାଁ ସାଲୁଖି କିନାରି କାତା ମାନି କିନାୟିମାନେ □

୬ ☆ଇଦାଆଁତାକି ମୀରୁ ସିସ୍ତୁ ଜିକେଏ ହୀହିମାଞ୍ଜେରି, ଏନାଆଁତାକି ଇଚିହଁ ମାହାପୁରୁତି ସେବା କିନାରି ଲେହେଁ ଆହାନା ସାଲୁଖି କିନି କାମା ଜିକେଏ କିନେରି □

୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହୀଦୁ; ଆମ୍ବାଆରାକି ସିସ୍ତୁ ହୀନାୟି ମାନେ ଏଞ୍ଜାଣାକି ସିସ୍ତୁ ହୀଦୁ; ଆମ୍ବାଆରାକି ଆସ୍ଲି ହୀନାୟି ମାନେ ଏଞ୍ଜାଣାକି ଆସ୍ଲି ହୀଦୁ; ଆମ୍ବାଆରାଇଁ ଆଜିନାୟି ମାନେ ଏଞ୍ଜାଣାଇଁ ଆଜାଦୁ; ଆମ୍ବାଆରାଇଁ

☆ ୧୩:୬ ୧୩:୭ ମାତି ୨୨:୨୧; ମାର୍କ ୧୨:୧୭; ଲୁକ ୨୦:୨୫

ମାନି କିନାୟିମାନେ ଏଞ୍ଜାଣାଇଁ ମାନି କିଦୁ □

ରଥସି ରଅଣାଇଁ ଜୀଞ୍ଜୁନନାୟି

୮ ରଅତେରି ରଅଣାଇଁ ଜୀଞ୍ଜୁ ନଞ୍ଜିଆନି ପିସ୍‌ପେ ଅଡ଼େ ଏନଞ୍ଜା ଆମ୍ବାଆରି ତାଣା ଜିକେଏ ରୀଣା ଆଆଦୁ; ଏନାଆଁତାକି ଇଚିହିଁ ଆମ୍ବାଆସି ଏଚକାତାଣାଇଁ ଜୀଞ୍ଜୁ ନନେସି, ଏଞ୍ଜାସି ମସାତି ନେରା ମାନଞ୍ଜି ଆହିମାନେସି □

୯ “ଦାରି କିଆଦୁ, ଲକୁଣି ପାୟାଆଦୁ, ସରୁ କିଆଦୁ, ଏଚକା ଲକୁତି ଦିଶ୍‌ସୁତି ଜୁପକା ଆଆଦୁ,” ଈ ବାରେ ହୁକୁମି ର ହୁକୁମିତା ମାନେ, “ପାଡ଼ିତି ଲକୁଇଁ ମୀ ଜୀଞ୍ଜୁତି ଜୀଞ୍ଜୁ ନହାଁ କଡିନି ଲେହେଁ ଜୀଞ୍ଜୁନଦୁ □”

୧୦ ଜୀଞ୍ଜୁନନାୟି ପାଡ଼ିତି ଲକୁଣି ଲାଗେଏ କିଏ; ଏନିଇଚିହିଁ ଜୀଞ୍ଜୁନନାୟି ମସାତି ନେରା ପୂରା କିନେ □

୧୧ ଇଚିହିଁ ଇଦାଟି ତେଞ୍ଜିଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଈ ବାରେ କିଦୁ; ଇଚିହିଁ ମାର ନାମିତି ଦିନାଟିଏ ଗେଲ୍‌ପି ଆନାୟି ତଲିତି କିହାଁ ହାରେକା ତାଗେ ଖାଡ଼େୟିଏ □

୧୨ ଆନ୍ଦେରି ହାଜିମାନେ, ଲାଇ ଖେୟିମାନେ □ ଏଦାଆଁତାକି ଖାଦୁ ମାର ଆନ୍ଦେରିତି କାମା ବାରେ ପିସାନା ଉଜେଡ଼ିତା ଜୁଜୁ କିହାଲି ଟିକାଣାତି ସାକୁ ତୁରନ □

୧୩ କାଡ଼ୁ ଗସାହାଁ ମନକିତି ରାହାଁ, କାଡ଼ୁ ଗସାହାଁ ହଡ଼ିନାୟି, ମାନି ହିଲାଆଗାଟାୟି, ଲାଗେଏତି ମାଣ୍‌କି, ତାହାରା, ଗଡ଼ହା କିନିତାଣା କାମାତା ଆଣ୍ଡାଆନା ଖାଦୁ, ଉଜେଡ଼ିତି କାମାତା ମାନି ଲକୁ ଲେହେଁ ନେହିଁ ମାଣ୍‌କି ତଲେ ମାନ □

୧୪ ପ୍ରୁ ଜୀସୁ କ୍ରୀସ୍‌ଟ୍‌ ମୀରୁ ହିମ୍‌ରିଲେହେଁ ପରଦୁ, ପାପୁ ଇଞ୍ଜା ଆଙ୍ଗାତି ଲାଗେଏତି ଅଣ୍‌ପୁ ତଲେ ରାହାଁ କିହାଲିତାକି ହିୟାତା ଅଣ୍‌ପାଆଦୁ □

୧୪

ଏଚକା ଲକୁଣି ଦହ ଦହଆଦୁ

୧ ☆ନାମୁତା ଆଚ୍‌ଖା ହିଲାଆଗାଟାରାଇଁ ଆବାଦୁ, ସାମା ତାନି

☆ ୧୪:୧ ୧୪:୧ କଲସି ୨:୧୭

କାତାତି ଅଣ୍ଠପୁ ତାକି ତାନିତଲେ ବାଦ୍‌ହାରା କିଆଦୁ □

୨ ବାରେ ତିଞ୍ଜାଲି ତାକି ରଅଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା ମାନେସି ଏଞ୍ଜାସି ୱାର୍‌ଇ ଜାନ୍ନୁ କୁଚା ତିନାପେସି □

୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଣାଲ୍ ହୀଣି କିଆପେସି; ଇଞ୍ଜା ତିନାଆଗାଟାସି ତିନାଣାଲ୍ ନୀହାୟି କିଆପେସି, ଏନ୍‌ଇତିହ୍ ମାହାପୁରୁ ଏଞ୍ଜାଣାଲ୍ ଆବା ମାନେସି □

୪ ନାନୁ ଆମ୍ବାଆତି ଅର ରଅଣି ହଲେଏଣାଲ୍ ନୀହାୟି କିହିମାଞ୍ଜି ? ଏଞ୍ଜାସି ତାନି ସାଞ୍ଜୁକାରି ତାଣା ତୀରି ଆନେସି କି ତୀରି ଆଅସି; ଏଞ୍ଜାଣାଲ୍ ତୀରିକିହାଁ ଇଟାଲି ପ୍ରୁ କେୟୁତା ବାଡ୍‌ୟୁ ମାନେ □

୫ ରଅସି ର ଦିନାତି କିହାଁ ଅର ଦିନାତି ହାଡ୍‌ରେକା ମାନି କିନେସି, ଅଡ୍‌ତେ ରଅସି ବାରେ ଦିନାତି ରଲେଏତାଇ ଇଞ୍ଜା ଅଣ୍ଠପିନେସି, ବାରେଜାଣା ତାନି ମନତା ତୀରି କିହାନା ମାନିଞ୍ଜି ଆପେରି □

୬ ଆମ୍ବାଆସି ର ଦିନାତି ହାଡ୍‌ରେକା ନେହାୟି ଇଞ୍ଜା ଅଣ୍ଠପିମାନେସି, ମାହାପୁରୁତି ଗାଞ୍ଜୁରମି ତାକି ଏଲେଇଞ୍ଜି ଅଣ୍ଠପାପେସି □ ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁଲ୍ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଞ୍ଜାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁଲ୍ ଜହରା କିନେସି □

୭ ଆମ୍ବାଆସି ତାଙ୍ଗେତାକି ନୀତଅସି, କି ଆମ୍ବାଆସି ତାଙ୍ଗେତାକି ହାଅସି □

୮ ମାର ନୀତାମାନାୟି ଇତିସାରେ, ପ୍ରୁ ତାକି ନୀତାମାନାୟି ଇଞ୍ଜା ହାଡ୍‌ସାରେ ପ୍ରୁ ତାକି ହାନାୟି □ ଏଦାଆଁତାକି ନୀତିନାୟି କି ହାନାୟି ମାର ପ୍ରୁତି ଲକୁ □

୯ ଏଦାଆଁତାକି ଇତିହ୍ କ୍ରୀସ୍ତ ହାହାନା ୱେଣ୍ଡେ ନିଙ୍ଗାମାନି ତାଣାଟି ନୀତାମାନାରି ଇଞ୍ଜା ହାଡ୍‌ାରି ବାରେଜାଣାତି ପ୍ରୁ ଆହାମାନେସି □

୧୦ ☆ନାନୁ ଏଦାଆଁତାକି ମୀ ତାୟିଲ୍ ବେରଣି କିହିମାଞ୍ଜି ? ଏଦାଆଁତାକି ମୀ ତାୟିଲ୍ ହୀଣି କିହିମାଞ୍ଜି ? ମାର ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି □

୧୧ ଏନାଆଁତାକି ଇଚିହଁ ସାସ୍ତେରିତା ରାସ୍ତକି ଆହ୍ମାମାନେ;
 “ପ୍ରବୁ ଏଲେଇଞ୍ଜି ମାନେସି, ଇଚିହଁ ନାନୁ ଜୀଞ୍ଜୁଗାଟି ମାହାପୁରୁ,
 ବାରେଜାଣା ନା ନକିତା ମେଣ୍ଡା କୁତିନେରି,
 ବାରେଜାଣା ନାଙ୍ଗେ ମାହାପୁରୁ ଇଞ୍ଜି ଜଲିନେରି □”
 ୧୨ ମାର ବାରେଜାଣା ମାହାପୁରୁ ନକିତା ମାର କିତି କାମାତି ଲେକା
 ହୀନାୟି □

ତାୟିଇଁ ପାପୁ କିଞ୍ଚି କିଆଦୁ

୧୩ ଏଦାଆଁତାକି ରଅତେରି ରଅଣାଇଁ ବେରଣି କିଆଦୁ;
 ଇଲେକିହଁ ଏନାଆଁ ଜିକେଏ କିଆଦୁ, ଏନିକଁ ମୀ ତାୟି ପୁଟି
 କିହାନା ପାପୁତି ପାନ୍ଦାତା ରିଅସି □

୧୪ ପ୍ରବୁ ଜୀସୁ ତାଣାଟି ପୁଞ୍ଜାନା ସାତା ତଲେ ଝେସିମାଞ୍ଜାଇଁ, ଏନି
 କାଦି ତାନୁଏ ଲାଗେଏତାୟି ଆଏ □ ସାମା ଆମ୍ବାଆସି ଏନି କାଦିତି
 ଲାଗେଏତାୟି ଇଞ୍ଜି ଅଣ୍ପିନେସି, ଏଞ୍ଜାଣାକି ଏଦି ଲାଗେଏତାୟି
 ଆନେ □

୧୫ ମୀରୁ ଏନି କାଦି ତିନି ତାଣାଟି ର ତାୟି ଅଣ୍ପୁତା କସୁ
 ହୀହିମାଞ୍ଜେରି, ଆତିହଁ ଏଞ୍ଜାଣାଇଁ ମୀରୁ ଜୀଞ୍ଜୁନଞ୍ଜୁତା ତାକି
 ହିଲଅତେରି, ଆମିନି ତାୟି ତାକି କ୍ରୀସୁ ହାଡେସି, ଏ କାଦି ତାକି
 ଏଞ୍ଜାଣାଇଁ ଲାଗେଏ କିଆଦୁ □

୧୬ ମୀରୁ ଏନାଆଁ ନେହାୟି ଇଞ୍ଜି ଅଣ୍ପିମାଞ୍ଜେରି, ଏଦାଆଁତାକି
 ମୀରୁ ଲାଗେଏତାତେରି ଆଆଦୁ;

୧୭ ମାହାପୁରୁତି ରାକି ତିନାୟି ଉନାୟି ଆଏ □ ସାମା ଏଦି ଦାମ୍ବୁ,
 ହିଡଡି ଇଞ୍ଜା ସୁଦୁଜୀଞ୍ଜୁ ହୀତି ରାହାଁଗାଟାୟି □

୧୮ ଆମ୍ବାଆସି ଇଲେକିହଁ କ୍ରୀସୁତି ସେବା କିନେସି; ଏଞ୍ଜାସି
 ମାହାପୁରୁ ନକିତା ନେହାୟି ଇଞ୍ଜା ମାଣ୍ଡିୟାଁ ନକିତି ତାୟିପାରିତା
 ଜୀଣା ଆତାସି ତଞ୍ଜାଆନେସି □

୧୯ ଏଦାଆଁତାକି ଝାଦୁ, ଏନା ଏନାୟି ହିଡଡି ଗାଟାୟି, ଅଡେ ଏନା
 ଏନାଆଁତଲେ ରଅସି ରଅଣାକି ବାସୁଁ ହୀନେସି, ଏ ବାରେତି ମାର
 ଅଣ୍ପିନ

୨୦ ଏ ଉଦ୍ଦେଶ୍ୟ ଲାଭ କରିବା ପାଇଁ ମାହାପୁରୁଷ କାମାଇଁ ନାସ କରିଥାନ୍ତୁ, ବାରେ ଏ ସୁଦ୍ଧା କିଛି ଆହାମାନେ, ସାମା ଏକି କାନ୍ଦି ତିନି ତାଣ୍ଡାଟି ମୀରୁ ଏଟକା ଲକ୍ଷ୍ମୀ କସ୍ତ୍ର ହୀନିମାଞ୍ଜେରି, ଆତିହିଁ ଏ କାନ୍ଦି ତିନିଆଦୁ □

୨୧ ମୀରୁ ଉଚ୍ଚା ତିନାୟି, ଅଚ୍ଚୁରି ରାସା ଗହନି ତାଣ୍ଡାଟି ମୀ ତାୟିକି କସ୍ତ୍ର ଆହିମାଟିସାରେ ତିନି ଉନି ତାଣ୍ଡାଟି ହେକ ଆନାୟି ନେହେଁ □

୨୨ ମୀ ଏମିନି ନାମୁ ମାନେ, ଏଦାଆଁ ମୀରୁ ମୀ ହିୟାତା ମାହାପୁରୁଷ ନକିତା ଇଟାଦୁ, ଆମ୍ବାଆସି ଏନାଆଁ ନେହାୟି ଇଞ୍ଜି ଅଶ୍ୱପିନେସି, ଏଞ୍ଜାସି ଏମ୍ବାଆଁ ତାଙ୍ଗେ ଦହଗାଟାସି କିଅସି, ଆତିହିଁ ଏଞ୍ଜାସି ନେହାସି □

୨୩ ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି ଆନେସି, ଇତିହିଁ ଏଞ୍ଜାସି ନାମୁତଲେ ତିଞ୍ଜା ହିଲଅସି; ଅଡେ ଏନାୟି ନାମୁତଲେ ଆଏ, ଏଡି ପାପୁ □

୧୫

ଏଟକା ଲକ୍ଷ୍ମୀ ରାହାଁ କିଦୁ

୧ ମୀରୁ ନାମୁତା ଆଟ୍ଟା ଗାଟାତାୟି, ବାଡ଼ୟୁ ହିଲାଆଗାଟି ଲକ୍ଷ୍ମୀ ମୀରୁ ସାସା ହୀନାୟି ମାନେ, ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି ଅଶ୍ୱପାଆପେସି □

୨ ସାମା ଏଟକା ଲକ୍ଷ୍ମୀ ନେହେଁତାକି ଇଞ୍ଜା ଏଞ୍ଜାରି ନାମୁତି ଆଟ୍ଟା କିହାଲିତାକି ଏଞ୍ଜାରାଇଁ ରାହାଁତଲେ ଇତିନାୟି ମା କାମା □

୩ କ୍ରୀସ୍ତ ଜିକେଏ ତାନି ସୁକୁ ତାକି ଏନାଆଁ କିହି ହିଲାଆତେସି; ସାମା ସାସ୍ତେରିତା ରାସ୍ତକି ଆହାମାନି ଲେହେଁ, “ମିଙ୍ଗେ ନିନ୍ଦା କିନ୍ଦାତାରା ନିନ୍ଦା ନା ମୁହେଁ ଖାଡେ □”

୪ ସାସ୍ତେରିତି ଜାପୁନାଇ ବାରେ ମା ନେହେଁତାକି ଲଡା ଆଦୁ □ ବାସ୍ତୁ ତଲେ ତୀରିଆହାଁ ଡୟାଲି ତାକି ସାସ୍ତେରି ମାଙ୍ଗେ ସାସା ଇଞ୍ଜା ରାହାଁ ହୀନିମାଞ୍ଜାନେ □

୫ ଆଟ୍ଟା ଅଡେ ଦୁକୁ ତୁକହାନି ମାହାପୁରୁ ମିଙ୍ଗେ କ୍ରୀସ୍ତ ଜୀସ୍ତୁତି ମାଶ୍ୱକି ତଲେ ବାରେତେରି ମିଙ୍ଗେ ରଣ୍ଡିଏ ମନ ଆହାଲି ହିୟାପେସି,

୬ ବାରେଜାଣା ଆଶୁଓି ଆହାନା ରଣିଏ ହିୟାଁ ରଣିଏ ଗୁତି ତଲେ ପ୍ରବୁ ଜୀସୁ କ୍ରୀସୁ ଆବା ମାହାପୁରୁତି ଜହରା କିତେରି □

ଜୀହୁଦି ଇଞ୍ଜା ଜୀହୁଦିଆଆତି ଲକୁତାକି ନେହୁଁ କାରୁ

୭ ମାହାପୁରୁତି ଗାଓୁରମି ତାକି କ୍ରୀସୁ ଏନିକିହୁଁ ମିଙ୍ଗେ ଆବା ମାଞ୍ଜାନେସି, ମୀରୁ ଜିକେଏ ଏଲେକିହୁଁ ରଅତେରି ରଅଣାଇଁ ଆବାଦୁ □

୮ ଇତିହୁଁ ନାନୁ ଏଲେ ଇଞ୍ଜିମାଇଁ, କ୍ରୀସୁ ମାହାପୁରୁତି ସାତା ତାକି ତଲୁ ଦାପି ଆତି ଲକୁତି ସେବା କିନାସି କିଓିଆହା ମାରେସି, ଏନିକିହୁଁ ଏଓାସି ଆକୁ ଆବାୟାକି ଆଞ୍ଜାନା ହୀହାମାନାଣି ତୀରି କିନେସି,

୯ ଅଡେ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକୁ ଜିକେଏ ଏଓାଣି ଗାଓୁରମି କିନେରି; ଈ କାତା ସାଓ୍ଵେରିତା ରାୟକି ଆହାମାନେ;

“ଇଦାଆଁତାକି ଜୀହୁଦିଆଆତି ଲକୁତାଣା ନୀ ଜହରା କିଇଁ,
ବାରେଦିନା ନୀ ପାରୁ ପାଡ଼ିଇଁ □”

୧୦ ଅଡେ ଜିକେଏ ଏଲେଇଞ୍ଜି ମାନେସି,

“ଜୀହୁଦିଆଆତି ଲକୁ ମାହାପୁରୁତି ଲକୁତଲେ ରାହାଁ କିଦୁ □”

୧୧ ଅଡେ ଜିକେଏ,

“ଜୀହୁଦିଆଆତି ଲକୁ ବାରେ ପ୍ରବୁଇଁ ଜହରା କିଦୁ,
ଅଡେ ବାରେ ଲକୁ ଏଓାଣି ପାରୁ ପାଡ଼ାପେରି □”

୧୨ ଅଡେ ଖେଣ୍ଡେ ଜିସାୟ ଖେସାମାନେସି,

“ଜିସି କୁଡାଟି ରଅସି ତଞ୍ଜାଆନେସି,
ଏଓାସି ଜୀହୁଦିଆଆତି ଲକୁଣି ସାଲଓି କିନେସି,
ଇଞ୍ଜା ଜୀହୁଦିଆଆତାରି ଏଓାଣି ତାଣା ବାସୁଁ ଇଟିନେରି □”

୧୩ ବାରେ ବାସୁଁଗାଟି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡ଼ଡ଼ି ହିୟାପେସି □ ଏନିକିହୁଁ ସୁଦୁଜୀଓୁତି ବାଡ଼ୟୁ ତଲେ ମୀ ବାସୁଁ ପାଡ଼ାଆନେ □

ଜୀହୁଦିଆଆତି ଲକୁତାଣା ପାଓୁଲତି ସେବା

୧୪ ତାୟି ତାଈଁସ୍ତାତେରି, ମୀରୁ ବାରେ ନେହ୍ ଗୁଣ୍ଣୁ, ଏନିକିହ୍ ବାରେ ବୁଦିତଲେ ଇଞ୍ଜା ରଅତେରି ରଅଣାକ୍ ଜାପୁହାଲି ତାକି ଆଡିଦେରି ନା ନାମୁ ମାନେ □

୧୫ ଆଡିଜିକେଏ ମାହାପୁରୁ ହାହାମାଞ୍ଜାନି କାର୍ମାତି ବାଡୁମୁଟି ନାନୁ ମିଙ୍ଗେ ଅଣପି କିହାଲି ହାରେକା ସାସାତଲେ ମୀ ତାଣା ଇ ଆକୁ ରାଡିମାଞ୍ଜାଇଁ □

୧୬ ଏନାଆଁତାକି ଇଚିହ୍ କ୍ରୀସ୍ତ ଜୀସୁତି ହ୍ରେଲଏଣା ଲେହେଁ ଜୀହୁଦିଆଆତି ଲକୁତାକି କାମା କିହାଲି ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି □ ମାହାପୁରୁତି ନେହ୍ କାରୁ ଝେକହାଲି ତାକି ନାନୁ ର ପୂଜେରାତି କାମା କିହିମାଇଁ □ ଜୀହୁଦିଆଆତି ଲକୁ ସୁଦୁଜୀଝୁ ତଲେ ହେରପିଆଡି ଲେହେଁ ମାହାପୁରୁ ତାଣା ଆବିନାରି ଆପେରି, ଇଦି ନା ଅଣପୁ □

୧୭ କ୍ରୀସ୍ତ ଜୀସୁତଲେ ଆଣ୍ଟାନା ମାହାପୁରୁ ତାକି ଇ ସେବା କାମା କିହାମାନାକି ନାନୁ ବଡପଣ ଆହିମାଇଁ □

୧୮ ଇଚିହ୍ ଜୀହୁଦିଆଆତାରାଇଁ ମାହାପୁରୁ ତାଣା ତାଚାଲି କ୍ରୀସ୍ତ ନା ତାଣାଟି ବଲୁଡା ଅଡେ କାମାତା ଇଚିହ୍ ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀଝୁତି ବାଡୁମୁଟି ଏନା ଏନାଆଁ କିହାହିଲଅସି, ଇଲେତି ଏନି କାମା କିହାଲି ସାସା କିହିହିଲଅଁ □

୧୯ ସିନା ଅଡେ କାବାଆନି କାମାତି ବାଡୁମୁଟି ଅଡେ ମାହାପୁରୁ ସୁଦୁଜୀଝୁତି ବାଡୁମୁଟି ନା ତାଣାଟି କିହାମାନେସି □ ଏନିକି ନାନୁ ଜିରୁସାଲମ ଟଟ ସାରିଝାକି ଇଞ୍ଜା ଇଲୁରିକମ ପାତେକା କ୍ରୀସ୍ତତି ନେହ୍ କାରୁ ଝେକହାମାଇଁ □

୨୦ ଆମିୟା ଲକୁ କ୍ରୀସ୍ତତି କାତା ଝେଞ୍ଜାହିଲଅରି, ଏମ୍ବାଆଁ ଏଝାଣି ବଲୁ ଝେକହାଲି ନା ଅଣପୁ, ଏନାଆଁତାକି ଇଚିହ୍ ଏଟକାତି ଲକୁ କିହାମାନି ପୁନାଦି ଲାକ ଇଲୁ କିହାଲି ନାନୁ ଅଣପି ହିଲଅଁ □

୨୧ ସାସ୍ତେରିତା ଏନିକିହ୍ ରାସ୍କି ଆହାମାନେ;

“ଆମିନି ଗାଟାରି ଏଝାଣି ବଲୁ ବେଟାଆହା ହିଲଅରି,
ଏଝାରି ମେହ୍ନେରି; ଆମ୍ବାଆରି ଝେଞ୍ଜାହିଲଅରି, ଏଝାରି
ତେଲ୍‌ହିନେରି □”

ରମ୍ଭା ହାଜାଲି ପାଞ୍ଚୁଲତି ଅଶ୍ୱପୁ

୨୨ ☆ହାରେକା ଦେବା ମୀ ତାଶା ଖାହାଲି ତାକି ନା ଅଶ୍ୱପୁ
 ଉଜେଏତାୟି ଅଡ଼େତ □

୨୩ ସାମା ଇ ରାଜିତା ନା ସେବା କାମା ରାହାମାନେ ଅଡ଼େ ନା ଆସା,
 ମିଙ୍ଗେ ମେସାଲି ତାକି ନା ହାରେକା ବାର୍ସାତି ଅଶ୍ୱପୁ ନୀର୍ଏ ପୁରା ଆନେ
 □

୨୪ ନାନୁ ସ୍ତେନ୍ ଦେସା ହାନିବେଲତା ମୀ ତାଶା ଖାଲ୍; ଇଚିହି
 ଜିରୁତା ମୀ ତଲେ ତଲିଏ ଆଶ୍ୱାନା କାତା ଆହ୍ଲା ଏଚରଦିନା ଡ଼ୟିତି
 ତାୟୁ ଏ ଗାୟୁତା ହାଜାଲି ଜିରୁତା ଇଚିଖାୟାଦେରି ଇଞ୍ଜି ଆସା
 କିହିମାଲ୍ □

୨୫ ☆ନୀର୍ଏ ମାହାପୁରୁ ଲକୁତି ସେବା କିହାଲି ନାନୁ ଜିରୁସାଲମତା
 ହାଜିମାଲ୍ □

୨୬ ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲିଆ ଗାଟାରି
 ମାନେରି, ଏଞ୍ଜାରି ତାକି ମାକିଦନିୟା ଅଡ଼େ ଆକାୟାତି କୁଲମିକା
 ଆଶ୍ୱାଲି ତାବୁୟା କୁଡ଼ିକିହାଲି ତାରି କିହାମାନେରି □

୨୭ ☆ହାଅ ଏଞ୍ଜାରି ଏଦାଆଁ ନେହେଁ ଅଶ୍ୱପା ମାନେରି ସାତା,
 ଆତିହି ଏଞ୍ଜାରି ଏଞ୍ଜାରିତାଶା ରୀଶା ଜିକେଏ ଆହାମାନେରି;
 ଜୀହୁଦିଆଆତାରି ଏଞ୍ଜାରି ଦାମୁତି ଜୀହୁତା ଆଶ୍ୱାମାନେରି ଇଚିହି,
 ଏଞ୍ଜାରି ଦାରତିତି କାମାତା ଜିକେଏ ସେବା କିହାଲି ରୀଶା
 ଆହାମାନେରି □

୨୮ ଜିରୁସାଲମତା ଏ ତାବୁୟା ଲକୁକି ହୀହାନା ନା କାମା ରାପୁହି
 ତାୟୁ, ନାନୁ ସ୍ତେନ୍ ଦେସାତା ହାନାଟି ଏ ଜିରୁଟିଏ ମିଙ୍ଗେ ବେତି ଖାଲ୍
 □

୨୯ ନାନୁ ପୁଞ୍ଜାମାଲ୍, କ୍ରୀସ୍ତ ତାଶାଟି ହାରେପୁରେ ବର
 ବେଟାଆହାନା ନାନୁ ମୀ ତାଶା ଖାଲ୍ □

୩୦ ଜୀହୁତି ତାୟି ତାଜି, ନାନୁ ମା ପ୍ରୁ ଜୀସୁ କ୍ରୀସ୍ତ
 ଦରୁତଲେ ଇଞ୍ଜା ସୁଦୁଜୀହୁ ହୀହାମାଞ୍ଜାନି ଜୀହୁ ନନାଶି ତାକି ମିଙ୍ଗେ

☆ ୧୫:୨୨ ୧୫:୨୨ ରମି ୧:୧୩ ☆ ୧୫:୨୫ ୧୫:୨୫ ୧କର ୧୭:୧-୪ ☆ ୧୫:୨୭
 ୧୫:୨୭ ୧କର ୯:୧୧

ବାତିମାଲିମାଞ୍ଜାଇଁ, ନାଞ୍ଜେ ତାକି ମାହାପୁରୁ ତାଣା ରଣିଏ ଅଣ୍ଟପୁ
ତଲେ ପ୍ରାଡାନା କିଦୁ □

୩୧ ନାନୁ ଜୀହୁଦା ଦେସାତି ନାମାଆତି ଲକୁ ତାଣାଟି ଏନିକିହିଁ
ଗେଲ୍ପି ଆଇଁ ଇଞ୍ଜା ଜିରୁସାଲମତା ନା ଏମିନି ସେବା କାମା,
ଏଦିଏମ୍ବାଆଁ ମାହାପୁରୁ ଲକୁ ଅପିନେରି, ଏଦାଆଁତାକି ପ୍ରାଡାନା
କିହେମାଞ୍ଜୁ □

୩୨ ମାହାପୁରୁ ଅଣ୍ଟପୁ ତଲେ, ନାନୁ ମୀ ତାଣା ହାରେକା ରାହାଁତଲେ
ଝାଇଁ ଇଞ୍ଜା ମୀ ତଲେ ଏତରଦିନା ପାତେକା ଡୟାନା ନା ହିୟାଁତା
ରାହାଁ ବେଟାଆଇଁ □

୩୩ ବାରେ ହିଡ଼ଡ଼ି ହିୟାନି ମାହାପୁରୁ ମୀ ତଲେ ମାଣ୍ଟ୍ରେସି □
ଆଡ଼ମନ୍ □

୧୭

ପାଞ୍ଜୁଲତି ଜହରା

୧ କେଞ୍ଜେୟା କୁଲମିତା ସେବା କାମା କିହିମାନି ମା ତାଜି
ପୟିବିଇଁ ମୀ ତାଣା ପାଣ୍ଡିମାଞ୍ଜାଇଁ,

୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ
ଲେମ୍ବାଦୁ □ ତାନି ଲଡ଼ାମାନି ଲେହେଁ ସାୟେମି କିଦୁ □ ଏଦି
ନାଞ୍ଜେତାକି ଅଡ଼େ ହାରେକା ଲକୁତି ସାୟେମିତି ତଡ଼ୁ □

୩ ☆କ୍ରୀସୁ ଜୀସୁତି ସେବା କାମାତା ନା ତଲେ କାମା କିହିମାନି
ପ୍ରିସ୍ତିଲା ଇଞ୍ଜା ଆକ୍ଝିଲାଇଁ ନା ଜହରା ଝେହ୍ଦୁ □

୪ ଏ ଲକୁ ନା ତାକି ତାମି ଜୀଞ୍ଜୁତା କସ୍ତୁ ଆହାମାନେ □ ଝାରଇ
ନାନୁ ଆଏ, ବାରେ ଜୀହୁଦିଆଆତି କୁଲମି ତାମି ତାଣା ଜହରା □

୫ ଏ ଲକୁତି ଇଜ ରୁଣ୍ଡା ଆହିମାନି କୁଲମିତି ଲକୁଣି ଜିକେଏ ନା
ଜହରା ଝେସିମାଇଁ □ ନା ଜୀଞ୍ଜୁତି ତଡ଼ୁ ଏପାୟିନେତଇଁ ନା ଜହରା
ଝେହ୍ଦୁ □ ଆସିୟା ଦେସାତି ଏଞ୍ଜାସି ରଅସି ମୁଲୁଏ କ୍ରୀସୁଇଁ ନାନିତାସି
□

୬ ମୀ ନେହେଁତାକି ଜମାଆନା କାମା କିହିମାନି ମରିୟମଇଁ ନା
ଜହରା □

☆ ୧୭:୩ ୧୭:୩ କାମା ୧୮:୨

୭ ଆନ୍ତନିକ ଇଞ୍ଜା ଜୁନିୟାଙ୍କ ନା ଜହରା □ ଇ ରିଆରି ଜୀହୁଦିୟା ନା ତଲେ କାୟିଦି ଇଲୁତା ମାଚେରି □ ନା ନକେଏ କ୍ରୀସ୍ତୁଙ୍କ ନାମା ମାଚେରି ଇଞ୍ଜା ପାଣ୍ଡୁଆଡ଼ି ସୀସୁ ତାଣାଟି ଏଞ୍ଜାରି ପୁଣ୍ଡି ଆଡାରି □

୮ ପ୍ରବୁ ତାଣା ନା ଜୀହୁତି ତଡ଼ୁ ଆମ୍ବିୟାତଙ୍କ ଜହରା □

୯ କ୍ରୀସ୍ତୁତି ସେବା କାମାତା ନାଙ୍ଗେ ସାୟେମି କିହିମାଞ୍ଜାନି ଉର୍ବାନ ଇଞ୍ଜା ଜୀହୁତି ତଡ଼ୁ ସ୍ତାକିୟଙ୍କ ଜିକେଏ ନା ଜହରା □

୧୦ କ୍ରୀସ୍ତୁତି ମାନି ତଲେ କାମା କିନି ଆପେଲା ଇଞ୍ଜା ଆରିସ୍ତୁକୁଲ କୁଟମିତି ବାରେ ଜାଣାଙ୍କ ନା ଜହରା ଖେହ୍ଦୁ □

୧୧ ନା କୁଡାଡ଼ି ହେରଦିୟନ ଇଞ୍ଜା ନାକିଏ କୁଟମିତି କ୍ରୀସ୍ତୁତି ତାୟିୟାଣି ଜିକେଏ ନା ଜହରା □

୧୨ ପ୍ରବୁତି ସେବା କାମାତା ମାନି ତ୍ରିପେନା ଇଞ୍ଜା ତ୍ରିପସାଙ୍କ ଇଞ୍ଜା ପ୍ରବୁ ତାକି ହାରେକା କାମା କିହାମାନି ଜୀହୁତି ପସିଏଙ୍କ ନା ଜହରା □

୧୩ ☆ପ୍ରବୁ ଆଚାମାନି ରୁପସ ଇଞ୍ଜା ନା ତାଲି ଲେହେତି ତାନି ଇୟାନି ଜିକେଏ ନା ଜହରା □

୧୪ ଅସୁକ୍ତିତ, ସ୍ନେଗନ, ହମିଏ, ପାତ୍ରବା, ହମିଏ ଇଞ୍ଜା ଏଞ୍ଜାରିତଲେ ମାନି ବାରେ କ୍ରୀସ୍ତୁଙ୍କ ନାମିମାନି ତାୟି ତାଙ୍ଗିଙ୍କ ଜହରା ଖେହ୍ଦୁ □

୧୫ ପିଲଲଗ ଇଞ୍ଜା ଜୁଲିୟା, ନିରୁସ୍ ଇଞ୍ଜା ତାନି ତାଙ୍ଗି ଅଡ଼େ ଅଲୁମ୍ପା ଅଡ଼େ ଏଞ୍ଜାରିତଲେ ମାନି ବାରେ ମାହାପୁରୁ ଲକୁଣି ନା ଜହରା ଖେହ୍ଦୁ □

୧୬ ସୁଦୁ ହିୟା ତଲେ ନଶ୍ତ୍ରି ଆହାନା ଜହରା ଖେହ୍ଦୁ □ କ୍ରୀସ୍ତୁତି ବାରେ କୁଲମିକା ମିଙ୍ଗେ ଜହରା କିହିମାଞ୍ଜାନୁ □

ପାଞ୍ଜୁଲତି ରାନି ବେଲାତି ବଲୁ

୧୭ ତାୟି ତାଙ୍ଗିସ୍ତାଚେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପିସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଞ୍ଜାରିଙ୍କ ପୁଞ୍ଜା ତୟାଦୁ, ଏଞ୍ଜାରି ତାଣାଟି ଏଟକା ଆୟାଲି ନାନୁ ବାତିମାଲିମାଞ୍ଜାଙ୍କ □

☆ ୧୭:୧୩ ୧୭:୧୩ ମାର୍କ ୧୫:୨୧

୧୮ ଇତିହାସ ଇଲେତି ଲକ୍ଷ୍ମୀ ମା ପ୍ରଭୁ କ୍ରୀସ୍ତତି ହଲିୟାଙ୍ଗା ଆଏ, ସାମା ତାମି ବାଣ୍ଡିତି ହଲିୟାଙ୍ଗା ଆହାମାନେରି, ଅଡ଼େ ସୁଖାଲା ହାତାତଲେ ଲକ୍ଷ୍ମୀ ମନତି ନାଡ଼ି କିନେରି □

୧୯ ନେହାସ ବଲ୍ଲୁ ତାକି ମୀ ତୀରପୁ କାମା ବାରେ ଲକ୍ଷ୍ମୀ ଖେଞ୍ଜାମାନେରି, ଇଦାଆତାକି ନାନୁ ହାରେକା ରାହା □ ନାନୁ ଅଶ୍ଵିମାଲ୍, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଞ୍ଜା ଉଦେଏତି କାତାତା ଆଣ୍ଡାଆଦୁ □

୨୦ ଆତିହାସ ହିଡ଼ି ହିୟାନି ମାହାପୁରୁ ତବେ ସୟତାନଇଁ ମୀ କଡ଼ା ଡ଼ଇ କିନେସି □ ମା ପ୍ରଭୁ ଜୀସୁତି କାର୍ମାମେହନାୟି ମୀ ତଲେ ମାଣ୍ଡେ □

୨୧ ☆ନା ତଲେ କାମା କିହିମାନି ତିମତି ଇଞ୍ଜା ମା ଜୀହୁଦି ତାୟିୟା ଲୁକିୟ, ଜାସନ ଇଞ୍ଜା ସସିପାତ୍ର ମିଙ୍ଗେ ଜହରା କିହିମାଞ୍ଜାନେରି □

୨୨ ଇ ଆକୁ ରାଡ଼ାମାନି ତତ୍ତୟ, ପ୍ରଭୁତି ଦରୁତଲେ ମିଙ୍ଗେ ଜହରା କିହିମାଞ୍ଜାଇଁ □

୨୩ ☆ନାଙ୍ଗେ ଅଡ଼େ କୁଲମିତି ସେବା କିନି ଗାୟସ ମିଙ୍ଗେ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି ଗୁମୁସ୍ତା ଏରାସ୍ତ ଇଞ୍ଜା ତାୟି କ୍ଷାଡ଼ ଜିକେଏ ମିଙ୍ଗେ ଜହରା କିହିମାଞ୍ଜାନେରି □

୨୪ ପ୍ରଭୁ ଜୀସୁତି କାର୍ମାମେହନାୟି ମୀ ବାରେ ଜାଣାକି ଆପେ □

ପ୍ରାତାନା ଇଞ୍ଜା ଜହରା ତଲେ ଆକୁ ରାପ୍ନାୟି

୨୫ ଖାଦୁ, ମାର ମାହାପୁରୁତି ଗାଞ୍ଜୁରମି କିନ □ ନାନୁ ଖେକ୍ହାମାନି ଜୀସୁ କ୍ରୀସ୍ତତି ନେହାସ ବଲ୍ଲୁ ଇଞ୍ଜା ତଲି କାଲ୍ଲାଟିଏ ଡ଼ଗୁମାନି ସାତା ଲେହେଁ ମୀ ନାମୁ ତୀରିକିହାଁ ଇଟାଲି ମାହାପୁରୁ ଆଡ଼ିନେସି □

୨୬ ଏ ଡ଼ଗୁମାନି ସାତା ମାହାପୁରୁ ଅଶ୍ଵୁତି ବଲ୍ଲୁ ଖେହନାରି ସାସ୍ତ୍ରିତା ରାସ୍ତି ଆହାମାନେ ଅଡ଼େ ଏଦି ନୀଏଁ କାଲ୍ଲାକାଲ୍ଲାତି ପ୍ରଭୁ ମାହାପୁରୁ ତାଣାଟି ବାରେ କୃଡ଼ା ବିତ୍ରା ଖେପ୍ତି ଆହିମାନେ □ ଇଦାଆ ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି ଆଡ଼ିନେରି □

☆ ୧୭:୨୧ ୧୭:୨୧ କାମା ୧୭:୧ ☆ ୧୭:୨୩ ୧୭:୨୩ କାମା ୧୯:୨୯; ୧କର ୧:୧୪; ୨ତିମ ୪:୨୦

୨୭ ବାରେ କାତା ପୁନି ମାହାପୁରୁ ପ୍ରବୁ ଜୀସୁ ତାଣା କାଲାକାଲା
ତାକି ଗାଝୁରମି ବେଟାଆପେସି □ ଆମେନ୍ □

liv

ପୁସ୍ତକ ଖୋଲା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଖୋଲା,

କୁସାଲ ପୁସ୍ତକ ଖୋଲା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20